


آلچا گۆزۈندن گلسين
حافظ خياوى



Alça gözündən gəlsin

Hafiz Xiyavi



آچا گؤز وندن گلسین

حافظ خیای

آچا گۆزوندن گلسين

حافظ خياوى

اڻديت: منصور مظلومى، مرتضى سلمانى

جلد ديزاينى: بابڪ شيرين صفت

صفحه دوزهنى: مرتضى سلمانى

بو ڪيتاب ۱۳۹۸- جى ايلده اينترنت اوزره ياييلميش دير.



اوزون ساچلاری قولاق لارینین اوستونو آلمیش آریق اوغلاندان «کیمین توینا گئدینسن بالا؟!» سوروشور؛ اوزون ساچلی دا «مهدی نصیری نین» دئینده، خیوانین چالا-چوخورونا یاواش دوشسون دئییه ترمز توتوب، دنده اسگیلدی، سوروشور: «هانسی نصیری بالام؟» اوزون ساچلی، «حاجی صمدین نوه سی!» دئجه یین اونا باخیر، الینی اونا ساری اؤلچهرک «آده! حاجی صمد یوخئی، قیرمیزی صمد!» دئییب گوله-گوله شاپبیلیتیلای الینی آتلی دیزینه وورور، بؤیروندن آیری بیر چالایا گۆره بونون کیمی سرعتینی آلیب، یاواشییب «تاغی عمی، ماشاللا کئفون سازدی ها!» دئییب، بیراز توزو قارایا چالان آغ ماشینلییا

گولە-گولە «كئفدى دايىنا!» دئىير، اونو سوووشاندا دا دال بادال ايكي دۇنە سيگنال چالير.

اوزون ساچلى «نئچە تقديم ائلييه جييم؟»، سوروجو ده «قوى قالسېن، قوناغ اول منه!» دئيب ماشيني بير كوچه نين آغزينا قالميش خياوانين قيراغيندا ساخلاياندا، كوچه دن چيخيب خياوانين بونلار گلديي طرفه گئتمكده اولان ماشين لارين ترمز جيغىلتى لارى، سيگنال چالمالارى، ايچينده كى آدام لارين چيغير-باغير سالمالارينا، گولوب قاققيدامالارينا زادينا گۆره اوجادان «چوخ ساغول! ال لرون آغريماسين!» دئيب پولونو وئير، بير آياغى يئرده، بير آياغى دا ماشينين ايچينده اولاندا، ماشين لارين بيريندن بير باشى يئكه اوغلان اوجا سسله «آراز! ايندى گليس، گۆت وئرن؟» دئيب اوجادان گولور. اوزون ساچلى، ماشينين قاپيسيني اؤرته رك ال قاوازيب گولە-گولە «عمى اوغلى؟» دئيه جواب وئير، چانتاسيني چينينه آتيب، پيادا يولونا كئچير.

ماشين لارين بير آيريسى نين پنجره سيندن باشيني ائشيه چيخاردان بير جاوان اوغلان «آراز! هاى آراز!» سسله جه بين آراز ال قاوازيب گولومسه يرك اوجادان دئير: «ممد!» ممد ماشيني خياوانين او اينده ساخلايب «تئز اول گه! گئديروى خينيا» دئير، ماشينين آرخاسيندا، ايكي اوتورائين دؤنوب داليا باخانى دا آرازى اليه

چاگیریر. آراز بیر-ایکی آددیم ماشینا ساری ایره لیله ییب اوجادان
دئیر: «یوخ! گئدون سیز.»

آراز کوچه یه کئچیر، خینایا گئدن ماشین لارین دئیسه سن لاپ آخیرا
قالمیشینی، سیگنال چالا-چالا چیراق لارینی قابقدان گلن لرین
گؤز لرینه سالاراق سرعتله کوچه نین آغزینا ساری گلمه سینی
گؤرجه یین، اؤزونو تئز دووارین دیبینده ساخلانیلان ماشین لارین
آراسینا سالیر، کوچه نین قارانلیغیندا اوزو یاخجی گؤرونمه یین، آما
سسی جاوان سسینه بنزه یین بیرسی، باشینی ماشینین
پنجره سیندن ائشییه چیخاردیب چیغیراراق دئیر: «جانو یئتم!»
ماشین سوووشوب ایچینده کی لرین گولوشمه سس لرلیله
اوزاقلاشاندا، آراز ماشینا دالدان باخیر، باشیندان اوزبه اوزونده کی
دووارا چکیلن سیم لردن رنگ به رنگ چیراق لار آسیلان قاپییا ساری
یولا دوشمه میشدن توی ائویندن گلن «آی ساللانیب گلن یار»
ماهنیسینی ائشیدرکن بلکه ده اوره یینده ماشیندا کی لارا یامان-
یوووز زاد دئیر. آنجاق دانیشماغا آغزینی آچمامیش گولومسه یین،
اووودلارینا ایکی خیرداجا چالا دوشموش، زیل قارا گؤز لرینین اوج
قولاغی دا بالاجا ییغیشیب آلتینا گؤرونوب-گؤرونمز جیز دوشن
آرازا یامان دئمک یاراشمیر!

دووارین اوستونده کی یئکه چیراغین ایشیغیندا، آرازین اؤزو
گئیدی قهوه رنگلی کوت شالواریندان بیراز آچیق گؤرسه نن

كوت شالوارلى، آرازى گۆرجه يىن قاپىننن قباغىنداكى اوچ-دۇرد
جاوان-جوواننن يانيندان گولە-گولە آراز سارى گلير، گلە-گلە دە
دئير: «آراز، سنە يامان بى ائشيمەلى جريان ديهه جيم!»
آراز گولومسە يرك دئير:

«جفرنن حاجى سونانن جريانن؟»

«هە! ائشيديسن؟»

آراز گولەرك دئير: «هە! ائشيميشم.» قاپىننن يانينداكى اۋزلىرى
ياشدا اولان جاوانلار آرازىن دئيدىنىنى ائشيدىب گولورلر،
قەوهرنگلى كوت شالوارلى دا توتولان كىمى اولور، آراز قارا قيرمىزىيا
چالان كراواتىندان ياپىشىب دئير:

«نە قَشِيدى!»

«ساغول!»

آراز چىينىندن آسلانان چانتانى ايلە قارا-قيرمىزى كراواتلىيا
گۆرسە دىب، اىنى اونون بئلىنە قوياراق «بىيازدان گلرسن
ايچەروى!»، قاپىننن يانينداكى جاوانلارا دا باخىب گولومسە يرك
«ائلە سىز دە!» دئىب، اوخويان ماهىنىنى «كۆنلىمى قان ائىلە مە
گل سئوگىلى جانان» آيئتيرندە ائوين قاپىسىنا سارى گئدير.

پىللەلردن ائنير، آغاچلارنىنن آلتىندا، قول-بوداقلارنىندان
رنگبەرنگ بالا لامپلار آسلانان آغاچلارنىنن، هم دە ساغ-
سولداكى دووارلارنىنن دىبيندەكى موزايىكلنمىش ايكى يولا،

بعضیسی بوش، بعضی سینین اوستونده آدام اوتورموش پلاستیک صندل لر دؤشتمیش حیطه کئچیر. نئچه آددیم ایره لی گئدیر، ایکی الده ده سیرا-سیرا دوزولن صندل لرین آراسینداکی دار کئچه جه یین آغزیندا دایانیر. اوخویوب اوینایان لارا گؤره سوپورولوب تمیزلنمیش گئیشلییین اورتالاریندا آیاق اوسته دوروب میکروفون الینده قیرمیزی کوتلو اوخویانا، اوندان دؤرد-بئش آددیم دالدا دا، ائوین ساغداکی پنجره لرینین بیرسی نین آلتیندا موزاییکلنمیش یئرده صندل لرده اوتوران لارا، قارمانلا قوال چالان لارا باخیر. سونرا سول الدهه کی سارماشیق سووواشمیش دووارین آخیرلاریندا، صندل لرین دالینداکی کُردی ایله سارماشیقلی دووارین بیر آدام کئچه بیله جک قدر آراسیندا کُردیدن قالخان گول کولونون آرخاسیندان گؤرسنمه یین بیر شئین اوستونده ایکی اوتوران لارا، ال لرینده کی استکان لاری باش لارینا چکن لره، یئردن گؤتوردوک لری خیار-پامادوری دوزلاییب دیشله یین لره باخیر.

سونرا دؤنور بو تایا، ایکی-اوچ سیرا قاباقدا، گؤزونون قاباغینی توتان یئکه، یوغون توت آغاجینی سوووشاندا، توتون دووارا ساریکی بوداق لارینین آلتیندا اوتوران اوغلانین، دؤنوب دالینداکی گولوب دانیشان اوزو آریق گؤرسه نن اوغلانین بیردن گؤزو بونا دوشجه یین ال قاوازییب سسله ییب «آراز!» دئیهنه ال قاوازیاراق سلام وئریب

«ئىجەسن سجاد؟» دئىير. سجادلا دئىيب-گولن گون باشلى دا
 دۇنوب «بىي، آراز!» دئىير، آراز اونا دا ال قاوزايىب گولومسەيرك
 «سلام» وئىر، يئرلى-دىبلى گلمەين، بئوختا قالىب هلە گلىب
 چىخمايان، يا دا دوروب خىنایا گئدن قوناق لارین بوش قالان
 سىندل لىرىن آرخاسىندان دووارا سارى گئدندە، سجاد دووارا
 سارىكى بۇيروندە بوش سىندلى گۆرسەدەرك دئىير: «گە بىرا باخ!
 گە اوتى بىردا.» گون باش تىز دووارى گۆرسەدىب گولەرك دئىير:
 «ادە! خاخ جانىن چۆلدن زاتدان تاپىئىيب كى گلە اوتىرا بى چاتداغ
 دووارىن دىبىندە.» سونرا آراز باخىب گئە دووارى گۆرسەدەرك
 دئىير: «يالان دئىير، گلە! ابلفضلى ايكى رىشتر زلزىيە بتدى باخ!»
 آراز گولەرك ال قاوزايىر، سجاد الينى آلتدان آپارىب آچىقلا
 گون باشىن بۇيروندن چىمدىك گۆتورەرك ياواشجاسىنا دئىير:
 «آللاھ سىن كىمى مردوم آزارىن ائوين بىخسىن!»

آراز چاتلاق دووارا سارى يئىير، كرپىچ لىرى آلا قارانلىقدا توتقون
 قىرمىزىيا چالان ائوين لاپ سول اليندە، اوردان آغووش^۱ گۆرونن
 كوتون چىيىنە آتان آدامىن زىرمى اولاجاق بىر يئىر
 گىرەجە يىندن كئچىب ائنمەسىنە، گۆزدن اىتمەسىنە باخاندا، بىرى
 چاغىرير:

«آراز!»

^۱ آغووش (ağuş): آغ رىنگدە، آغشىن.

آراز سسه ساری دؤنور، قولاغی نین اوستونو آلان ساچینا بیر-ایکی یول الینی چکه رک پیلله لرین حیطه چاتا جاغیندا، بیراز قاباق اؤزو دوردوغو دار کئچه جه یین آغزیندا دوروب گولومسه یرک بونا ساری باخان قارا کوت شالوارلی، خوش رنگلی کراواتلینی گؤرجه یین «جلال! اده سن بیردئی میشسان!» دئیهرک اونا ساری گئدیر، ال وئریب دئییر: «نه وار نه یوخ؟» جلال الینی آرازین چینینه قویوب دئییر: «ساغ اول!» دئییر: «سالیغون!» اوخویوب چالان لارین بیر ماهنی نی باشا وورماقلا های لاری یاتجاق بیرینین اوجادان گولمه سی، «ائح ائح ائح ایی ائح ائح ایی» ائتمه سی ائشیدیلیر. جلال لا آراز دا بعضی لری کیمی گولورلر، بعضی لری «ساغول!»، «ساغول محی!» دئییرلر، بیری ده دئییر: «اوزون گولسین محی، اوزون گولسین!» محی دؤنوب «ائح ائح ائح ایی» ائده رک «اوزون گولسین» دئیینه ال قاوزاییر، جلال دا اورا-بورا بویلانیب الیله حیطین اورتالاریندا، محی نین گؤلمک سسی گلن یئری گؤرسه ده رک گوله-گوله دئییر: «قولام گیل ده اوردادیلار، باخ! گئدی اوتیراغ اورداد.» آراز دئییر: «نه دئییرم.» دئییر: «گئدی دی!»

چالقچی لار آیری بیر هاوانی باشلایب چالجاغین ائوین قاباغیندا کی بیر اوجا بوی ساری بوغلو، الینده کی میکروفونو آپاریب گاهدان یئرینده ییرقالانان، گاهدان دا الینی چؤهرایی

كۆينەيىنىن، قىرمىزى كوتونون ياخاسىنا چكىب اوخوماق واختىنى گۆزلەين قارا تىلە وئىرى. جلال دار كئچە جىكە بئش-آلتى سىرانى سوووشاندان سونرا، دۇنوب دالىجا دابان قىرما گلن آراز! كئچمك ایستەدىكلرى ایكى سىرانین آراسینى اییلە گۆرسەدىب گولە-گولە «بویورا!» دئییر. آراز تئز «خوایش ائئیرم!» دئییر، سویروشوب قولونا سارى گلن چانتانین دستەسىنى چىینینه سارى قايتاریر، سىرانین برى باشینداكى اوتوز بئش-قىرخ یاش لاریندا اولان اوچ آدم، اولنارین راحت كئچمەلرینه گۆره قىچ لارینى صندل لرینه یاپیشدیریرلار. سىرانین باشینداكى بنفش كۆینكلى، جلال كئچندە سىگارینى داماغیندان گۆتورور، توستوسون جلالین اوزونە وئره-وئره یاواشجاسىنا «گئجە وارسان؟» دئیە سوروشور. مَحى تئز دیرسەیین بنفش كۆینەیه وورا-وورا «من و آرام، من و آرام» دئییر، گئنە دە «ائح ائح ائح ایى ائح ائح ائح ایى» ائلەییب گولور. جلال بو اوچ آدمى سوووشاراق قاباكي سىرانین اورتالاریندان گولە-گولە دۇنوب دالیيا باخان لارا «ایرج!»، «قولام!» دئییب گولومسەییر، اولنارین باشى یاغلى، قارا ایرى گۆزلوسو «جلال!» دئییب الینی گۆروشمەیه اوزادیر، یانینداكى سارىمتیل کوتلو دا «یاللاه!» دئییر. او اوچ آدمین حیطین اورتاسینا ساریكى دومبا گۆز پیرپیز باشلیسى، آراز قاباغیندان سوووشاندان سونرا دئییر: «آراز! عمونن نه خبر؟» آراز دایانیب دئییر: «ئولەنیب.» پیرپیز باشلى

دئير: «ئولەنىب؟» آراز گولومسە يرك دئير: «هە!» پيرپيز باشلى دال سىراداكى بونلار يىن دانىشىق لارىنا قولاق آسان سارى كۆينكىلە يە دۆنوب دئير: «بە بىردا اولاندا ھەمشە دئيردى كىشى نىن يا ھاغلى اولار، يا آروادى!» سارى كۆينكىلە، جلال اوتوردوغو سىندلە يانداكى سىندلە تىمىزلە يىب اوتورماق اىستە يىن آراز باخا-باخا پيرپيز باشلىيا دئير: «آيە بە ھاغلى اولسىدى بىرانىن گۆزل-گۆزل قىزدار يىن تۆكىب گىردى خارىجىيە؟» دئير: «اونىن ھاغلىنا مىن گىدىرىم!» سونرا دا اىنى آراز يىن چىنىنە قويوب دئير: «آيە آراز سونون ھەممە ھا...، اۆز دوستىمى دئيرم!» آراز گىلەن قاباغىنداكى باشى ياغلا نىمىش قارا ايرى گۆز، آرخاسىنا دۆنوب گولە-گولە سارى كۆينكىلە يە اىنى قاوزا يىب «آدە بە ھاغلى اولسىدى آراز ا بىنى پاى گىتيردى؟» دئيرك آراز يىن اىنىندە كى كۆينە يىنى گۆرسە دىر. اسرا يىل باشىنى آراز سارى گىتيرىب دئير: «آيە آراز، باخىم!» آراز آياغا قالخىب اسرا يىلا سارى دۆنور، اسرا يىل كۆينە يە باخاراق دئير: «آيە ايرج قشيدى كى!» كۆينە يە اىنى چكەرك دئير: «دوزدى دخترانە دى، ولى چوخ قشيدى». دۆورە دە كى لىر گولور، مەنى نىن دە «ئىچ ئىچ اىچ اىچ» قاوزانىر، بىنش كۆينكىلە سىگار يىن سومورور، مەنى نىن «ئىچ ئىچ اىچ اىچ...» اندىب كئچمەسى بىتتىن سونرا، دىرسە يىنى اونا دورتوب سوروشور: «نە دئدى؟» مەنى «آدە نئىنىسن، گول داينا!»

دئییب گئنه گۆزلرینی یوموب آغزینی آچیب «ائح ائح ائح ایی» ینی دؤوره ده کی لرین گۆز-قولاق لارینا سپیر. بنفش کؤینکلی باشینی توولاییر، سونرا «میثم! های میثم!» دئییه باشی پیرپیزلینی چاغیریر، میثم اونا ساری باخیب باشینی ترپه ده رک دئییر:

«هه، حمید!»

«سراییل نه دئدی؟»

میثم دئییر: «ائشیدمه دون؟» سونرا الینی آغزینا چکیب «دئدی دوزدی دخترانه دی، ولی چوخ قشیدی» دئییب گولور، حمیدین سیگار کؤتویونو قاباغینا ساری توللاماق ایسته دییینی سئزجه یین، گولمه یینی کسیر، آیاق لارینی دالیا چکیر، حمید سیگارینی آتاندا، الینی اونا ساری اوزاداراق دئییر: «بی گئجه سن بیزی دوز سیکرسن!» محی میثمین قولونا یاواش دومسوک ووراراق گئنه ده «ائح ائح ائح ایی...» ائتمه سی قاوزاناندا، قاباق سیرالارداکی لارین بعضیسی دؤنوب محی یه ساری باخاندا، اوخویان دا یانیندا اوتوران قارا آریق قوجا قاوالچیلا قارا ساققال قارمانچی نین چالمالارینا قولاق آسیب، اوخوماق یئری گلنده ده «گیردیم یارین باغچاسینا» ماهنی سینی باشلایب اوخویاندا، حمید آیاغنین قاباغینی گؤرسه ده رک دئییر: «به موزایکین اوستینه آتیم؟» دئییر: «آیاغو باس اوستونه قوی قاریشسین تورپاغا داینا!»

میثم «مهدی نین ماماسی بئناوا نه آرزینان بیرانی
 همیشه ایتمیش!» دئیهرک آیاغینی سیگارین اوستونه باسیر. حمید
 «آده! مین دنه بئله لک^۱ مهدی نین بی دیرناغینا قوربانئ» دئییب
 گولور، گوله-گوله ده میثم دن اوچ صندل اوپانلیق اوتوران جلالا ال
 قاوزاییب اوجادان دئییر: «جلال به نه دئیسن؟ گئجه وارسان؟»
 «پیلیم یوخدیی.»

حمید، جلالی یانینداکی لارا گؤرسه ده رک دئییر: «باشووا دؤنیم،
 گؤر ایشین هاراسیدی، بیدا دئییرئ پیلیم یوخدیی!» سونرا دا جلالا
 اوجادان «آده سنون پیلون اولماسا بیزیم کیمی لر گری آخشانمان
 ییخیلا اوله!»، آرازا دا «آراز دوز دئیمیرم؟» دئییر. آراز گولومسه یرک
 دئییر: «نه دئیم؟»

اوخویان اوخویوب ماهنینی بیتیریر، قاباغینداکی میزین اوستونه
 قویولموش استکانی گؤتوروب ایچینده کی داغ سو اولاجاق
 ایچکیدن بیر قورتوم ایچیر، قارمانچیلا قوالچی باشلایب بیر
 اویون هاواسینی چالیرلار. ائوین قاباغینداکی اوجا بوی، ساری
 بوغلو، الینده میکروفون، چالقیچی لارین یانیندان آرازا باخیب،
 گولومسه یرک اوتوران لارا ساری گلیر، ساچی یاغلانمیش چینین
 اوینادا-اوینادا دؤنوب آرازا «سنون هاووندی ها، دو ایغا!» دئییر، آراز
 «ایندیدن یوخ کی، هله قوی بی خینا گلسین» دئسه ده، اوتوردوغو

^۱ لک (lək): گردی.

یئردە ال-قولونو اویناداراق ایسته بیر آرازی قاباغا گئتمه یه، اویناماغا گۆیوللندیره. چالقچی لارین قیزیشیب «داد دا دا داد داداد داد داداد داد...» آوخشار چالدیق لاری هاوا، اوتوران لارین سوموک لرینه دوشور، اوجا بوی ساری بوغون دا «آغای آراز علیزاده نین سالیغینا محکم بی ال چالون، تشریف گسین اویناسین» دئمه سی بلندگودان اوجالاندا چوخو ال چالیر، بیر نئچه سی ده فیش وئریرلر^۱، اسراییل، بؤیرونده کی گیلاندا آغاجیندان دریب آغزینا آتدیغینی چئینه یه-چئینه یه، الینی آرازین چیینینه قویوب سیلکه له یه رک دئیر: «آیه دویئی! دو!» ساچی یاغلانمیش، الینی اوزادیب آرازین چانتاسیندان یاپیشاراق دئیر: «وئر من ساخلئیم، سن دو گئت!» آراز چانتادان برک یاپیشیب یواشجاسینا «ایرج!» دئیهرک آیاغا قالخیر، حیطین نئچه یئریندن فیش چالان لارا، اوردان-بوردان ال لرینی قاوزاییب «آراز! آراز!» دئین لره، هم ده توت آغاجی نین یانیندان آیاغا قالخیب «ممؤو یئیم آراز، گۆریم نئینسن دای!» دئین ائنلی کورکلی یئکه بورونا گولومسه برک باشینی دبرتمکله، الینی سینه سینه قویماقلا تشگور ائدیر، اوتوران لارین آراسیندان «عیبا! لزگی دن ده سورا ترکمه ده اوینییا جاغ ها» دئیهنه، آراز باخیب قاققیلدا ییب «آراز باشووا دؤنیم، دئیر ترکمه ده اوینییا جاغسان ها!» دئمکله جاواب وئرن ساری بوغولویا «عیبا

^۱ فیش وئرمک: فیشقا چالماق.

عمی، اجازه وئرسوز بیازدان گلیب اوینارام!» دئییب عیبانین جاوابینی گۆزله مه دن اوتورور. ساچی یاغلانمیش «آده به ناز نییه ائلئیسن؟» دئیهرک الینی آرازا ساری توتور، چالقچی لار اوینایان اولمادان او هاوانی یاواشلادیب سوسدوراندا، آراز ساچی یاغلانمیشین الیندن یاپیشارق دئییر:

«ایرج جانی باشیم قیزماسا اصلن اوینییا بیلرم!»

ایرج الینی آرازین چانتاسینا اوزادارق «باشو قیزدیرماغا دا بی شئیین وار بیردا؟» دئییب، دیرسه بین ده ساریمتیل کوتلویا دورته رک «قولی، قولی!» دئییب چاغیریر، قولام دا ایرجه ساری باخارق «ندی اده؟» دئینده، ایرج «بی گۆت وئره نین یامان آراغی اولیرا!» دئییب، اوخویان، اوینانیلان یئرین اورتاسیندا آغزینی آچیب اوخودوغو ماهنی نین «وئرمهرم وئرمهرم وئرمهرم...» لرینی دئییب اوزاداندا دا، باشینی توولایارق الینی اوخویانا ساری توتوب، «وئرمهرم وئرمهرم وئرمهرم» دئمکله اوخویانی یانسیلاییب، قولاما باخارق «آشیغ ممی ده بی حجتی خواننده ائله دی سوخدی بیزیم گۆتیمیزه» دئییر، گئنه باشینی آرازا ساری دؤنده ریب الینی چانتایا اوزادارق گۆزونو آرازین گۆزونه تیکیب دئییر:

«یاخجی، هاچان ایچی؟»

آرازین آغزیندان «هاچان دئسون!» چیخجاق ایرج، «اوندا ائله دو ایندی گئدی!» دئیهرک یئریندن قالخیر، جلال باشینی ایرجه

سارى اوزادىب ياواشجاسىنا دئىير: «ايرج باخ، آز ايچ آ!» ايرج «بى گىجە چوخ آز ايچە جييم!» دئىيب بارماق لارينين ايكىسىنى گۆرسەدەرك دئىير: «فقط ايكى دنه!» عىبا الينى سارماشىقلى دووآرا سارى اوزادىب بير آيرى اوينايان چاغىريب ال چالديرير، آراز چانتاسىنى اينه آليب جلالا، هم ده قولاما دئىير:

«به گلوز دای، دوروز!»

جلال دئىير: «بيازدان! هاميميز بيردن يوخ.»

آراز «ولى بيازدان گلوز ها!» دئيهرك دورور، ايكى سيرانين آراسيندان سوووشارق ميثم له محى يه گولومسه ييب الينى سينه سينه قويور، حميدين ده قاباغيندان سوووشاندا گوله-گوله دئىير: «حميد آقا سنه ده قىسمت!» حميد الينى آرازين كوره يينه وورارق «بالا او سيزون خام خيالوزدى، من بى ده تزددن ائوله نم، سيز ده تۇكيليب گليب اوردا آراغ ايچە سوز!» دئىيب گولور، آراز دا اونا باخيب گولهرك دار كىچە جيه كىچيب، يئىين-يئىين ايرجين داليجا گندير. بيرى «ايرج!» دئيهرك الينى ايرجين بئلينه وورور، ايرج دۇنوب باخير، قاباقداكى سيرالارين بيرينين آغزيندا اوتوران قارا بوغ، قارا فيرئملى گۆزلوكلونو گۆرجه يين دئىير: «سامان!» سامان، يانيندا اوتوران آچيق ياشيل كۆينكلييه باشيلا ايرجى گۆرسەدەرك «نه ده ياغلئبئ!» دئىيب، الينى قاوزاييب ايرجين باشينا چكمك ايسته ينده، ايرج باشينى داليجا قاچيرديب گئتديى

یئره ساری یولا دوشور، سامان «قیداندا گلیب اوتیرارسان بیردا...»
 دئییه آچیق یاشیل کؤینکلی نین اوتایینداکی بیر بوش صندلی
 گۆرسه دیب دئییر: «... سننن ایشیم وار.» باشینا یئکه چیراق
 قوشولان میله نین یانیندا دوران قان قیرمیزی کؤینکلی، اینجه بوغ،
 آریق شووه رکه^۱ عیبا، «علی بالا هاواوی^۲ دئنن» دئینده، ایرج
 اروادلارین قوال لاری نین، اوینا مالارینین های-هارایی گلن
 پرده لنمیش پنجره نین قاباغیندا بالاجا آیاق ساخلاییر، آراز
 یئتیشنده قاش-گۆزویله پرده لی پنجره یه هیم ائده رک یاواشجاسینا
 دئییر: «خینا گلستیدی پرده نی آچاردیلار، باری بی شامایلا
 باخاردوغ!» ایکسی ده هیره هاهیر گولوب گئنه یئریپیرلر، باشی نین
 سئیرک توکلری آغ آپ آغ آغاران بیر قوجا دا بودره یه-بودره یه
 زئرزمیدن چیخاندا، زئرزمی نین گیره جه یینه یئتیشیرلر. قوجا
 ایرج له ال وئریب، سونرا آرازلا دا ال وئرندە چیینیندن آسلادیغی
 چانتاسینا باخیب گۆزلری ایشیلدا ییر، یاواشجاسینا سوروشور: «بی
 شئیز وار؟» عیبا «آی بالا یانیغ کرم نین ده اوینالار آخی؟» دئینده،
 آراز چانتانی الینده بیراز اوسته قالخیزیب «هه، واردی!» دئییر،
 سونرا قوجانی سوووشاراق قاپیدان کئچیر، آشاغیدان گلن گولمک
 هایینی، قاققیلدا ماق هایینی ائشیده رک ایرجین دالیجا اون-

^۱ شووه رکه: باریکاندام، جوان.

^۲ هاوو: هاواوی.

اون بئش پیلله دن آشاغی ائنییر، تکجه بیر یوزلویه بنزر لامپلا ایشیققلانان زئرزمی سالونونون دئیینه کی آچاق میزین دؤوره سینده اوتوران بئش-آلتی آدامین بیری «دئییر، دئییر، او حاجی سونانی من تانییرام» دئییب گولنده، آراز ایرجین دالیجا آیاغینی او اوزون بوللا سالون کیمی نین فرش سیز-موکت سیز یئرینه قویور. میزین او تاینیدا، آرخالاری او یان دوواری اولان لارین قاراشین ائلی-دئلی سی یوخ، اوندان بیراز آریق، گۆزلوک تاخان چاتما قاشلیسی الینی ایرج له آراز قاوزایاراق یانیندا کی لارا «آنجاغ جفر ده بتر دئییب ها!» دئییب گولور، قاوزادیغی الینی ده آراز گیله ساری دبرده رک «گلوز! گلوز!» دئییر. میزین بری تاینیدا کی آرخالاری قاپییا اولان لارین ایکسی ده دؤنوب آراز گیله باخیر، ساغ دوواری ساریکی قهوه رنگینه بنزر توکلوسو، گوله-گوله «ایرج! آراز! یا آلاااه» دئییر، حیطه یاپیشان دوواری ساریکی قیرخیق باش دا تئز آیق اوسته قالخاراق «ایرجنن آرازین سالیغینا» دئییب، استکانی قاوزاییب قورت-قورتلا ایچیر. ایرج آراز «آده سرباز دا بیردادی!» دئییب گولور، قیرخیق باش استکانی میزین اوستونه قویور، قهوه رنگلی باشین وئردییی خیار قیریغینی «ساغول» دئییه آلیر، دیشله یه رک بونلارا ساری گلیر. ایرج له آراز، ایکسی ده گوله-گوله اونا ساری گلیب اونا قوجا قلا شیرلار، سونرا ایرج «بلفضلی بهترین ایشی سن گۆردون، بیزیم کیمی اؤزو دانشگاهنان زادنان آوارا

ائله مه دون!« دئییر، الینی اونون باشینا چکه-چکه ده دئییر: «یوخ، دانقیر باش اوزووه بتر یاراشیر!» آرخاسی اویان دووارا اولان چاتما قاش گۆزلوکلو «سرباز! ایچیسن؟» دئییب هاهاهای گولور، قیرخیق باش دؤنوب گوله-گوله اونا باخیب «ساغولی فرزاد، گئدیروی» دئییب، یئرین ایرج له آراز گۆرسه ده رک دئییر: «کنچون ایله شون.» بیر «آراز بالا...» دئمک سسی نین گلمه سیله هامی زئرمی نین گیره جه یینه باخاندا، ایندی زئرمی نین آغزیندا آراز گیلله گؤروشن توت ماوی کؤینکلی قوجا، «...سنون آراغوننان کنچمی اولمیر کی» دئیهرک اونلارا ساری گلیر. اورانین آلا قارانلیغیندا، میزدن بیراز اوزاق آغووش تاییین اوستونده اوتوروب حیطه ساریکی دووارا سؤیکهنن «هئچ آیاغ اوسته دورا بیلین کی!» دئییب سونرا دا تزه گلن لره، دیلی توتار-توتماز «یاللاه ایرج، نئجه سن آراز؟» دئمکله، خوش گلدین ائیله ییر. قوجا، «آی بالا هئچ اؤزونن خبرون وار؟ بی اونا باخون!» دایی سینین بیغینا چهدیییم لاپ آچیغا قالیدی!» دئییر، هامی گولور.

آراز بیر-ایکی آددیم قاباغا گلیر، میزین اوتاییندا اوتوران قارامتیل دریلی، اوزون بوغازلیدان، یا دا یانینداکی گۆزلوک تاخان فرزاددان «ریضا گئددی خینییا، هه؟» سوروشجاغین میزین، ساغ دووارا یاخین ائنسیز تووونداکی، هئیوا گولو کؤینه یی نین قول لارینی چیرمالاییب خیار سویان، اونلارا آمان وئرمه دن «هئش گؤروبسوز

ريضا خينادان قالا؟» دئىھەرك پىچاغى ميزىن اوستونە قويوب دوروب، صندلىنى دوواردان بالاجا ميزە سارى چكىر، سۇيكەنجە يىندن اسلانان كرم رنگلى كوتونو گۆتورور. توكلرى قەھوە رنگىنە چالان دا آياغا قالخىر، قىرخىق باشلا بىرلىككە آرازلا ايرج گىلە سارى گئدەرك دئىير: «كئچوز اوتوروز.» آرازال-آياغىنى داغىداراق «بە نىيە دوردوز؟»، ايرج دە «ساغولون اوشاغلار!» دئىير، توكلرى قەھوە رنگىنە چالان، باشى قىرخىقلا كوتون چىينىنە آتانىن داليجا پىللەلرە سارى گئدەرك دۇنوب بونلارا باخىب، «ايرج، يامان آراغدى ھا، بى آز گۆزدە!» دئىيب گولور، اورداكى لار دا گولوشورلر. فرزاد گولە-گولە الينى ايرجە اوزادىب اوجادان دئىير: «آدە دئىن آتىن اۋلىمى آرپادان اولسىنى!» ھامى گولور، توت ماوى كۆينكىلى قوجا، شالوارىندان ائشىيە چىخان كۆينە بى نىن قولاغىنى قايشى نىن آلتىنا سالا-سالا گولمك ھايى نىن ياتماسىنى گۆزلە بىر، ھاي-ھاراي بىراز آزالاندان سونرا، گئدىن لرە سارى دئىير:

«بابك، مەندىسە منى تاپشىر!»

كوتونو چىينىنە آتىب قاباقتا گئدىن دۇنوب دئىير:

«منىم آروادىن قارداشدارىينان آرام يوخدى!»

قوجا گولە-گولە دئىير: «آدە بە نە تئز پىتداشدوز؟ قويئىدون بى بىر

ايل كئچئىدى بارى!»

بابك «أده نه بير ايل، من دوز اوچ ايلدى ائولنميشمى» دئيب چىخاغا سارى يولا دوشور.

آراز كۆينه يى نين قولاغىنى شالوارىنا سالا بىلمەين كىشى يە «ايمان عمى، بويور بيرا باخ!» دئهر ك سؤيكەنە جەيى ساغ دووارا ياپيشان، بابك اوتوردوغو يئرى اونا گۆرسە دىر. ايمان كۆينه يىنى شالوارىنا سالماقلا اللشهرك گليب كئچىب آراز گۆرستىدىي يئردە، آراز اۋزو دە ايرجين يانيندا، ايماننا ياخين صندلدە اۋتورور. فرزاد حىطدن گلن تر كمە هاواسىيلا گۆزلوكلونون اوستوندىن گۆرسەنن چاتما قاشلارنى اوينادا-اوينادا يئردن گۆتوردويو دبەنن سويو ايله ميزين اوستوندىكى استكانلارى ياخالايىب قىچىنين يانينداكى قىرمىزى دوللا^۱ بوشالدىر، سونرا يانينداكى قارامتيل درىلى نين قاباغىنا قويور. قارامتيل درىلى آيىلىب يانينداكى لىتر يارىملىق نايلون قابى گۆتورمك ايستەيندە، ايمان اىنى اوزادىر، آرازىن بۇيروندىكى چانتانى گۆرسەدەرك «بهنام! اۋزلەرىين واردىيى» دئير، هامى گولور. آراز ايماننا باخىب گولومسەيرك چانتاسىندان بير دبە چىخاردىب ميزين اوستونە قويور. دووارا سؤيكەنىب آغوش تايىن اوستوندىن اوتوران، ايكى گوموش اوزوك تاخيلان آل لرىنى بير-بىرىنە چالير، «ايرج سنون بو دۇت لئىرلويوه!..» دئمەسى، ايرجين گولمەسىلە، گولە-گولە دە «أده منىم دئيرى،

^۱ دول: دولچا.

آرازىندى «دۈمەسىلە پارا قالير، دۆۋرە دەكى لر اوجادان گولور. بەننام استكان لارا بوشالدير، اونلار دا ھەرەسى بىرىنى گۆتۈرۈپ، قالديرىپ بىر-بىرلرېنە باخىرلار. ايمان «آراز بالا، سنون سالىغووا» دئىيب ھاميدان قاباق استكانى قالخىزىپ خىرتەدە يىنە تۆكۈر، سونرا كئفلە باشىنى ترېپە دىپ قولونو آغزىنا چكىر، قالخىپ آرازىن اوزوندن اۋپە-اۋپە «جانو يئىم سنون!» دئىير. بەننام آجىقلا ايماننا باخسا دا، آغ تايىن اوستوندىكى، اۋز-اۋزۈيلە دانىشىپ ميرتلا نسا دا، فرزادلا ايرج بتر گولورلر. ايرج گولمكدن اوووناندان سونرا استكانى گۆتۈرۈر، آرازدا قاش-گۆزۈيلە «استكانو قالدير»ى باشا سالىپ قاش-قاباقلا ميزىن اوستونە باخان بەنناما دا دئىير: «بەننام، او سالىغى دئەنەئى بى!» بەننام ائشېتمەدن ائلە گئە دە باشىنى آشاغا سالىپ، گاهدان دا باشىنى قالخىزىپ خيارا دوز سىپ خارتاخارتلا گمىرىپ گولومسەين ايماننا باخىر. فرزاد بەنناما باخىر، گولومسەيرك دىرسە يىنى ياواشدان بەننامىن بۇيرونە وورور، بەننام اوزونو ايمانندان دۈندەرىپ فرزادا باخىپ دئىير:

«ھەين؟»

فرزاد «او سالىغى اىستئرئ!» دئىەرک ايرجى گۆرسەدەر، بەننام «آدامىن ھالىن پوزىللار داينا» دئىيب سونرا ايرج دن سوروشور:

«ھانسىن؟»

«قانلى سحرى!»

«ريضانين كين دئيسن؟»

ايرج دئير: «ريضانين دى او؟» بهنام «هه!» دئيب سونرا آراز باخاراق سوروشور: «هئله دئير؟» آراز گولومسه ييب باشيلا تآيد انديب ياواشدان دا «هه!» دئير، ايرج بهناما باخيب دئير: «من سنن ائشيدميشم، ايندى هر كيميندى!»

بهنام بير درين نفس چكيب ميزين دؤوره سينده كي لره باخا-باخا «ايچيرم داغ-دره لر ساغليغينا ... ايچيرم قانلى سحر ساغليغينا ... ايچيرم آي دلى قانلى دوسلار ... چنى بئلده دلى لر ساغليغينا» نى اوخويوب بيتيرير، ال لرينده استكان اولان لار، استكان لارى قالديريپ باش لارينا چكيپ لر. ايرج آغزىنى بوزوشدوروب بير آن گؤزلر ينى يومور، استكانىنى ميزين اوستونه قويوب ال چالاراق «ساغول بهنام، دوغيردان ساغول!» دئير، سونرا اينده كي خياري ديشله ييب خارتاخارتلا گميره رك بهناما باخيب «چوخ قشى ساليغيدى، بئنى دويرسن يازارام من» دئير. ايمان آراز باخيب اينى اينه سورتوب گولومسه يرك «ساغول آراز، يامان آراغيدى!» دئير، فرزاد هيره هير گولور، ايرج ده آراز باخيب اينى آرازين بئلينه ووروب «ساغول آ كيشى!» دئيب خياري ديشله يير. ايمان گئنه يئر يندن قالخير، باشىنى آراز سارى گتيرير، بو دؤنه دوداق لاريندان اؤپمك ايسته ينده، آراز باشىنى ايرجه سارى قاجيردير، اليه ده ايمانى اؤزوندن اوزاقلاداراق دئير: «ايمان

عمى، آرواد زاد دىيرم كى ھى اۋپوسن آخى! «فرزاد لاپ اوجادان شاققىلدايىر، ايمان دا «آرواد پوخ يئىر سنون يانوندا بالا!» دئيب بىر ده آراز سارى باشىنى گتيرنده، بهنام يئرندن قالخىر، ايمانين سىنەسىندن ووروب ايتەلەيىر، دىشىنى قىجىدا-قىجىدا دئير: «داى سىھدىر اوتى يئروندە داينا.» ايمان زىققايىب «واى ددە واى!» دئىھرك صندلى نىن اوستونە دوشور، سونرا قالخىب «آدە سنون نون امجەين سىكەرمى» دئىھرك بهناما يوموروق آتير. بهنام باشىنى دالا چكىب يوموروغو سوووشدورور، كىشى نىن بىلنگىدن^۱ ياپىشىب بورور. فرزاد آياغا قالخىر، بهنامين قولونان ياپىشىب دئير: «ايشىن اولماسىن بهنام، قوجا كىشىدى داينا» اىرچەلە آراز آياغا قالخاندا، بىرىنن دىزى مېزە دىير، مېز دبرىر، اوستونە كى استكان لارىن نچەسى آشىر، بىرى دە دىمىرلانىب يئره دوشوب سىنير. آغ تايىن اوستونە كى دورماق اىستەيىر، آما دورا بىلمەيىب گنە تايىن اوستونە دوشور، اۋز-اۋزونە «كىشى سنون حايوو سىكىم من» دئير. آراز ايمانين بىلنگىنى بهنامين لىندن، «بهنام! بهنام! خوايش ائلئرم بوشدا» دئىھ چىخاردىر، سونرا «ئىنى ايمان عمى، سن باغىشدا!» دئيب لىنى ايمانين كورەيىنە قويوب چىخاجاغا سارى آپارىر، جلال لا قولام دا زئرمىيە گىرنده ايمان دۋنوب بهناما سارى دارتىنىب دئير: «سنون او قارا دمه يووى

^۱ بىلنگ: بىلك.

سېھدېررم باخارسان!» آراز «ايمان عمى باغشىدا! اۋز بۇيلووه باغشىدا!» دئىيب قولوندان ياپىشىب پىللەلرە سارى آپارىر، جلال گىل اونلارا سارى گلىب ياخىنلاشاراق «آراز نولىب؟»، «نولىب آراز؟» دئىيرلر. آراز «هئش زادى، سىز كئچوز ايله شوز!» دئىيب ايمانى پىللەلردن، مشهدى عىبادىن هاواسى باشىنا گۆتورموش حىطە يولا سالاراق «ايمان عمى كۆينەيو دە سال شالواروا سورا گت» دئىير. ايمان اوچونجو پىللەدە زئرمىيە سارى دۇنەرك قايشىنى آچىر، كۆينەيى نىن آتەيىنى شالوارىنىن آلتىنا يىغاندا، شالوار الىندن چىخىب باشماق لارىنىن اوستونە دوشور، آچىق ماوى تومانى گۆرسەنير، آراز بالاغا گولومسەيىر، ايمان آچىقلا «بىي! بهنامىن نەسەينىن امجەين سىكىم، شالوار هارا؟» دئىيب شالوارىنى يوخارى چكىر. پنجرەسى پردەلنمىش اوتاقدان گاهدان نارىندن سس لرى گلن قىزلارىن، اروادلارىن اويناماسى زئرمى نىن دامىنى، اۋزلىرى چالدىق لارى «دېم دېدېم... دېم دېدېم» هاواسىيلا تىترەدېر، آراز مېزە سارى قايدېر. قولام ايمانىن يئرىندە، جلال دا، اىرچ يئرىندن قالخىب «جلال گە بېردا اوتى»، آراز دا «من اۋلوم جلال، گە بېرا» دئسەلر دە، قولامىن صندلى نىن يانىندا، «ائەلە من بېردا اوتوررام» دئىيب اوتورور يئردە، سۆيكەنير دووارا. فرزاد مېزىن آلتىندان، او يان-بو يانىندان ائودىدېيى^۱ سىنان استكانىن

^۱ ائودېمك: يىغىشدىرماق.

قىرىق لارىنى بىر تىكە قاردون اوستونده دووارىن دىبىنە قويوب
گوله-گوله گليب اوتوراندا ايرج دئيبير: «ال لرون آغرىماسين فرزاد،
ياخجى تئز اولارى بىردان ائوديدون.»

فرزاد «قوخديم باشماغىمى زادىمى دئشه يى...» دئيب اوتوراناندا
سونرا دا آياغىنى قاوزايىب، آلتى آغ، اوستو ماوى باشماغىنى
گۆرسەدەرك ايرجە «بهنامىن بىر آيى نىن حوقىغىن وئرمىشەمى
بىنا» دئيب گولومسەيرك دؤنوب بهناما باخسا دا، بهنام آشاغى
سالديغى باشىنى قاوزامير.

فرزاد بىر استكان قولامىن قاباغىنا قويور، بىرىن دە يىنى اوزاداراق،
كوتونو قىچى نىن اوستونه قويوب يئردە اوتوران جلالا وئيرىر؛ گوله-
گوله، «چوخ باغىشدا داي!» دئيه-دئيه. جلال «خوايش ائلىيرم»
دئيب آليب بؤيرونه قوياندا سونرا، فرزاد يارىمچىلىق قالخاراق
دئيبير: «كوتو وئر آسدئيم سىندلن.»

«ساغولى، زحمت چهمه!»

فرزاد «بابا وئر منە داينا» دئيب آيب آسلايىر سىندلى نىن
سؤيكنەنەجە يىندن. آراز استكان لارى دولدورور، اونلار دا گۆتوروب
بىر-بىرلرینه باخىب ساغلىق گۆزلەيندە، ايرج سقفە باخىب
گولومسەيرك «بىنى ويراغون بو دامى تىترەدن آياغ لارىن
سالىغىنا» دئيبير، هامى گولوب استكان لارى قالدىرىب قورتاقورت
ايچىرلر. ائله ايرج استكانى ميزىن اوستونه قويوب سونرا ميزىن

اوستوندن گۆتوردویو خیار بؤلویونه دوز سپنده، پیلله لردن نئچه
 آدامین سرعتله آشاغی ائنه لرینین، بیریسینین ده چیغیریب
 «ایندی او بهنامین ننه سی نین امجه یین سیکه رم باخار سوز!»
 دئمه سینین سسی گلجک، هامی تئز گیره جیه ساری باخیر. آز
 سونرا پیلله لردن آشاغی دوشوب چیغیر اراق «هانی او بهنام؟»
 دئییب میزه ساری گلن اورتابوی آغ تیشرتلی قیزیل ساچلینی،
 دالیندا دا ایکی آدام، ایندی زئرمییه دوشن بو اوجا بویلو ایله ده،
 اوچ آدامی گؤرور لر. آغ تیشرتلی قیزیل ساچ میزه یئتیشیر، الینی
 اؤلچه-اؤلچه اوجادان دئییر: «آده گۆت بالا، گوجون قوجا کیشی یه
 چاتیب؟» بهنام «آده کیمنسن؟» دئیهرک آیاغا قالخیر، «عاییدی
 بهنام! اوتی یئرونده!» دئین فرزادی دالییا ایتله ییر، فرزاد جلالین
 کوتو آسلانان صندله دئییر، صندل آشیر، بهنام «به پوخ یئییر قوجا
 هئی دوریر دوستیمی اوپیر!» دئییب یوموروق آتیر. بهنامین
 یوموروغو آغ تیشرتلی قیزیل ساچا یوخ، اونون دالیجا گلیب آرازلا
 ایرج له بیرلیکده داعوانین آراسینا گیرن آچیق ماوی کؤینکلی نین
 قولوندان دئییر، فرزاد آشان صندلی قالخیزیب، یئردن جلالین
 کوتونو گؤتورور. ائله او آندا بیرینین گوبود سسله «آده ویر سیشسین
 پوخین یی!» دئمه سی، دالیجا دا نئچه کیشی نین اوجادان گولمه
 سس لری ایله، آیاق لارینین سس لری گلیر. داعوا باشلانندان
 یئریندن قالخمایان قولام، یئریندن قالخیر، همن او سس لری گلن

اوچ-دۇرد آدم دا زئىزمىيە گىرىب مىزە سارى گليرلر. قولام
 «شاپور، داي بسدى! شېئھوو يىغىشدير گىت» دئىيب آغ تىشترتلى
 قىزىل ساچلا بهنامىن دۇورەسىنە توپلاشان آدم لارا سارى گلير،
 گىننە دە «خالخىن تويىن قاتما، چىخ گىت» دئىيب آزا دا شاپورا
 ياخىنلاشاند، شاپور «آدە سىھدىرى! سنى كىم سىشىدى بىرا»
 دئىيب يوموروق آتير، يوموروق دىير قولامىن ياناغىنا. قولاما
 يوموروق دىجەيىن اوردا بىر ھاي-ھاراي قوپور. ايندى زئىزمىيە
 ائىن او اوچ-دۇرد آدمىن اينجە بئىل، زىل قارا تىللىسى، سىچىرايىب
 آدم لارىن آراسىندان سوخولور، «آدە آغا غلامرضانى ويرىسان؟»
 دئىيب شاپورا يوموروق آتاند، او اوچ-دۇرد آدمىن بىرى، ايندى
 گلىب شاپورلا قولامىن دۇورەسىنى آلان لارىن قىسا توكلو گۇدەسى،
 دىمك اونلاردان دا يوغونو، بو نرمنەزىك قارا تىللى يوموروق آتانى
 ايكي اللى دالدىن قوجا قلايىب «آدە آرا لاشدىرماغا گلىبسن يا
 قىزىشىدىرماغا؟» دئىيب چكىب قىراغا آپارىر. شاپور سوخولوب بىر
 يوموروق دا قولامىن بورنونا زوپايىر. بهنام، ايكىنى سايىنجا آرالارىن
 كىن آدم لارىن آراسىندان سىچىرايىر، اورە كدىن «ايىح» چكەرك
 يوموروغون شاپورون قىرمىزى ساچلى تپەسىنە چىرپىر. شاپور «آدە
 سىنن گۇتوو، باجوو سىكرم من ايندى» دئىيرك بهناما سارى
 يورويور. بىر فىشقىراق سسى، بىرىنىن دە «آدە وير» قىيلاماسى
 پىللەلردن قوپور، دالىجا دا اوچ-دۇرد آدم زئىزمىيە دوشىندە،

قولامین بورنوندان دامجی-دامجی قان دامیر. اونلارین همن حیطده کی ساری کؤینکلی اسراییل آدلانانی، یاستی-یاستی «آیه آراغ بینا دئمیشم باخ! ایچنن سورا قان سو یئرینه آخا» دئییر، ایندی زئرمییه گلن لر گولوشور. جلال اینیندن چیخاردیغی کؤینه بین اوجونو قولامین بورنونا باسیب «هئش نیگران اولما، ایندی قورییار» دئینده، ایکی اوچ دؤرد بئش، بئش کیشی زئرمییه دوشورلر. اونلارین قاباقدا گلنی، بایاق حیطده آرازا «ممؤ یئیم آراز، گؤریم نئینیسن دای!» دئین اوجا بویلو یئکه بورون، قیی چکیب «آده ساواشمئن» دئییه هؤله سک ایره لیله ییب چیغیریر:

«آده شاپور! به خالخن توین نییه قاتيسان؟»

شاپور دالینا دؤنه رک «گه گؤر کیم قاتیر داینا!» دئییب گئنه ده بهناما ساری دؤنور، اییله ده بهنامی گؤرسه ده رک «... بیداها باخ، تویی قاتان بی ننه سین سیهدیییمدی» دئییه آرازلا ایرجین آراسیندان بهناما ساری یورویوب یوموروق آتماغا ال-آیاق چالیر. بهنام «گلیب ایندی سنون ننؤو سیکه رم...» دئییه رک سوخولوب شاپورا یوموروق وورماق ایسته اینده، یئکه بورون آرازلا ایرج دن سوووشور، گؤز قیرپیمیندا الی نین آیناسینی بهنامین یوموروغونون قاباغینا توتوب زورون آلیر، او بیر اییله ده بیلنگیندن یاپیشیب چکیب اؤزونه یاخینلاشدیریب گؤزونون ایچینه باخراق «منی ویر باخ! منی ویر!» دئییر. ایندی اوردا چؤکن سس سیزلیکده حیطدن

«بياض گئجه لر... بياض گئجه لر...» اوخوماسى نىن سسى گلىر. بهنام بىلنگىنى يئكه بورونون قىيناغىندان چىخارتسىن دئيه دارتيشير، يئكه بورون «اۋزو چوخ اينجىتمه بالا» دئىيب او بىرى الينى اونون باشىنا سارى آپارىب يوموروغون قولاغى نىن اوستونه سورتور، بهنام لاپدان كلله اتير، يئكه بورون تئز باشىنى بۇيره آپارىب، بهنامىن بىلنگىن سرعتله قاباغا چكىب بوشلايىر، دالىنداكى ادام لار تئز قىراغا قاچىرلار، بهنام اوزو اوسته يئره قاپانىر. بهنام يئره قاپانجا، اسرايىل لا گلن لرىن بىر اورتا بوى، بوغدا رنگلى كۇينكلىسى تئز ايره ليله يىب دىش قىجىداراق يئكه بورونا يوموروق اتير، يئكه بورون باشىنى گئرىيه چكىب يوموروغو سوووشدوروب اونون سىنه سىنه دىمبىز اتاندا، او تئز سىنه سىنى دالىيا قاچىردىر. يئكه بورونلا گلن او دۇرد ادامىن بىرى، يولداشىنى قفىلدىن وورماق ايسته يه نه، اونلا چكىش-بركىش ائدن بوغدا رنگلى كۇينكلى يه «آده من سنون اكه نوون آغزىن سىكه رم...» دئىيب يوروينده، بهنام تئز يئردن قالخىب تپيىن چىرپىر بوغدا رنگلى كۇينكلىيه يومولان قارنى يوغونون قىچى نىن آراسىنا. قارنى يوغون ايكى قات اولوب الينى خاياسىنا باسىر، «واى دده واى» دئيه رك حيطه ياپيشان دووارا سارى گئدىر، اوردا دىز چۇكوب آلنىنى يئره قويور. اسرايىل تئز اونا سارى قاچىب الينى بئلىنه قويور، «آيه رسول! تئز اول ايشه يى، ايشه» دئىيب رسولون باشىنى قالخىزىب، ال آتىب

شالوارينين زيپيني چکمه يه چاليشير، او اينجه بئلى دالدا توتان قيسا توکلو گوډه ده بونلارا ياخينلاشاندا، رسولون شومبولونون باشيندان دووارين دييينه نئچه دامجى سودوک دامير. بونلار بير-بيرلرينه باخيب گولومسه ييب، رسول دا زيقيلدايا-زيقيلدايا دووارين دييينى چيرتيم-چيرتيم ايسلاداندا، بيردن بيرينين «آده به اوتانيب خجالت چکيب يئره گيرميسوز؟» دئمه سى اوجالير. اورداكى لار تئز دؤنوب قاپيا سارى باخاندا بير قارا شاپوو^۱، بوز کوت شالوار، آغ بوغ، چوپور سرعتله ساواشان لارا سارى گليب «تو! سنون اوزو سيهسينر ماشى» دئهرک الينى قالخيزيب يئکه بورونون اوزونه شيلله چيرپماق ايسته يير، يئکه بورون باشينى چوپورا سارى آيير، چوپور دا وورور. رسول قالخيب، شالوارينين زيپينى چکه رک قيسا توکلو گوډه ايله اسراييلين توپالاشان لارا سارى ايره ليله مه لرينى گوډمه دن «آند اوسسين ابلفضه اوريف دايم منى گوډسه داى بى دؤنه دوز سيکر!» دئييب تئز پيلله لره سارى گئدير، نئچه آدام پيلله لردن ائتمک ايسته ينده، بلندگودان دا عيبانين «باشوزا دؤنيم گئتمئيز آشاغى، قادالاروزى آليم بوپروز ايله شوز يئروزده، بيدئى^۲ خينا گلدى باخ!» دئمه سينين سسى گلنده، پيلله لردن دوشن لرين بؤيروندن قالخير. بير اوجا بوى

^۱ شاپوو: بير نوع بؤرک.

^۲ بيدئى: بودو با!

شووہرک، زیتون رنگلی کوت شالوار گئین، پیللہ لردن ائنه-ائنه
رسول دان «رسول، آراز اورداء؟» دئیہ سوروشور، رسول دا «هه،
اورداء» دئیہرک پیللہ لردن قالخیر.



حجت، آياق اوسته «گۆيده بير اولدوز وار آدى طاليبدى... بيزيم بو مجلسه ايشيخ ساليبى... هامى انام وئريب... كيم؟» دئيب دايانير، تويداكى لار سس لرین كسير، چالقىچى لار چالديق لارینی سوسدوروب، چوخ ياواش دينقيلدادان دا بير شيققا چالراق «اوريف، قاليبى» دئجه يين قارمانين سسى گۆيه قالخير، هامى هاى هارا يلا ال چالير، بعضى لرى ده آياغا قالخيب ال چالا-چالا اوجادان «او...ريف او...ريف» دئير لر. باياق آرازا ال قاوزايب كئف احواللاشان سجاد دا، «او...ريف او...ريف» دئير، دئيه-دئيه ده آچيق قيرمیزی كراواتی آغ آپ آغ كۆينه يی نین اوستونده ترپه نيب يئلله نه رك باشينين اوستونده كى

توتون بوداغينا آتيلير، قوپارتديغي بير-ايكى توتو آغزينا آتاندا، آرخاسينداكى زيل قارا گۆن باشلى «قارنوا شيش باتماسين، اونان بي-ايكيسين ده در بيزه وئر دايانا» دئسه ده، گئنه آتيليب توت درير، دردييي توتلارى بابكين يانينداكينا، دؤنوب گوله-گوله بونا باخان قهوه رنگينه بنزر توكلويه ال قاوزاياراق آغزينا قويور، گئنه ده «او...ريف او...ريف» دئينده سسى خوروزلانيب اؤسكورهيه دوشور، يانينداكى لار اوجادان گولور.

توت آغاجيندان ايكي-اوچ سيرا قاباقدا، بابك گيلين دالينداكى سيرادا اوتوران لؤك دوداق، يوغون، چال باش دا گولمك سسینه دالليا دؤنور، سجادين گئنه ده توتا سارى آتيلماسيني گؤروب اوجادان «گؤتين سويو مين درمانى ايشده دير» دئييب، گوله-گوله ده الينده كي چره كه كيمي اويناتديغي نخود رنگده كراواتى يانيندا اوتوران آلابولا كؤينك گئيميشين، باشينين توكون ياغلايب دالا داراميشين قولونا، سينه سينه ووروب «داى سنون قوهومون بينان آرتيغ اولمياجاغ كي، هاموزون عاغلوز توپيغوز دادى» دئييب گولور، آلابولا كؤينكلي ده اليله باشيني آتاراق دئيير: «هاميسينان كوسيلي يوي!» گئنه ده سجاد ال لرین يوخارى قاوزاييب، شاپا شاپلا بير-بيرينه چيريب «او...ريف او...ريف» دئمك ايسته ينده، گئنه ده باياقكى كيمي اؤسكورهيه دوشوب دئيه بيلمه بير، دؤوره ده كي لر گولوشور، بابكين يانينداكى دؤنوب اونا باخان ايكي جاوان لار دا لاپ اوجادان گولورلر، توكلرى

قهوه رنگينه بنزهين آيىلب گوله-گوله بابكه نه دئيرسه اونو دا بئله دالىيا باخديرير.

لۇك دوداق، گئنه ده سجادين اؤسكورك سسى قاوزانجاغين، تئز دؤنوب اونا باخير، ياواشدان آلابولا كؤينكلى يه «بىي! ننؤون گؤتينه ماشى قابلاسين بالا» دئيب الينى اونون ديزينه ووروب دئير:

«دئن هه!»

«اده دئير مريضديي.»

لۇك دوداق كراواتى بيلنگينه توولاماقدان دايانير، «كىم؟ قارا گؤز زاهرا؟» دئيه سوروشور، آلابولا كؤينكلى باشين آشاغى ترپهدهرك دئير: «هه!»

لۇك دوداق «آلاه اؤزى اونا شفا وئرسين» دئيب، دالىيا باخاراق يئرinden قالخير، بارماق لارينى آغزينا ساليب «او...ريف او...ريف» چاغيرما هاواسيلا نئچه يول فيش چالير، عيبانين «به اوريف عمى هاردادى؟ يوخدى؟» دئمەسى بلنگودان اوجالير.

هامى گئنه ده اوجادان «او...ريف او...ريف» سسلەيير، ايرج باشيني يانيندا اوتوران آچيق ياشيل كؤينكلى دن سوووشدوروب باياقكى قارا بوغ، قارا فيرئملى گؤزلوكلويه ياواشجا «اؤزى ده سامان، هاميسيننان دا قشەيى اورتامجيليدى!» دئير، او دا «اده گؤزيم سو ايشميرى، بو چوپيرين نه قيزى اولاجاغ آخى؟» دئيب هاهاهاى گولور. آچيق ياشيل كؤينكلى آياغا قالخاراق ايرجه «ايرج! گه يئرئيميزى دئيشى،

دېيەسن سامانين سننن ايشى وار»، ايرج ده «چوخ باغيشداها» دئيب سامانين يانيندا اوتورور. باياق زئزمىيه ائيب گليب يئكه بورونا شيلله ووران قارا شاپولو چوپور، يئين-يئين پىللەردن ائيب، داماغينا قويدوغو سيگارى سومورا-سومورا دار كئچەجيه كئچيب ائوين قاباغينا سارى يئرينده عيبا دئير: «اوريف عمى به هارا گئتميشدون؟» جاماعات اوروفون آدين ائشيتجك دؤنوب اوروفا باخيب ال چاليب، بعضى لرى فيش وئريب اوردان-بوردان دا «او...ريف او...ريف» سسلەينده، اوروف اونلارا ال قاواييب، گاهدان دا الينى سينه سينه قويوب، سرعتله بى له ساغديز، سولدوز^۱ اوتوران يئره گله-گله بارماق لارينين آراسينداكى توستولوين سيگارى عيبايا گؤرسەدەرك دئير: «ماشيننان سيگار گؤتيريرديمى!»

ائله اوروف شاباش چىخارتماغا الينى جييينه سالاندا، باياق زئزمى نين پىللەلرينده آرازى رسولدان سوروشان بو زيتون رنگلى كوت شالوارليا قاباغينداكى ات رنگلى كؤينك گئين باشينى دؤندەريب، بيغى نين ياغلانميش، اينجه لئميش قويروغو گؤزلره دىنده، «... سونا قىديب جفره نه دئسه ياخجيدى؟» دئيب گولنده، زيتون رنگلى كوت شالوارلى اونا «باغيشدا!» دئيب، تئز آرازين دبه سيندن استكانينا آراغ تؤكور، دبه نين قاپاغينى قاپامادان يئره قويور، آراغى چالپالايا-چالپالايا، صندليندن قالخيب اوجادان دئير:

^۱ ساغديش، سولديش.

«اوریف عمی سنون سالیغوا!»

جامعات دؤنوب دالی باخارق هایلا گولور، مَحی نین ده «ائج ائح ائح ایی» ی قاوانیر، اوروف دؤنوب سس گلن یئری تاپسین دئییه اورا-بورا باخیر، سونرا لاپ آخیر سیرادا سارماشیقلی دووارین یانیندا، آلمایا بنزر آغاجین دیبینه زیتون رنگلی کوت شالوارلی شووه رکی، استکان الینده آیاق اوسته دوران جوانی گؤروب ال قاوانیر، زیتون رنگلی کوت شالوارلی قالدیردیغی استکانی باشینا چکیر. زیتون رنگلی کوت شالوارلی نین دوز قاباغینداکی آریق اوغلان، چؤپ کیمی بوینون دؤنده ریر، آما آغاجیندان آسلانان بو ایکی لامپ، سارییا چالان یاناق لارییلا بورنونون اوستونون چیل لرینی ایشیلدا دارکن دئییر: «آده ریضا! دای چوپیرین ائوده قیزی زادی قالمئب کی شوربا قیزدیرسان آخی!»

ریضا اوتورا-اوتورا اونا ساری آییلیب دئییر:

«سنه گیریپ چیخانی یوخدی!»

چؤپ بوینون یانینداکی اینجه له نیب یاغلانمیش بوغلو، یولداشینین بوینونا، باخان دئیر ایندی اوزولر بوینونا، یاواشدان شیلله سالیب گوله-گوله دئییر: «جاوا بو آلدون؟» ریضا گولور، سونرا گوله-گوله بوغو یاغلانمیشا «نادیر چوخ باغیشدا، نجور اولدی؟ سونا جفره نه دئدی؟» دئیینده، تلفونو زنگ چالیر. ریضا استکانی بؤیرونده کی آغاجین دیبینه قویوب شالوارینین جیبیندن تلفونو گؤتورور،

«آراز؟... بلی؟... نمنه؟... یانی بی ده گئدیم ائوه؟» دئییب گۆزونو اورا-بورا گزديرير، سونرا بیردن «... الان گتیریم» دئییب تئز گوشینی جیبینه سوخور، قاپاغینی قاپاییب آغاجین دیبینه قويدوغو دبهنی ده، دورا-دورا الینی بوغو یاغلانمیشین چیبینه قویارات «نادیر، آراغدا دا گۆزون اولسون ها!» دئییه نادیره تاپشیریب یولا دوشور.

نادیر دئییر:

«أده به هارا؟»

«گلیرم.»

قارا ساققال قارمانچی گۆز لرینی یوماراق قارمانینی ایغیلدادیر، قارا آریق قوالچی دا قوالی اوزون بارماق لارییلا دینقیلدادیر، عیبا دا بلندگودان «اوریف عمی اینشاللاه سوبای لارون تویندا خژدلر» دئینده، جاماعات ال چالیر. لاپ قاباقداکى سیرادان بیر آریق گوده اوغلان، الینده بیر قیرمیزی خوروز، آیاغا قالخیر، های-کویون، اوروف شاباش وئرمه یه گلنده گوله-گوله گلیب کئچیب اسراییلین یانیندا اوتوران ایکی یئنی یئتمه نین چیغیریب «شادای! های شادای!» سسله مه لرینین آراسیندان «اوریف عمی به دئدون پیلیم یوخدی آخی!» دئییر، هامی گولور.

اوروف باخیب دئییر:

«نه دئدون؟»

بیر ده اوجادان دئییر: «به دئیردون پیلیم یوخدی آخی!»
 ریضا، بیه بیر سؤز دئسین دئییه آغزینی اونون قولاغینا یاخینلادیر،
 اسراییل «آیه شادای!» دئییب چاغیریر، الینده خوروز اولان گوده
 اوغلان ائشیتیمیر، اسراییلین یانینداکی یئنی یئتمه لر اونو
 یانسیلایارق «آیه شادای، آیه شادای» دئییب گولورلر. اسراییل
 دوداغینی دیشله ییب کیپرک لیرینی قیرپا-قیرپا یوموروغون
 یانینداکی قیرمیزی یئرلی، قارا خاللی تیشرت گئین یئنی یئتمه نین
 باشینین اوستونده توتور، او دا باشینی دالییا قاچیرداندان گئنه ده
 اوجادان «آیه شادای! های شادای!» دئییب چاغیریر. شادای سسه
 ساری دؤنور، ایرج دالدان الینی شادایین چینینه قوبور، سامان لا
 ایکسیسی یواشجاسینا «آیه شادای! آیه شادای!» دئییب گولورلر،
 اسراییل اوجادان دئییر:

«آیه شادای! به بیلیمسن اوریف عمون پیلی فقط بی شئی خژدر؟»
 اوروف دار کئچه جیه ساری گله رک آجیقلا اسراییله باخیب
 دوداق آلتی یامان-یوووز کیمی بیر شئی دئییب، اسراییلین ننه سین
 زادین نهنه یینین آغزینا وئریب سولاییر، عیبا «اوریف عمی، بئله
 جانوون قاداسین آلیم...» دئییب، اوروف دؤنوب باخاندان ساری بوغو
 باشینین اوستوندن چکیلن سیمدن آسلانان لامپ لارین ایشیغیندا
 پاریلدا یارق الیله قاباق سیراداکی بیر بوش صندلی گؤرسه دیر،
 اوروفا ساری گئنه-گئنه ده «... دئییرم ائله بو یور آیلش بیردا باخ»

دئىير، اوروفا چاتاندا دا الينى اوروفون كوره يينه قويور ياواشجاسينا «ايجازه وئرسون بى آزدان چاغيررام گليب اوينارسان هه؟» دئىير، اوروف دا آجيقلا اسرايىلا باخا-باخا عيبانين گۇرستديى يئرده اوتورور.

ريضا پرده لرى قيراغا چكيليپ، آما چيراغ لارى سۇندورولموش اوتاغين پنجره سىنين قاباغينا گليب آروادلارا دئىير: «آمنه خالانى چاغيريسوز؟»

موسيقى سسى اوجالير، قوجا قوالچى نين بير آيرى آدامى ايندى قوشدوغو باياتيىلا شاباش وئرمه يه چاغيرماسى ائشيديلنده، جاماعات گولور، بعضى لرى ده گوله-گوله حيطين آشاغى دووارينا سارى باخاندا، كرپىچ رنگه كوت شالوارلى گوله رك دووارين يانيندان دار كئچه جيه سارى گلير، مَحى «ائح ائح ائح ائح ائح ايى» ائده رك الينى چالقىچى لارا سارى دَبردير. ميثم آياغا قالخير، مَحى نين گولمه سىنين هاييندان سسى اوخويوب-چالان لارا چاتسين دئيه اوجادان دئىير: «آشىغ ممي باشووا دۇنيم، دئير او بوياتينى بیده دئى» مَحى يه ده دئىير: «هه؟» مَحى گولمه سىنى كسمه دن باشيىلا ميثمى تصديق ائدير. آشيق ممي گئنه ده «عزىزيم دووارا... چوخ داينما دووارا... ناصير تئز وئر آنامى... سورا دور گئت قومارا» نى اوخويور، گئنه هامى گولور، كرپىچ رنگلى كوت شالوارلى گوله-گوله

ماشى نين يانيندان كئچير، ماشى قولوندان ياپيشيب دئير: «ناصر! گئجه وارسان؟»

ناصر الينى قاباغا اوزاديب اوجادان «اوريف عمى ايجازه وئرسه، هه!» دئيب گئتمك ايسته ديبى يئردن بير بالاغا اوروفا سارى يئنه لنده اوروف دؤنوب باخير، ياواشجاسينا سوروشور: «بى شئون وار؟» ناصر گوله-گوله «هه، تاپيلار» دئيب سارماشىقلى دووارين يانيندا دا نم كيمي اليله گؤرسه دهرك «لاپ رحيم ده وار!» دئير. ايكنجى سيرانين لاپ او يانيندا، سارماشىقلى دووارين ديبينده كى آغ قالين توكلو، دوز يانيندا اوتوران ايمانين دئيه سن زئرميده كى اتفاق لاردان دانيشماسينا، الينى دبردهرك آجيقلا «بهنام» زاد دئمه سينه الى قوينوندا قولاق آساندا، «رحيم» ائشيتجه بين قاباغا باخير، ناصر «رحيم گئجه وارسان داي؟» دئيب سوروشوب، بى له ساغدیز-سولدوز اوتوران يئره گئدير، رحيم ايمان دئير:

«ايمان عمى گئجه سن ده قالارسان، اويناماسون دا يانيمدا اوتيرار سانكى!»

ايمان باشين توولاي اراق دئير:

«به به! بياغداندى گور كيمه سوز دئرمى؟»

اؤين گيره جه يينده كى پيلله لرينين اوستونده قيرمىزى كلايغىلى، آت رنگلى دونلو، اللى-اللى بئش ياشيندا بير آرواد، الينده كى بير موشامبانى رياضيا سارى توتوب دئير: «ريضا گه!» رىضا «چوخ

ساغول!» دئییب آلیب سرعتله زئزومی نین گیره جه یینه ساری گئندنه آیاغی چیراغی سؤندورولموش اوتاغین قاباغینداکی کردی نین قیراغیندان چیخیب آشیب-داشیب موزاییکین اوستونو آلان گولون ائوه ساری سوزوب یئره یاپیشان بوداغینا ایلشیب باشی اوسته موزاییک اوستونه قاپانماسی قولاغی نین دیبندن سوووشاندا، توت ماوی کراواتی نین اوجو دا آز قالا یئره دَینده، آروادلارین دا جیغیلتیپلا «بلفض!» دئمهلری، شادایین دا «بالا ائبلله یئری سنه وئرمزده ری!» دئمهلری، دالیجا دا گولمه سی قالخاندا ناصیر، بی له ساغدیز-سولدوزون دیزلریندن آچاق اولان قاباق لارینداکی میزین اوستونه بیر-بیر پول آتیر. بی ناصیرین الینی توتور، «من اوّلیم ناصیر دای بسدی!»، اسراییل دا اوجادان «آیه دای هامیسین خژده مه کی!» دئسه لر ده، ناصیر دارتینا-دارتینا، زورلا گئنه پولون ایکیسین-اوجون میزین اوستونه آتیر. عیبا «تویوندا مهدی عوضین چیخار اینشاللا» دئیهرک گولومسه یه-گولومسه یه مهدی یه باخیر، ریضا زئزومی نین پیلله لریندن آشاغی ائیر.

ریضا زئزومییه دوشجه یین، آراز «گتدون؟» دئییه سوروشوب بیر-ایکی آددیم ریضایا ساری گلیر، ریضا الینده کی موشامبانی گولومسه یرک قاووزاییر، آراز دئییر: «ساغول ریضا!» ریضا دا «باخ گور سنه نه گتیرمیشمی» دئیهرک موشامبادان چیخاردیغی، زئزومی نین او باشداکی یوزلوک لامپا بنزر لامپین ایشیغیندا، اول

بیر تیکه پارچا کیمی شئیہ اوخشاییب، سونرا الینده سیلکه له ییب
 آچاندا، کؤینک اولدوغو بیلینیر. زئرزمی نین او باشیندا، میزین
 دؤوره سینده اوتوران لار دؤنوب باخیرلار، میزین ساغ دووارا ساریکی
 ائسسیز توووندا اوتوران اوزون بویون، سوت آغ دریلی «آرشین مالچی
 قارداش! نئچه؟» دئییر، یانینداکی لار اوجادان گولوشورلر. ریضا او
 کؤینه یی، بایاق کؤینه یینی چکیب چیخاردیب قولامین داعوادا قان
 گؤتورموش بورنونا باسانا، ایندی ده تکجه بیر آغ تر کؤینکله قولامین
 یانیندا زئرزمی نین حیطه یاپیشان دووارینا دایانیب اوتورانا ساری
 آپاراندا، جلال تئز یئریندن قالخیب «ساغول ریضا» دئیهرک
 الینده کی قارا کوتونو آراز وئریب، کؤینه یی ریضادان آلیر. جلال
 کؤینه یی گئییر، چینینی نین تیکیش خطی، اؤز چینیندن بیراز
 آشاغی آخماسینا باخیر، سونرا اوتوردوغو یئرده قالب دووارا
 سؤیکهنن، ساریمتیل کوتونو قارنییلا، سینه سی آربادا^۱ اوسته
 قالخمیش دیزلری نین آراسینا قویان، گاهدان دا الیلہ بایاق قان
 آچیلان بورنونو یوخلایان قولامدان «نه جوردی؟» دئییب سوروشور،
 قولام باخماییب، دینمه ییر، بو، گئنه اؤز چینیننه باخیب دئییر: «بی
 آز چینینی دوشور آشاغایی» آراز «نئینییه جی، قالا جاغ کوتین
 آلتیندا داینا» دئییب الینده کی کوتو وئریر جلالا. جلال بیر کوتا
 باخیر، یاخجی گؤرسون دئیہ لامپا ساری یئرییر، چیرتما ایلا اورا-

^۱ هم سطح.

بوراسى نىن گۇزۇنە گۇرسەنن توز-تورپاغىنى ووروب تۇكور، كوتو گىيب سونرا دۇنور دالىيا، يان-يۇرەسىنە، دووارىن دىيىنە زادىنا باخا-باخا، اۇز-اۇزۇنە دئىير: «بە منىم فوقىلىم هانى؟» سونرا زىرمى نىن او باشىنا سارى يىرىير، مىزىن باشىنداكى آرخالارى بونا اولان لارىن ساغ دووارا سارى آغ-قىرمىزى قارا تىشرتلىسى جلالا سارى دۇنور، استكانىنى قالدىرراق «جلال، سون سالىغىووا!» دئىيب باشىنا چكىر، جلال دا بايق اوتوردوغو يىرە زادا باخا-باخا الينى قاوزاياراق دئىير: «ساغول ماپان!» سوت آغ درىلى، گۇزلىرىنى يومانا، چنەسى سىنەسىنە ياپىشانا، لاپ ايندى دە «ايمانين ...» بنزىر بىر سۇزو ساياغلاياراق سولانمىش كۇپوكلنمىش دوداق لارىنىن آراسىندان سوزدورب اولنلارى گولدورن آغ تايىن اوستوندىكىنە سارى الينى اوزادارق دئىير:

«ادە بى قورىمساغا باخونى؟»

مىزىن دۇورەسىندەكى لرون سارى باخىرلار، سوت آغ درىلى، آغ تايىن اوستوندى ياتانا سارى گىدىر، قاباغىندا دايانىب شالوار جىبلىرىنى آختاراندىن سونرا دۇنور دالىيا «ماپان او تسبىحو بى دىقا منەيى!» دئىيرك چىيىنلىرىنى بوزوشدوروب گولومسەيرك مىزە سارى قايدىر، تسبىحى آلماقدان اۇترو الينى ماپانا سارى اوزادىر، ماپان «ئىنىسن؟» دئىيە بىلنگىنە دولادىغى تسبىحى چىخاردىر، «ادە اوزون مجىدى اينجىتمە ها!» دئىيرك سوت آغ

دریلى يه وئيرير. بهنامين يئرینده اوتوروب ساقى ليک ائدن گؤزو قانلى قالين قاش گولومسه يرك دئيرير:

«بيزيم زامانين جاواننارى كيمي تسبئح زاد گؤتيريسن آ!»

«دده مين ياديگار يديي.»

سوت آغ دريلى ياواش جاسينا اوزون مجيده سارى گئدير، اويان كئفلى نين قولاغينا اينده كي تسبئحين موللاسينى اوزادير، ريزا اوجادان «آده به اونان نه شون وار؟»، الينى ده حيطه سارى اوزادارق دئيرير: «او اوزين-اوزين خالا اوغلاننارى گليب او سوت آغ دمه يوو داغيداللا!»

اورداكى لار گولوشور، سوت آغ دريلى دؤنوب ميزه سارى الينى توتوب «آده اولارين هاميسين اهبر قارداشيم تكاللى شيل-كوت ائله رى» دئيرير، ساقى ليک ائدن قالين قاش گولومسه يرك كؤينه يي نين ايكى دويمه سينين آراسيندان قارنينى قاشيبيير، سوت آغ دريلى گئنه ده تسبئحى اوزون مجيدين قولاغينا سارى آپارير، تسبئحين موللاسينين آغزيندان چيخان اوچ-دؤرد دنه ساپينى قولاغينين ايچينه ساليب اويان-بويانا دبردنده، اوزون مجيد ديكسينه رك الينى توولا گتيريب قولاغينا چيرپير، سوت آغ دريلى تئز قاجيب گلير باياقكى يئرینده اوتورور، ميزين باشينداكى لارينين

بىر-ايكىسى گولور، او بىرى لرى ده آغير-آغير آخمىراقلا^۱ سوت آغ درىلى يه باخىرلار. اوزون مجيد گۆزلىرىنى آچىر، دۆوره بىر آوارمادان^۲ مات-مات اونلارا باخىر، سونرا گئنه گۆزلىرىنى يومور، جلال ميزين باشىنداكى آرخالارى اويان دووارا اولان لارىن نم هانسىندان سوروشور:

«هبر، بىرالاردا منىم فوقىلىمى گۆرمه دون؟»

قالين قاش ساقى اورا-بورا، ميزين دۆوره سىنده كى لى ده يان-يۇره لرىنه باخىب كراواتا بنزر بىر شئى گۆرمورلر، ماپان دئىير: «بورالاردا يوخدى دىيه سن.» سوت آغ درىلى ياواشجاسىنا يئرىندىن قالخىر، گولمه يىنى آغزىندا بوغارق سىيه-سىيه^۳ گلىب جلالا ياخىنلاشىر، بىردن الينى جلالين كوتونون جىبىنه سارى آپارىر، جلال دىكسىنىب تئز دالىنا دۇننده، گوله-گوله جلالين جىبىندىن كراواتى چكىب ائشىيه چىخاردىر، دۆوره ده كى لى گولورلر، ماپانىن يانىندا اوتوران آغ يئرلى قارا خط خط كۆينك ده الينى دىزىنه چالىب هاهاهاى گولور. آرازلا رىضا قولامىن يانىندان دوروب بونلارا سارى گليرلر، رىضا اكبردن، هم ده اكبرىن يانىندا كىندان سوروشور: «به بهنام هانى؟» اكبر ماپانا «ياخجى داي، بسوندى دو

^۱ آخمىراق: منت، طعنه.

^۲ آوارماق: تشخيص وئرمك. سئزمك.

^۳ سىيه-سىيه: پاورچىن.

گت» دئيب سونرا ريزايا باخيب باشيني ترپه ده رک سوروشور: «
 نه دئدون؟» ماپان دالينا دؤنوب «دئدى من بى گئجه او ماشى نين
 كيافته بئرين پاتدادارام باخارسوز» دئيب، گئنه ده دؤنوب الينده كي
 استكانين اكبره سارى اوزا ديب دئيب: «بئرين ده تؤح داينا نولار؟»
 ريزا اؤز-اؤزونه «پوخ يئديينه باخي؟» دئيب، دالينا دؤنوب
 ميزيلتيسيني ائشيديب، ديشين آغاردان سوت آغ دريليني
 گؤرجه يين گولومسه يرك اونا گؤز وورور، اليني چينينه قويوب
 دئيب: «يزدان يوخسان؟» يزدان اوتوردوغو يئره سارى گئنه-گئنه
 «وارام» دئيب اوتورور. ريزا جلال لا، جلالين بوينونا كراواتين
 باغلايان آراز سارى گئنه-گئنه «آده جلال! بى فوقيل ويرماغي سن
 اؤيرشمدون به؟ دينديرنده ده دئير طراحام!» آراز دا دئيب: «آده به
 اؤزونكى هانى؟»

«اؤزيمي دارىخديريرى.»

ريزا «ياخجى داي، گلون گئدى حيطه!» دئيب قاپيا سارى يولا
 دوشور، آراز دووارين ديبينده بير شئين اوستونه قويدوغو قهوه
 رنگلى كوتونو گؤتورور، يزدان دالان چاغيريب دئيب: «ريزا به
 ايشميسن؟» ريزا يزدانا جاواب وئرمه ييب، باياقدان سسى
 چيخمادان يئرینده اوتوران قولاما سارى گئنه-گئنه «قولى به گه
 داينا!» دئيه رك ياخينلاشيب اليندن ياپيشماق ايسته ينده، قولام
 اليني داليا چكيب دئيب:

«بوشدا!»

ریضا دئییر: «قالخ ایغا بی!»

قولام گئنه ده دارتیشیب دئییر: «بوشدا ریضا.» ریضا «أده من اؤلیم!» دئییب قولامی چتینلیکله «أده بی آز آریغلا داینا» دئیهرک یئریندن قالخیزیر، قولام دوروب اوستونو چیرپیر، جلال لا آراز اونلارا ساری گلنده اوجادان دئییر:

«بیردا اؤزیم دیممه دیم، منیم هله او شاپورنان چوخ ایشیم وار.»
 زئرمیده کی لرین گولوب دانیشمالاری بیر نئچه ثانیه کسلیب،
 حیطدن گلن «لاچینیم، لاچینیم، لاچینیم منیم» ماهنیسی
 آیدینجاسینا ائشیدیلدیینه، ریضا بیراز اونلارا باخاندان سونرا
 بیردن «لاچینیم» هاواسیلا قول-قیچینی اوینادیر، یزدان فیش
 چالیر، اوردا کی لار دا «هه! هه!» دئیهرک ال چالیرلار، ریضا قولامین
 قاباغیندا بیراز اویناییر، سونرا قولامین الیندن توتوب ائله او هاوایلا
 چیخاغا ساری گئدیر، آرازلا جلال دا اونلارین دالیجا پیلله لردن
 حیطه قالخیرلار.

عیبا قاباق سیرانین بیر-ایکی آددیملیغیندا باشینین اوستوندن
 اسلانان لامپین ایشیغیندا الینده کی کاغیذا باخیر، سونرا دا حیطده
 اوتوران لارا گوژ گزدیریر. بابکین یانیندا کی دانقیر، اوتوردوق لاری
 سیرانین آغزیندا آیق اوسته دوران شادایا دئییر: «پادگاندا بئله
 آریغ لاری وار، سن اولارین یانیندا پهلووانسان.» شادای «أده

آریغلیغیما گورا دا وئرمه سەلر، نەمە کفالت آلامی» دئییب الینده خوروز قاباغا ساری گلە-گلە دە تئز عیبایا دئییر:
«عیبا! بی دؤن بیلارا باخی.»

عیبا دؤنوب ریضا گیلی، قولاملا جلالی گؤرجه یین گولور، قولاملا جلالا «باشوزا دؤنیم ائله دورون بیردا» دئییب سرعتله چالقچی لارا ساری گئدیر. جلال بی له ساغدیز-سولدوزا باخیب، بیر سؤز دئمەدن الینی سینە سینە قویور، اونلار گولومسە یرک باش لارینی ترپە دیرلر، بی، ال دە قاوازییر. عیبا آییلیب اوخویانا یاواشدان بیر سؤز دئییر، دئیە-دئیە دە دؤنوب قولاملا جلالا باخیر، ریضایلا آراز دار کئچە جه یه کئچیرلر. حجت «گؤیده بیر اولدوز وار آدی طالیدی... بیزیم بو مجلسه ایشیغ سالییدی... هامی انام وئریب قولامنان جلال قالیدی» دئییر، هامی ال چالیر، قولاملا جلال شاباش وئرمە یه بی گیلە ساری گئدیرلر. ریضا قاباقدا، آراز دا دالدا ماشی گیلین سیراسینین آغزینا یئتیشنده، ماشی بونلارا باخیب دئییر: «آهولرین کئی؟» ریضایلا آراز، توت آغاجی نین یانینداکی لارلا بیرلیکده گولوشورلر، سونرا ریضا اوجادان دئییر: «ماشی عمی من گوزنمی!» ماشی نین یانینداکی گوزلری ات ایچینده ایتیمیش اوجادان «به بینیزو نئینئبسن بالا؟» دئمە سی دالیجا دا «آه آه آه» ائتمە سی قاوازییر، دؤوره دە کی لر دە گولوشورلر، ریضایلا آراز، ماشی

گيلين يانيندان كئچيب اؤز سىرالارينا سارى گئندنه، سجاد سوروشور:

«ريضا خال اوغلى اوردادى هله؟»

ريضا بير سؤز دئمك ايسته يير، آما عىبانين بلندگويلا «قولامنان جلالين ساليغينا محكم بى ال چالون» دئمه سى اوجالماسيندا، سونرا دا هامينين ال چاليب هاي-هاراي سالماسيندا، بيردن دئديى ائشيديلمز دئيه گؤزلىرىنى قىيىب گولومسه يرك سجادا باخيب دئمكدن داينير، ال چالما سسى ياتير، عىبا «اوشاغ لار اينشاللاه اؤز تويوزدا» دئيندن سونرا، رىضا سجادين سورغولو گؤزلىرىنه باخاراق دئير: «هه، اوردادى، ياتيب خوريلدئير.» سجاد آياغا قالخاراق «آده خالام اونى منه تاپشيريبي» دئيب گئتمك ايسته ينده، گون باش دوروب الينى سجادين چينينه باسيب اونو خيخىرداراق دئير: «آده اوتى يئرونده يى، اونا هئش زاد گلمز.» سجاد گئنه ده دارتينيپ گئتمك ايسته ينده، آراز دئير: «به دوز دئير دايينا! حالى ياخجى اولماسا خوريلدار؟» سجادين چارتلاق دووارة ساريكى يانيندا اوتوران يشم رنگلى كوت گئين، سجاددان «گئنه مجيده نولوب؟» سوروشاندا، باياق ناصير شاباش وئرمه يه گئندنه چارتلاق دووارين اوستونده كى يئكه چيراق بيردن-بيره چوخ ايشيق لاناندان سونرا آتماسايدى، توت آغاجى نين يان-يؤره سى بئله آلاقارائلىق اولماسايدى، يشم رنگلى كوتلو سجادين

ياشيل ايرى گۆزلىرىنىن آلتىنىن سىرىيب تىترەمەسىندىن
آرخاين اولماماسىنى اوخوياردى!

آرازلا رىضا لاپ دال سىرا صندلرە سارى دۆنورلر، آراز
زئرمىدەكى غيرت ال وئرن اينجە بئله ياواشجاسىنا «افشىن!
ايچىسن؟» دئيب سوروشور، او دا يىنى آرازىن چىيىنە ووروب
گولومسەيرك دئيبىر: «يوخ، ساغول.» آراز سىرانىن لاپ آخىرىنا
سارى گلندە، نادىرلە چۆپ بويون دۆنوب باخىرلار، نادىر آرازى
گۆرجه يىن دئيبىر: «آدە بە بى دە ھارا قىتدون گئدودن؟» آراز
آغاجىن دىيىندەكى آراغ دىبەسىنى گۆرسەدەرك «گتدىم بىنى
وئردىم رىضيا، قىيتدىم» دئيب آغاجى سوووشور، اوتورمامىشدىن
قاباق آغاجدان آسلانان چىراق لارىن ايشىغىندا يىندەكى كوتونا
باخىر، اورا-بوراسىنى يىيلە، چىرتمە اىلا تىمىزلەيىر، چۆپ بويون
دۆنوب گولە-گولە دئيبىر: «آراز! دىيەسن فاسفاسى سانھا!» آراز
گولومسەيرك «يوخى، اوردا بى آز بىلنمىشدى» دئيبىر، كوتونو
صندلىنىن سۆيىكەنەجەيىندىن آسلايىب اوتورور. رىضا ھلە سىرانىن
آغزىندا زئرمىدە افشىنى دالدىن قوجاقلايان قىسا توكلو گودەيە
سارى بىراز آيىلىب گولومسەيرك قولاق آسىر، بىردىن اوجا سىسلە
«دوغىردان؟ من اؤلىم؟» دئيب گولە-گولە آراز گىلە سارى گلەرك
گئنە اوجادان دئيبىر:

«آدە نادىر! حاجى سونا جفرە بتر سۆز دئيب ھا!»

»بیاغ دوردون قاشدون قویمادون کی دییم۔ بہ من سنہ سفئی۔

سوفئی سؤز دئمرم کی!«

اٹلہ ریضا آغاجین بؤیرونده کی صندلدہ اوتوراندا، بیردن آراز اوجا سسلہ «آدہ او قولامین ایشینہ باخی!» دئیہرک یئریندن قالخیر، ریضا دا دؤنوب باخیر، «آدہ قولام؟» دئیہرک آیاغا دورور، چارتلاق دووآرا ساریکی صندل لیرین بری باشینداکی لاردان آیاغا قالخان شاپورلا، بایاق شاپورون دالیجا گلن آچیق ماوی کؤینکلی نین ایندی شاباش مژمئیسینہ پول قویوب جلال لا کئچہ جکدن کئچیب حیط قاپیسینا ساری گلن قولاملا ہئدہلہ شیب پیرتلاشمالارینی گؤروب یئیین-یئیین اونلارا ساری گئدیر۔ اوتوردوغو سیرانین آغزیندا دوروب باخان زیل قارا تئلی اینجہ بئل بیر سؤز دئمک اوچون اونلارا یاخینلاشماق ایستہیندہ، قیسا توکلو گودہ اونا قاش-گؤز ائدیپ قولوندان یاپیشیر۔ شاپور قولاما «ہارا دئیسن گئدی!» ی ایت بوغوشونا بنزر سسلہ بوغازیندا قاینادیب چیخاردیب، کئچیب گئدیپ پیللہ لردن قالخیر، قولام دا «یئری، ہارا سن دئیسن اورا گئدی» دئییب ساریمتیل کوتو قولونون اوستوندہ جلال لا پیللہ لہ ساری گئدیرلر، قولام پیللہ یہ آیاق قویجاغین ریضا تئز اؤزونو یئتیریر، قولامین قولوندان یاپیشیب دئییر:

«قولام ہارا؟!»

قولام قولونو ریضانین الیندن چکه رک «ریضا بوشدا!» دئییر، او چونجو پیلله دن ده قالخیب کوچه یه چیخیر. آراز دا سرعتله ایکی- اوچ آداملا کوچه یه چیخیر، قولاملا شاپورا، هم ده دؤوره سینده کی لره یاخینلاشیر. قولام کوچه نین خیوانا قوشولا جاغینا بیراز قالان کوچه نین قیراغیندا کی ماشین لارین بیرسی نین یانیندا یاواشییر، شاپورا «گه اوتی گئدی» دئیهرک ماشینین قاپیسینی آچیر. شاپورون یانجا گلن آچیق ماوی کؤینکلی اوجادان «شاپور، ماشین ی خیوانین او تاییندا ساخلامیشام» دئینده، ماشی نین چیغیریب «آده به گئنه نولد ی؟» دئمه سی، کوچه نین آغزیندا کی جاوان لارین قولاق لارینا دیکه یین هامیسی دالییا دؤنورلر، ماشی یلا یانیندا دوروب اونلارا باخان نئچه کیشینی گؤرورلر. اسراییل لا یانیندا کی یئنی یئتمه لر، داللا ریجا دا اوچ-دؤرد آدام کوچه یه چیخیرلار، ماشی او دؤرد-بئش آدامدان آیریلیب الینی قاوزایراق اونلارا ساری گلیب «به بالا قوتارمادوز سیز؟» دئییر، اونا ساری باخان قولام لا جلا لا یئتیشر، قولاما «به گئنه نولد ی؟» دئییب، آچیق ماوی کؤینکلی نین دالیجا خیوانین او تایینا، اونون ماشینینا مینمه یه گئدن شاپورو دا «شاپورا!» دئیهرک سلسله ییر. شاپور خیوانین اورتاسیندان دؤنوب باخیب «بلی؟» دئییر، پیادا یولونا، کوچه یه ساری قایداندا سرعتله، سیگنال چالا- چالا گلن بیر ماشینین خیوانین قیراغیندا، کوچه نین آغزیندا کی

كۆرپونون قاباغيندا ترمز ائلهييب خىپ داينماسينا دۇنوب باخجاغين، اوزو گۆرونمەين، أما سسى گور چيخان سوروجوسو سوروشور: «شاپور، قمار دا وار؟» شاپور اونا جاواب وئرمەدن گئنه ماشىيا سارى دۇنوب، دئيبير:

«بلى؟»

«داى يئرى چيخ گئت داينا.»

شاپور گئنه دە ماشىيا سارى گليب بير سۇز دە دئمك ايستەيندە، ماشىيىنى چنەسینه چكىب دئيبير: «من اؤليم شاپورا!» شاپور داينير، ايكى يىنى دە گۆزلرينين اوستونه قويوب قايدىب گئدير. قولام اوجادان «گئت قوربان اول بو ماشىيا داى، يوخسا سنون...» دئيب سونرا يىنى بونا سارى دبردن، اغيز-گۆزونو تورشالديب دوداق آلتى دئيبين ماشىيا باخيب سۇزونو كسيب دئيبير: «استغفرالله ها!» شاپور دۇنوب ايكى-اوچ آدديم بونلارا سارى گلير، يىنى سيلكە يەرك دئيبير:

«نه دئدون؟»

ماشى دئيبير: «آده هئس زادى! نه ديبه جى؟ يئرى چيخ گئت!» شاپور دۇنوب گئدير، ماشى قولاما آجيقلا باخير، الييله جلال لا ايكيسينى ائوه سارى يۇنلدهرك دئيبير: «قولام، سن كى داوا آدمى ديبيريدون!»

شاپوردان قمارى سوروبان سوروجو اوجادان دئيبير: «هاى ماشى؟»
 ماشى دۇنجه يين ده دئيبير: «قمار دا وار؟»
 ماشى دۇنوب الييله دالداكى لارى گۇرسه ده رك دئيبير: «به بالا ناصير
 اولان يئرده قمار اولماز؟»

ائشيدن لر ين بعضيسى گولور، سوروجو «ها ها هاى» گولمك سسى
 چيخاردارق بير-يكي يول سيگنال چالاراق سوووشوب گئدير،
 ناصير ده ماشى يا سارى ينى قاوزياراق دئيبير:
 «ماشى داي ابريميزى اپارما كي!»

ماشى «واد دده واي! عاييب اولسين هئش بيلن يوخيدى!» دئيبير
 يانينداكى لار گولور، بيرى چاغيرير: «هاى ماشى؟»

هامى اويان بويانا آشاغى-يوخارى باخير، يئنى يئتمه لر ين قيرمىزي
 تيشرتلىسى گوله-گوله الييله بير بينانين ايكنجى قاتى نين
 آچيلمىش پنجره سيندن آغ توكلو باشينى ائشيه چيخاردان آغ
 تركؤينكلى بير كيشينى گۇرسه ده رك دئيبير: «كريم عمى ديبى.»
 ماشى «ببى! آغا كريم؟» دئيبير پنجره نين آلتينا سارى گئدير،
 حيطده ماشى نين بۇيرونده كي گۇزلى ات ايچينده ايتمىش
 يانينداكى لارا ياواشجاسينا «دئيللر دونيا آخيرا يئتيشنده بئلنچى
 ائششى لر دۇنيب اولاجاغ لار آدام!» دئيبير، هاميسى گولوشور.
 كريم دئيبير:

«منىم بئش-اون گوننن سورا بى نئچە نفر قوناغىم گلەجى. منە ياخجى بى تووليدان، املويدن...»
 ماشى الينى گۆزونون اوستونه قويوب دئير: «منىم بى كور گۆزدهريم اوسته!» كريم «آلاه سوبايلىغو آلونن آلماسين!» دئيب گولور، ماشى كريمه ال قاوزاييب بيراز قاباقدا دوران لارا، اونو گۆزلهين لره سارى يولا دوشور، توى حىطيندن «آى دىلى دىلى... دىلى دىلى دىلاور» ماهنيسى نين سسى قولاق لارى دئشيب اورك-بؤيرهيه زادا يئرينده كريم دئير:

«اولارا دا دئنن او ايچين سيهدىمى داي باغلئن!»

ماشى گولومسه ييب كريمه باخير، يئنى يئتمه لرين قيرمىزى تيشرتلىسى دئير: «كريم عمى بى گئجه دى دايانا!»
 «آده ددؤن بيلير گليبسن بيرا؟»

«نويه بيلمير، بيلير.»

كريم «آده او عظيم دلیدیها، بيلسه آراغ زاد وار گليب دلى اينى بالاسين ايغليان كيمي اؤزو ايغلارا!» دئير، هامى گولور، ماشى سوروشور:

«به ياخجى تويا گلمئسن؟»

كريم اليله «دىلاور» ماهنيسى نين سسى قالخان حىطى گۆرسه ده رك «آغا مننن كوسيب! دئير نييه هئى يئل بيراخئيسان؟» دئيب، سونرا بونلار گولنده گؤتونو پنجره دن

کوچه یه ساری توتوب، اوجادان «دئنن ددؤن او کؤریی^۱ بیرینا...»
 دئییب دایانیب چوخ یئکهسی نین بیرینی چیخاردیر، بونلار
 شاققاشاق گوله-گوله حیط قاپیسینا ساری یئرییرلر، گؤزلی ات
 ایچینده ایتیمیش یاواشجاسینا دئییر: «آد قویانوا ایرحمت!»
 آراز استکانا آراغ تۆکور، باشینی آغاجدان قاباغا گتیریب ریضایا
 باخیر، «سالوغوا» دئییب باشینا چکیر، استکانی یئره قویور،
 صندلی نین آلتینداکی موشامبادان بیر خیار گؤتوروب دیشله مک
 ایسته ینده، بیرینین اوجادان «آده اونی یئمه!» دئمه سی ائشیدیلیر.
 آرازلا ریضا، بیر ده اوراداکی لارین بعضیسی دؤنوب اویانا باخاندا،
 حیط قاپیسی نین پیله لرینین یانیندان بیر آیاغینی کاوار اکیلمیش
 کردییه، او بیرى آیاغینی دا دال سیرا صندل لرله کردی نین
 آراسینداکی آیاق باسماغا قالمیش موزاییکلی یئره قویانی،
 دؤوره ده کی لیرین «گؤریسن قیز ممی نین نوه سی اؤزین نه هلك
 ائلئر؟» دئمه لرینه، گولمه لرینه قولاق آسماییب یئیین-یئیین آرازلا
 ساری گلنی، ساپاق لاریندان توتدوغو نئچه دنه گیلنه ناری آرازین
 آغزینا قویانی، کئچیب دووارلا آرازین آراسینداکی بوش صندلده
 اوتورانی گؤرورلر. ریضا اونا ساری باخیب اییله قاباق سیرالاری
 گؤسته ررک دئییر:

«سلیمان، به اوردان نییه دوردون؟»

^۱ کؤریک: دم آهنگری و زرگری، سایه بان درشکه.

سليمان لال-دينمز رىضايا باخىر، نادىر دۇنوب گولومسەير ك دئىير:

«آدە سلىمان ندى؟ دئىن موهندىس!»

رىضا يانىنى بالاجا قاوازاير، باشىنى آغاجدان سوووشدوروب قىز

مى نىن نوەسىنە «واى باغىشدايى، موهندىس!» دئىير ك الينى دە

سىنەسىنە قويور، چۇپ بويون دۇنور قىز مى نىن نوەسىندىن

سوروشور: «مەندىس گىناناررارى هاردان آلدون؟»

«ايندى بىرى وئردى!»

نادىر گۇزۈنو چۇپ بوينون گۇزلىرىنە زىللەيىب الينى دە اۇلچەرك

دئىير: «آدە مىن دفە دئىشم بى پوخ تورش شى لره آز تاماح ساللا،

فىشارون يئىر، اۇلرسن. بئىئاوا عىزت خالام دىير، ائششەيم اۇلىب

باشى قىزىلدان!»

قىز مى نىن نوەسى باشىنى نادىرە سارى گتىرىب تعجوبلە

سوروشور:

«نەسى نىن آدى عىزتىدى؟»

نادىر دۇنوب اوجادان دئىير: «هە!» گولە-گولە دئىير: «منىم دە

خالام آرىنىن قارداشىنىن آدى عىزتىدى!»

عيبانىن «آدە جابىر بە تئز اول گە داينا. گە بى آغا شەرما سن بى

سۇز دى. بىزىم كى سۇزىمىزە قولاغ آسمىر!» دئىمەسى بلندگودان

قالخجاغىن، جاماعات دۇنوب حىطىن گىرەجەيىنە سارى باخىب،

دار كئچە جكدن اوينانىلان يئىرە سارى گلن آغ كۇينكىلى، نارىنج

بویالی کراواتلینی گۆروب ال چالیرلار، هایهارای سالیب «جابیر! جابیر! های جابیر!» دئییرلر، عیبا دا «جابیر! جابیر! های جابیر!» دئیهرک قوناق لار اوتوردوغو صندل لره ساری گلیر، گله-گله ده سیمدن آسلانان لامپ لارین بیری باشینا دئییر، اسراییلین اوجادان «ددم قوربان! بی ینکه لییده ده توی بیی اولار آخی؟» دئمه سیله، جاماعاتین گولمک سسی اوجالاندا جابیر دئییر:

«به سنون کیمی توپیغینا پیسیدان اولسئیدی یاخجیدی؟»

هامی گولور، اسراییل الینی باشینا چکیب دوداغینی دیشله بییر، قیرمیزی تیشرتلی یئنی یئتمه آیاغا قالخیب دئییر: «توپیغینا یوخی، سنون او پوخ ایریده فوقیلووا اوسدیریر!» هامی گولور، جابیر ده دؤنوب آجیقلا یئنی یئتمه یه باخا-باخا ماشی نین یانیندان کئچنده، ماشی باشینی جابیره ساری آپاریب اوجادان دئییر:

«آده به گئنه زییون آچیغدی!»

جابیر «آده ماشی! بیرنو چک آینه، بی گۆرئی هارا هارادیی!» دئییر، تویداکی لار گولور، محی نین ده «ائح ائح ائح ایی» ائتمه سی قالخاندا، جابیر دؤنوب محی یه ساری باخاراق یاواش جاسینا دئییر: «یوخ بئینووہ دورتیم!» ائشیدن لر گولور، جابیر ده خوروز الینده آیق اوسته دوران، شادایی گۆرسه ده رک «چوخ-چوخ آنام ایستئرئ» دئین عیبایا دوغرو گئده-گئده الینی شادایا ساری

جابر دؤنوب شادايا «آده دوز دئير دايئا، بى آز اوجيز وئر» دئيب
 كؤينه بى نين آشاغيدان ايكي دويمه سى آچيليب قارنى گؤرسه نن
 يئردن بارماق لاريني ساليب قارنين قاشييا-قاشييا دئير: «نه
 دئيسن؟»

شاداي گولومسه ييب باشيني اوسته آتير، جابر «هئش گرى قيز
 آئوى بى خوريزى سنن يوللاميئيدىي» دئيب سونرا دا عيبايا
 باخيب دئير:

«سن اؤلى!»

عيبا ييني شاداي لا جابيره سارى اوزادارق «باشوزا دؤنيم اوشاغ لار،
 بو يروز آيله شوز» دئير، جابر اورا-بورا باخينجا شاداي قاباق
 سيراداكي تكجه بوش قالميش اؤزو اوتوردوغو صندلده اوتورور.
 جابر عيبايا «ياخجى، من هاردا اوتيريم؟» دئيب قاباق سيرادا
 بوش صندل تاپماغا گؤزون گزديرير، سونرا ييني آپاريب اوروفون
 او تاييندا اوتوران يئكه يوغون آچيق ماوى كوت شالوارلى نين اتلى
 قيچينا قويوب اوجادان دئير:

«آقاي حسنعلى زاده قيچو بى آز ييغ دايئا!»

هاممى گولور، جابر، حسنعلى زاده دئدييى باشى اتلى، اوزو اتلى،
 آغ بوخاق قىپ قيرمىزي قىزاريب اؤزونو صندلده اويان-بويان
 اتله يير، بيردن اسراييلين «آيه جابير؟ گه بيرا باخ!» دئمه سى
 قالخجاغين قاباق سيرا لاردا اوتوران لار دؤنورلر، سؤزونون داليني

توتوب «... بىردا يامان بى اىستى يئر وار» دئىن اسرايىلا باخىب گولوشورلر. ماشى آياغا قالخىر، الينى اونا سارى اوزاداراق «آده اسرايىل...» دئىيب چىراغى سۇندورولموش اوتاغى گۇرسەدەرك دە دئىير:

«...عايىبدى آخى!»

اسرايىل اليىلە ماشىنى گۇرسەدەرك «آيه گۇرون ايشين هاراسىدى، اۇلى دورىب مىردەشىرى يويورا!» دئىيب گولور. جابىر اوجادان «دلى شيطان دئىر...» دئجەيىن، عىبا يئىن-يئىن جابىرە سارى گلير، باشىنى چىراغا ديمەسىن دئىه آيەرك «ددم قوربان جابىر! بى سۇز دئمە» دئىيب بارماغىنى دوداق لارينىن اوستونه قويوب «سىس!» ائلەيىر. آشىق مىمى بىر باياتى يلا رسولو شاباش وئرمەيه چاغىرير، تويداكى لار ھاى ھاى سالىب «هه! هه!» زاد دئىيرلر، رسول دوروب دار كئچە جكدن كئچىب بى گىلە سارى گلير. جابىر «وئر منە دئىم، وئر منە» دئىهرك چكىش-بركىش ائلەيىب، خوروزو شاداينىن اليندن آلير، خوروزو ايكى-اوچ يول قاناد چالىب ساكىتلەشندن سونرا اوزونو حىطدە اوتوران لارا توتور، قىچ لاريندان ياپىشىدىغى خوروزو قاوازايب ائندىرر كن «ايندى دئىوز گۇرى بى خورىزا نئچە وئرىسوز باخ؟» دئىير، سونرا سارماشىقلى دوووازا سارى گئدىر، باشىنىن اوستونه آيىلن شاپورون دئدىيىنە قولاق وئرنا ايماننا سارى خوروزو قاوازايب دئىير:

«ایمان عمی! نہ خوریزدی؟»

آغ، قالین توکلور رحیم گولومسہ یرک جابیرہ باخیر، شاپور «آدہ باجون گۆتینه سوخیم، به گۆرمیسن دانیشیروغ؟» دئییر، ایمان دا «من خوریزا باز دیرم کی! سنون کیمی بئچه لره بازام!» دئجه یین رحیم له دؤوره لرینده کی ائشیدن لر هاهاهای گولور، رسول لابی گیل ده دؤنوب بونلارا باخیب گولورلر، جابیر «وای دده وای!» دئییب شادای گیله ساری قاچیر، اوروف ال لرینی بیر-بیرینه ووروب شادایا باخا-باخا شاققیلدا ییب گولور، گوله-گوله ده جابیرہ دئییر:

«جابیر قوخدونا!»

«قوخدیم؟»

اوروف «آمما سن نه دن قورخا جاجاسان؟» دئییب گئنه شاققیلدا ییر، شادای دا هیر هیر هیر هیر یلدا ییر، جابیر شادایا ساری گلیب دئییر:

«آدہ سفئی سفئی گولمیئی، خوروزو سات!»

شادای گولمه سینی کسیب دئییر: «کیمه ساتیم؟ یاخجی پیل وئرن یوخدی کی!»

«آدہ نییه یوخدی؟ آز انام ایسته قوی بیدئی باخ، چوپیر اوریف آلسین!»

دؤوره لرینده کی ائشیدن لر گولور، رسول بی گیلین قاباغیندا کی میزین اوستونه بیر-بیر پول اتاراق تئز دؤنوب آجیقلا جابیرہ باخیر، اوروف دا تئز دیلینی قاییرما دیش لرینین اوینا تاماسیندان

ساخلايىب يئرلەندۈرۈر، الينى جابيره سارى اوزادىب بىر-ايكى
آددىم دا اونا سارى گلە-گلە دئىير:

«آده كس سسويى...»

جابير تئز خوروزو شادايا وئريب قاچير، عىبانين بۇيروندن كئچير،
بى گيلين يانيندان سوووشاندا، رسول تئز جوموب جابيرين
خىرتە يىندن توتوب سيلكه له بىر، جابير زىرلدا يارق دئىير:

«پوخ يئدىم رسول! پوخ يئدىم!»

گئنه گولمك سسى اوجالير، بىر آروادين گوبود سسلە «قوخما
جابير! هئش كيم سنە الى نين اوجين دا ويرا بىلمز» دئمەسى،
چىراغى سۇندورولموش اوتاقدان حىطە ياييلاندا، ادام لار سوساراق
پنجرە يە سارى باخىرلار. گوبود سسلى آرواد «آده هوى موتال!
آدامسىز زاد دىير كى وىراسان!» دئىندە، انشىدن لرین بعضىسى
گولور، اوردان-بوردان دا «واى دده واى!» زاد دئمە لر قاوزانىر،
اسرايىل دئىير:

«شوخلىغ زاد گۆتيرن دىيرها! ائركى جمىلەدى!»

جاماعات هايلا گولور، قىرمىزى تىشرتلى يئنى يئتمە ياواشجاسينا
اسرايىلا «ئركى يوخى، داششاغلى جمىلە!» دئىيب گولور، اسرايىل
دا گولە-گولە اونون كوره يىنە ياواشدان الينى چىرپىر. تويدا كى لار
بىر يئكه، يوغون، سارىم تىل آروادين ائوين آلا قارانلىغىندان
پىللە لرى نين اوستونون ايشىقلىغىنا چىخا-چىخا «آده هوى، امير

آستانين نوه‌سی! گليب گوتووه او چوپير دايوون قيچين سوخاراما! «
دئمه سيني آيدينجاسينا ائشيدنده، گئنه اوجادان گولوب هاي هاري
ساليرلار، محي نين ده «ائح ائح ائح ايي» ي هاي هاراي، گولوشمه لره
قاريشير. عيبا گنديب رسولون قولاغينا بير سؤز دئييب جابيري
اليندن آير، جابير بوينون اوي-اوي-اويا صندل لره ساري گلير. عيبا
سرعتله پيلله لره ساري گنديب پيلله لردن قالخير، «جميله باجي
مني ويرئ، خوايش ائلئرم مني وير!» دئييب بوينونو جميله يه ساري
آير. جاماعات هاهاي گولوشور، جابير ده دؤنوب ائوه ساري
قايداراق «جميله خالا! هئله ياغلي پئيسه ره شيلله يامان
ياپيشار!» دئير، هامی قاققيلداييب گولور، جميله ده عيبانين
باشيني قاوزاييب آليندان اؤپور. جاماعات هاي هارايلا ال چالير،
چالقيچي لار دا تئز بير اويناماق هاواسيني چالجاغين دال سيرادان
زيل قارا تئلي، اينجه بئل آياغا قالخير، ال-قولونو آچيب دبردير،
دار كئچه جكدن اوينايا-اوينايا قاباغا ساري گلير، ماشي گيلين
سيراسينا ياخينلاشير. حيطين هر يئرinden «ساغول افشين...
ساغول!» قيهاسي گؤي اوزونو آير، ماشي آياغا قالخير،
هاي هارايين ياتماسيني دوروب گؤزله يندن سونرا، بيريني
گؤزستمك اوچون اليني سارماشيقلي دووارة ساريكي صندل لرین
قاباقداکي سيرالارينا ساري اوزادير، افشینه باخاراق «سنون باشووا
او صفرين مالي دولانسين بالا!» دئييب قاقاناق چكه رك ال لرینی

بیر-بیرینه چیرپیر. گۆزلی ات ایچینده ایتیمیش تئز قالخب
 ماشی نین قولاغینا بیر سۆز پیچیلداجاغین ماشی دؤنوب دال سیرادا
 افشینین یانیندا اوتوران قیسا توکلو گوده یه ساری ال قاوزاییب
 دئییر: «های محرم! اصلن قورخب ائله مه ها، منیم بی صفر
 قارداشیم هئش قاتیغی دا داغیدا بیلمز!» حیطده کی لر هاهاهای
 گولور، ماشی گۆرسه دیب صفر دئدییی بیر زیل قارا بوغ دا هیرهاهیر
 هیریلداییر. افشین اوینایا-اوینایا گلیب باشینداکی یئکه چیراق
 اولان میله یه یاخینلاشیر، چیراغین ایشیغیندا یاغلانیب دارانمیش
 قاپ قارا توکلری پارپار پاریلدایارکن، گولومسه یه-گولومسه یه بی
 ایله ساغدیز-سولدوز اوتوردوغو یئره ساری گئدیر، باشینی بالاجا
 بی گیله آیب اونلارین قابق لاریندا اویناییر، ساغدیزین، ال لرینی
 باشی هاوادا قالخیزیب چپیک چالماسینا الینی سینه سینه قویور،
 سونرا قارا ساققال قارمانچیلا قوجا قوالچینین سرعتلندیردییی
 هاوایلا اویناماغینی یئینلشدیره رک حیطه ساری قایدیر، لاپ
 قابق سیرادا اوتوران اوروفا یئتیشیر، یکی الینی اوروفا ساری
 اوزادیر، باشینی دا چالقچی لارین «دیش دارا دیداش داش داراش»
 هاواسی یلا دبرده رک اونو اویناماغا چاگیریر. قارمانلا قوالدان
 چیخان سس لر، حیطه یاییلان سس لر جاماعاتین سومویونه دوشور،
 چوخو اوتوردوغو یئرده دینگیلده ییر، اوروف آیاغا قالخیر، ال-قول
 آچیر، چالقچی لار دا چالدیق لاری هاوانی بیراز دا یئینلشدیرنده

افشین له یان-یانا سوزمه یه باشلاییر. جاماعات های-کوی سالییر، سجاد آیاغا قالخیب اوجادان «اوریف عمی، آلاہ قویسا ائله ایشی بی گئجه یئرینه قویارسان!» دئییر، تویداکی لار گولور. لؤک دوداق دؤنوب دالییا باخراق یانینداکی آلا-بولا کؤینکلییه یاواشجاسینا «دییه سن سجاد دا بازدی ها!» دئییب هیرهاهیر دا گولوب، اونون دیزینه شیلله سالاندا گون باش آلینی گوله-گوله قاییدیپ یئرینده اوتوران سجادین چیینینه قویور، یاواشجاسینا دئییر: «آده دای آبریمیزی آپارما کی!» افشین اوینایا-اوینایا الینی شادایا ساری اوزادیر، شادای خوروزو او بیری الینده توتارکن قالخیر، افشینین الیندن یاپیشیب اونلار اوینادیغی هاوایلا اویناییر. جاماعات شاپباشاپ ال چالیر، بعضی لری آیاق اوسته دوروب اوچ اوینایانین بورجوتمالارینا، ال-آیاق دبرتمه لرینه باخیب، گولوب، فیش چالیرلار، بعضی لری ده «جانو یئیم افشین... جانو یئیم بالا» زاد دئییرلر. اسراییل «آیه شادای! ساغولی، ساغول»، عیبا دا بلندگودان «شادای یوخ! آقا شهرام... آقا شهرام!» دئینده گولمک سسی اوجالیر، جابیر دالداکی سیرا صندل لرین بیریندن آیاغا قالخراق اوجادان دئییر:

«عیبا به هئی او شادایین گول کیمی آدینین ایچینه نییه سیچیسن؟»

صفر اوجادان «صحيح است! صحيح است!» دئير، هامى ال چالير،
 دالداكى سيرا اردان بيرينين «ساغول صفر!» دئمهسى ائشيديلير.
 صفر شينهيه-شينهيه دالييا دؤنور «ساغول صفر» دئين پيرپيز
 باشلى، دومبا گۆز ميئمه ال قاوزاياراق «باشووا ماليم دولانسين
 ميئم!» دئينده، گيلاس آغاجينا باغلانيب قاباق سيرا لارى
 ايشيقلادان لاپ يئكه چيراغين ايشيغيندا باشى نين بوزارميش
 سئيرك توكوندن، قيريشميش اوزوندن، خيردا-خيردا گۆزۈندن
 چوخ، قاپقارا بويانميش پارلاق بوغو گۆزلره دئير. اوروف ايكي
 اوينايانلا اورتادا بير دولانير، قاباق سيرادا آياق اوسته اينده پول
 توتانا، كوتونو قولونون اوستونه آتان، ترى آلنيدان، اوزوندن آخان
 آقاي حسنعلی زاده يه سارى سوزور، قاباغيندا دوروب ديش لريني
 آغاردا-آغاردا باشيني، بدنينى اسديرير، ايكي-اوچ دؤنه ييني اونون
 پول توتوموش آغ آپ آغ اتلى يينه سارى آپايريب قايتاراندا، آراز
 گيلين داليندا، كوچه دووارينين ديبى نين آلاقارانليغيندا، آراغيني
 ايچيب بوش استكانى اينده اولان چنهسى اوزون «تو! سنون قئيرما
 ديشووه توريملىم، يالتاغ كۆپئى اوغلى» دئجه يين، بير-ايكي آدديم
 اوندان اوزاق، ائله دووار ديبينده دوران رسول تئز بونا سارى
 سيچراييب، ييني آتيب خيرتده ييندن ياپيشيب باشيني دوووارا
 وورور. چنهسى اوزونون «واي دده واي! واي دده!» دئمهسى
 قاوزانجاغين، آراز گيل دؤنوب دالييا باخيرلار، آريق چنهسى

اوزونون خیرتدهیین رسولون قییناغیندا گۆروب رسولون دا
«کۆپئی اوغلینین گۆت وئره نی جانون بی دَییر؟ بی دَییر؟»
دئمه سینی ده ائشیدنده، آرازلا قیز ممی نین نوه سی دَبرینجن ریضا
اونلارین قابق لاریندان سوووشوب، اؤزونو تئز رسول گیله یئتیریر،
«آده رسول بوشدا، بوشدا» دئییه رسولون قییناغینی اوزون چنه لی،
آریق تاققاناغین خیرتدهییندن قوپاردیر. شادای خوروزو موسیقی
هاواسیلا اسدیریب سیلکه له یرک، اوروف دوداغینی بوزوب ال-
قولونو دبرده رک، افشین ده گولومسه یه-گولومسه یه بی له ساغدیز-
سولدوزون ال لرینده توتدوق لاری شاباش لاری آلسین لار دئییه اونلارا
ساری گئدیرلر. شادای لا افشین گوله-گوله باش لاریلا اولده اوروفو
بی گیلدن پول لاری آماغا یوللاییرلار، سونرا دا اؤزلری اولده بیین،
سونرا بیین سولونداکی سولدوزون، سونرا دا ساغدیزین الیندن
پول لاری آلیب اوچو ده عییا الیله گۆرسه دیب یؤنلندیردی بی دار
کئچه جه بیین آغزیندا ال لرینده پول توتמוש اوچ-دؤرد آداما ساری
گلیرلر. قابق سیرالاردا اوتوران لار دیب دووارین یانینداکی اتقاقدان
خبرلری اولمادان رسولون قولوندان یاپیشیب پیلله لردن چیخاردیب
کوچه یه آپاران لاری، هم ده ماشی نین قالخیب دالییا باخیب
اورداکی لارین بونو گۆره نینه ال دبردیب، هیمله «نه اولوب؟»
سورماسینی گۆرمه دن های هارایلا ال چالیرلار. موسیقی سسی
یاواشییب کسلییر، اوینایان لار اوچو ده اوینامای بی تیریرلر،

جاماعات فېش وئىرىپ ال چاليرلار. جاماعاتين ال چالماسى كىلىندىن سونرا، عىبا بلندگويلا «چوخ ساغول اوروف عمى... چوخ ساغووول، سنى ده ساغولاسان افشىن... اۋز تويوندا، اۋز تويوندا» دئير، گولومسەيە-گولومسەيە دە «اينشاللاھ آغا شەرامين توييندا دا اۋزيم قلبيرده سو داشيياچيام» دئجەيىن، اسراييل پىللەلردن ائنه-ائنه چىغىرىپ «آيە شادايى، شاداي!» دئيب هامىيلا بىرلىكده گولور. شاداي اوروفون داليجا اوتورماغا گئدندە دايانير، اوزونو جاماعاتا توتوب اىنى سىنەسىنە قويوب دئير: «ياخجى، من شادايام!» خوروزو اوستە قالخيزاراق دا دئير: «ايندى دئيون گورى بو شاداي قارداشوزين خوريزينا نئچە وئرسوز؟» ايمان باياق ماشى، صفرى گورسەديب افشىنين باشينا اونون مال لارينين دۈنمەسىنى آرزىلادىغىنا گولدويو كىمى گولەرك آياغا قالخىب دئير: «شاداي، نئچە اىستىسن باخ؟» هامى تعجىلە «هووو!» ائدير، اسراييل ايندى گلىب كئچىب اوتوردوغو يئرندىن آياغا قالخاراق اوجادان «آيە دىيەسن زئرمىدە ايمانين باشينا كرپىچ زاد دىيب آ» دئير، جاماعات گولور. ساغدیز، آشيق مىنىن «عزىم زميسىنە... گىردىم بىين زميسىنە... بابك وئرسىن انامى... قبال چالان عمىسىنە» دئيدىي باياتيىلا چاغىرىلىب شاباش وئرمەيە گلن بابكلە گوروشەرك اسرايىلين سۆزۈنە دە گولور، بى دىرسەيىنى

اونا ووراراق یاواشجاسینا «آده عایبیدی گولمه!» دئییب بابکه ده گولومسه ییر، ایمان دؤنور، اسراییل میسمیریق لا باخاراق دئییر:

«دیه سن بالا اوستا نجفین زئرزمیسی یادوننان چیخیبی؟ هه؟»

اسراییل «آیه! او بویدا زئرزمی ده یاددان چیخار آخی؟ من سنون کیمی دیرم کی اوشاغلیغیمی یاددان چیخاردام» دئجه بین، گولمک سسی گؤیه قالخیر، بابک میزین اوستونه بیر-بیر شاباش پولونو قویاندان سونرا، بیه «یامان سئچیب تاپیسانا مهدی...» دئییب، ال لرینی ده ساغدیز-سولدوزون بوی لاری قدر قالخیزاراق دئییر:

«...دوز ایکیسی ده بی بویدادی.» بی ده یاواشجاسینا «دئدیم منن بی آز گوده اولسالار یاخجیدی داین» دئییب گولور. شادای دؤنوب بیر-بیریله پیچیلداشاراق چیراغی سؤندورولموش اوتاغین پنجره سیندن باخان قیزلاردان، آروادلاردان دانیشان سامان لایرجه «بی ده بلیسوز کیم اوستا نجفین زئرزمیسینه گئدیب؟» دئییب قاقاناق چکیب گولنده، بیرینین «آده دیشو آغارتمایی» دئمه سی، زئرزمی نین گیره جه ییندن قاوزانیر. موسیقی سسی یاواشیییر، تویداکی لار عیبایا ساری گلن چوخ آریق، اوزون اوغلانی گورورلر. آریق اوزون اوغلان یئتیشجه بین میله باشینداکی یئکه چیراغین ایشیغی بوز کلله سینی ایشیلدادان میکروفونا ساری الینی اوزادیر، عیبا «حیدر آغا، ایستئیسن اوخییاسان اینشاللاه؟» دئینده، میکروفونو عیبانین الیندن آلیب آغزینا توتور، یکی-اوج یول

پىلەيىر، سس چىخمايىر دئىيە، «يىك دو سه، يىك دو سه» دئىيىر، گئنه ده سس چىخماياندا عىبايا باخىب «عىبا، به نىيە بئلىئىلر؟» دئىيىر، ائشىدن لر گولور. شاداي «اىستئىسن خورىزىن بوينى اوخشىياسان؟» دئىيەرك ائله اوتوردوغو يئردە خوروزو تكم كىمى قالخىزىب ائندىرير، اوروف «ياخجى داي حىوانى چوخ اينجىتمە» دئىندە حىدر اليىلە شادايى گۆرسەدەرك ايندى سسىنى قاوزايان مىكروفونا «آدە اونا پىل زاد وئرمئىن قويون جەنم اولسىن!» دئىيىب، دالىجا دا «كۆپوغلى گۆت وئرن...» آغزىندان چىخجاغىن، عىبا تئز دبرىر، حىدر «...منى يازىغ ائلدى...» دئىندە، «آدە ادبلى دانىش!» دئىيىب، الينى حىدرىن آغزىنا باسىر. حىدر عىبانىن الينى آغزىندان چكىب دئىيىر: «آدە سىهدىر آىنە.» حجت تئز يئرىدن قالخىر، قاقىب گلير حىدرىن الىندن مىكروفونو آلماق اىستەيىر، او دا برىك-برىك اووچوندا سىخىب، وئرمەيىب، او بىرى اليىلە دە حجتىن سىنەسىندن باسىب، دالىيا ايتەلەيىر، حجت دال-دالى قاجىيىر. اسرايىل آياغا دورور، الينى سجادا سارى قاوزايىب چاغىرير: «آيە سجادا! ھى سجادا!» سجادىن ائشىتمەدېيىنە گۆرە، قاباغىنداكى سىندل لردە اوتوران جلال لا قولام، ايكىسى دە سجادا سارى دۇنورلر، جلال اليىلە اسرايىلى گۆرسەدەرك دئىيىر: «گۆر اسرايىل نە دئىر؟» سجادا اويانا باخىر، اليىلە باشىنى اسرايىلا سارى دېردە-دېردە اوجادان دئىيىر: «نە دئىسن؟» اسرايىل چوخ اوجادان «گۆرىسن؟»

اوزونارين هاميسى نين عاغلى توپيغيندادى ها!« دئير، هامى گولور، يئنى يئتمه لر گوله-گوله ال ده چاليرلار. يشم رنگلى كوت شالوارلى دؤنوب آجيقلا اسرايىلا باخير، حيدر ميكروفونو يئره آتير، اوجادان «أده كس سسويى!» دئيىب يئيين-يئيين اسرايىلا سارى يورويور. عيبا «ددم قوربان! به نييه بئله آخى؟» دئيه تئز ميكروفونو يئردن گؤتورور، حجت تئز گليب عيبانين يئردن گؤتوروب الينده اورا-بوراسينا باخيب گاهدان دا پيله ديبى ميكروفونو «عيبا باغيشدا!» دئيىب عيبادان آير. حيدر اسرايىلا سارى گئتسين دئيه ماشى نين يانيندان سوووشاندا، ماشى تئز يئرندن قالخيب الينى اونون سينه سينه قويوب دئير:

«بالا هارا؟»

حيدر «الو چك آينه سيهدير!» دئيىب ماشى نين الينى چككمك ايسته ينده، ماشى تئز قييناغينى اونون بوينا ايليشديريب قيفيللاير، حيدر ال-آياق چاليب «بوشتا، اؤولون سوميين سيكيم بوشتا...» دئير. ماشى او بيري اليله قارينا بير يوموروق وورور، حيدر «واى دده واى، اؤلديم!» دئيىب زيققاير. چيراغى سؤندورولموش اوتاقدان بير قوجانين «اونى آلايه ويريب داينا، سن نيه ويريسان خالا قوربان...» دئمه سى نين سسى حيطه ياييلير، ماشى قييناغىلا حيدر ين باشينى قوجا آروادين سسى گلن پنجره يه سارى دؤنده رير، اوجادان «گئت قوربان اول چيران خالييا باخ»

دئىيب قىيىناغىنى بويىنودان چكەمدەن اونو حىط قاپسىنا سارى
 آپارىر، جىران «آلاه او گوؤل آنووا اىرحمت ائله سىن بالا!» دئىير،
 شاداي دا تئز يئرئىندن قالخىب اوجادان دئىير: «جىران خانلىن
 سالىغىنا بى ال چالون گلسىن اويناسىن.» هامى ال چالير، رىضا
 باشىنى قاباغا آپارىب چۆپ بويونا دئىير: «بى شومى دە حىدره
 اوخشئير ها!»

چۆپ بويون دئىير: «كىم؟ جفر؟»
 «هه دaina، جفر.»

نادير دؤنوب الينى رىضايا سارى اوزادىب دئىير: «آده باس بىرايى!»
 رىضا الينى شاپبالاق ناديرىن الينه چىرپىر، نادير چۆپ بويونا دئىير:
 «دوز اؤزىدى، فقط حىدردن بى آز گودهدى!» رىضا دئىير: «بى آز
 يوخ، خئيلهى. يانى حىدر چوخ اوزىندى ها!»

عيبا چىراغى سؤندورولموش اوتاغا سارى باخىب، اوجادان «جىران
 خالا بو يروز باخ!» دئىيب اليله دە اويناماق يئرئىنى گؤرسهدير، ال
 چالما سسى اوجالير، رىضا چۆپ بويونا دئىير:
 «سونانى نئجه؟ اونى دا تانىمىسان؟»

«نئيه؟ اونى تانىرام!»

«دئيه سن ائله فقط آرواددارى تانىسانى؟ هه؟»

نادير گوله-گوله رىضايا سارى دؤنور، چۆپ بويونو گؤرسهدهرك
 دئىير: «آده به گؤرمىسن حيوان اوشاغىن ايچى اوزىلىب؟»

آغ كلایاغی اؤرتموش، آچیق یاشیل یئرلی قیزیل گوللو کؤینک گئین بیر قوجا آرواد پیلله لردن حیطه ائنیب بی گیل اوتوردوغو یئره ساری گلیر، بی گیله یئتیشنده دایانیر، اوجادان «اوجاغوزدان، بیجاغوزدان، قوجاغوزدان یاریاسوز بالا، قوشا قاریاسوز!» دئییر، جاماعات ال چالیر، ال چالما سسی سوساندان سونرا، شادای یئریندن دوروب اوجادان «عیبا عمی، دئنن ریحان خالا دا گل سین قبال چال سین» دئجه یین، جاماعات گئنه ال چالیر. عیبا آشیق ممی گیله ساری باخاراق دئییر: «آشیغ ممی ایجازه وئرسه اگر، ریحان خالا دا گل سین.» آشیق ممی آیاغا قالخاراق قوالینی دینقیلدا دیر، جاماعات «ساغ اول آشیغ، ساغول!»، سونرا دا ائودن بیر «دیم دی دیم... دیم دی دیم» سسی قالخیب یاواش-یاواش پیلله لره یاخینلا شاندا، «ریحان، ریحان» دئییرلر، ماوی یئرلی کؤینک گئییب قیرمیزی کلایاغی باشینا باغلایان آریق گوده آروادی قوال چالا-چالا پیلله لرین باشیندا گؤرنده، ال چالیب «ریحان، ریحان» دئمهلرینی لاپ اوجال دیرلار. قیرمیزی کلایاغیلی آرواد، پیلله لردن حیطه ائنده، شادای یئریندن قالخیب قیچ لاریندان یاپیشدیغی خوروزو اوینا دیر. جیران قوالین هاواسیلا ال-قولونو آچیب ریحانا ساری گلیر، اونون قاباغیندا ال لرینی بؤیرونه وئریب آیاق لاریلا اویناییر، جیران ائله الی بؤیرونده سیلکه له نیب سونرا دا اؤز باشینا فیرلاناندا، آروادلارین ایچیندن بیر جاوان سسلی «جانا جیران

جابیری آختاریر. اوروف بیر اسکناس دا پول لارین اوستونه قویوب شادایا ساری توتور، شادای دال-دالی گئدیب اوزاقلارکن «اوریف عمی بونا وئرمم واللاه» دئییر، اوروف شادایا ساری ایره لیله ییب دومبوزونو اونون سینه سینه وورور، خوروز بیر-ایکی یول قاناد چالیر. بیری اوجادان «آده شادای! های شادای!» دئییه سسله ییر، شادای دالداکی سیرالارا باخیر، ناصیر آیاق اوسته دوروب دئییر: «به بالا بیز گئجه خوریز شورباسی یییه جوی آخی!» بیر چال باش سورمه رنگلی کوت شالوارلی شادایا دئییلن بو سؤزه گوله-گوله، آروادلار اولان اوتاغین قاباغینداکی کردی نین یاخینیندا، اوتوردوغو صندلن قالخیر، الینی جیبینه سالیب پول چیخاردارکن شادایا ساری گلیر. اوروف اوینامایا کسبب اونا ساری گئدیر، سورمه رنگلی کوت شالوارلی نین قول لاریندان توتاراق «یوخ! یوخ! سن گه بئله، سنن لاپ چوخ ایستر بی کؤپئی اوغلی نین دؤلی^۱» دئییب چییین لرینی اوینادا-اوینادا سورمه رنگلی کوت شالوارلی اورتا بوی کیشینی اوتوردوغو یئره دوغرو یولا سالیب. ریحان اوروفو اوینامایا نین دالینی توتما سینا ماراقلی گؤرجه یین، یاخینا گلیب، قوالی اوسته قاوزاییب هاوالاندیریر، آشیق ممی ده جیران چالیدیگی هاوایلا قوالینی دینقیداداراق آیاغا قالخیر، جاماعات های هارای سالیب «ساغول آشیق» زاد دئییرلر، قوال هاواسیلا ال چالیرلار.

^۱ دؤل: توره مه، نسل، نژاد.

شادای جیرانا یاخینلاشیب یاواشجاسینا «اؤزی وئرمیر هئچ، وئره نی ده قویمیر!» دئییر، جیران دا اوینایا-اوینایا شادایین سؤزونہ گولومسه ییر.

اوروف اوینایا-اوینایا جیرانلا شادایا ساری گلیر، عیبا «آقای شیری! آقای شیری!» دئییب اوروفو چاگیریر، اوروف عیبا یا ساری دؤنور. عیبا پیلله لرین اوستونده کی الینده پول توتوموش، اورتاسی آغ، قیراغی ساری کلایاغی اؤرتن بنفش کؤینکلی قوجا آروادی اوروفا گؤرسه دیر. اوروف گئدیپ پیلله لردن قالخیر، قوجانین الیندن اؤپندن سونرا پولو آلیر، اوینایا-اوینایا پیلله لردن ائنیب حیطه قاییدیر. جیرانلا ریحان دا گئدیپ قوجادان شاباش آلیرلار، قوجا قاییدیب گئدیر، شادای «حاجی منسی! های حاجی منسی!» دئییب چاگیریر. قوجا دؤنوب باخیر، شادای ایره لی گئدیپ دئییر:

«به منه شاباش وئرمیسن؟»

حاجی منسی قولاق آسماییب گئدیر، شادای خیط اولوب خوروز قوجاغیندا صندلینه ساری قاییداندا، بیرینین اوجادان «های شادای!» دئمہ سی ائشیدیلیر. شادای حیطین آشاغیسینا، سس گلن یئره باخیر، ریضا الینی شادایا دبرده رک «اوینای، اوینا!» دئییب دار کئچه جه یه چیخیر، سرعتله شادایا ساری گلہ-گلہ الینی جیبینه سالیر، چیخاردیغی پولو شادایا وئیریر. هامی ال چالیب «ساغول ریضا! ساغول ریضا!» زاد دئییرلر، ریضا قاییدیب دار

کئچه جکدن گئدیب سیرایا کئچجه یین سیراداکی لار ال چالیرلار، اؤز سندلینه یاخینلاشاندا دا، نادیرله چؤپ بویون آیاغینا دورورلار. ریضا «آده اوتوروزئی، اده بویروزئی» دئییب اوتورماق ایسته ینده آراز آیاغا قالخیر، قاباقجا استکانا بوشالیدیب حاضرلادیغی آراغی ریضایا وئریر، ریضا «چوخ ساغول سنی آراز، ابلفضلی کیشی آدامسان!» دئییب استکان الینده اوتورور. حجت بیر آیری آدمی شاباش وئرمه یه چاغیریر، هامی ال چالیر، قارمانچی ال چالما هایینا بنزر قارمانیدان سس چیخاردیر، بیری ریضا گیلین قاباغینداکی سیرانین دار کئچه جیه چاتا جاغیندان آیاغا قالخیر، قولتوغونداکی چلیکله یاواش-یاواش قاباغا ساری گئدیر، ریضا اوجادان «اسمایل! بینی ویریرام سنون سالیغوا» دئییر، چلیکلی دؤنوب گولومسه یرک باخیب «ساغول ریضا!» دئینده، ریضا استکانی باشینا چکیر. تویداکی لارین چوخو دالییا دؤنورلر، اسماعیل چلیکی موزاییک لرین اوستونه قویوب قاباغا گلیر، ماشی گیلین سیراسینا یاخینلاشاندا، گؤزلری ات ایچینده ایتیمیش اوجادان دئییر: «اسمایل! ماشاللا یاخجیسان ها!» اسماعیل گؤزو ات ایچینده ایتیمیشه باخیب گولومسه یر، ماشی دا دئییر: «آده اسمایل به او کؤپئی اوغلیننان شیکت ائله مه دون؟»

«یوخئی ماشی، آرواد قویمادی. دئدی بیله-بیله ائله مئب کی!»

ماشى باشینی بوللایا-بوللایا «به‌به! به‌به!» دئییر، جابیر ده اویاندان چیغیریب «ماشى اسماییلین او اوزین قیشدارینا گۆز دیدییی» دئییر، هامی گولور، چالقچی لار باشلاییب بیر هاوانی چالیرلار، اسماعیل یاواش-یاواش بی گیله یاخینلاشیر.

جیران ائوین گیره‌جک پیلله‌لرینین لاپ آشاغی سیندان، ریحان لا اوتوردوغو یئردن الینی قاوزایارق «های شهرام! های شهرام!» دئییب شادایی چاغیریر، شادای ائشیدیب «های بلی!» دئییرکن دوروب الینده خوروز، یئین-یئین جیران گیله ساری گئدیر، پیلله‌له یئتیشنده دئییر: «بلی جیران خالا؟»

«بی قاتیغچی سلمانین نوه‌سی دئییریدی؟»

«کیم؟»

ریحان دئییر: «سنه شاباش وئره‌نی دئییر داینا.»

«هه، ریضانی دئسوز؟»

جیران دئییر: «آدی ریضادی؟»

شادای ایکی‌الی، قاناد چالیب سیلکه‌له‌نن خوروزونون بئلیندن، دؤشوندن توتاراق دئییر: «بیلیمیرم کیمین نوه‌سیدی، آما بینی بیللم فامیلی مولایی دی.»

جیران ریحانا باخیب دئییر: «ائله سلمانین نوه‌سی اولاجاغی، ایرحمتدی باباسی کیمی ده ائله قارا قاش-گۆزدی.» دئییر: «ائله اونین کیمی ده الی آچیغدی!»

شادای گوله-گوله آروادلاردان آیریلیب یئرینه قاییدیر، ریحان بیر قاردون قیرینگیلا اؤزونو یئلله یه رک دئییر: «آلی آچینغیدی کی، اوردان دوردی گلدی قویمادی حیوان اوشاغ خیط اول.» سونرا اؤزونو بالاجا دبردیب آغزینی جیرانین قولاغینا یاپیشدیراراق «حاجی منسی نین ده یولچی لیغین گؤردون دای؟» دئییر. بیر «جیران خالا! ریحان خالا! اینشاللا سوبای لاروزون توپیندا اوبینیاغ» دئییه نه ایکسی ده دؤنوب آلتدان باخیب، پیلله لرین اوستونده دوران، بایاق ریضایا ائله ایندیکی دوردوغو یئردن موشامبادا کؤینک وئرن قیرمیزی کلایاغیلینی گؤرجه یین، جیران «باخداور اولسیننار! قوشا قاریسیننار اینشاللاه!»، ریحان دا «باشووا دؤنیم، اوره ییم قوربان!» دئییر.

عیبا سورمه رنگه کوت شالوار گئین چال باشا ساری گلیب الیندن یاپیشاراق «آغا فیروز بویروز» دئییه اویناماغا قالخیزیر، توپداکی لار «هه هه هه، ساغ اولسین آغا فیروزی!» زاد دئینده، فیروز قول لارینی آچاراق بی ایله ساغدیز-سولدوز اوتوردوغو یئره ساری گئدیر، پیلله لرین قاباغیندان کئچنده جیران آیاغا قالخیر، ریحان دا تئز دیزینین اوستونده کی قاوالی بؤیرونه قویوب آیاق اوسته دوراراق الینی آغزینا سالیب فیش چالیر، دؤوره سینده کی لر گولوب «هئی... هئی... هئی» ائده رک ال چالیرلار. بی فیروزون اونلارا ساری گلمه سینا سئزجه یین آیاغا قالخیر، اوستونه گول

قويولموش، يئكە ميس مژمئىدە رنگ بە رنگ ميوەلەر، گوموش شمع قابىندا يانار شمع لار قويولموش ديزلر يىندن آچاق اولان ميزلە سولدوزون آراسىندان سوووشوب اونا سارى گئدير. بى ايله سورمه رنگدە كوت شالوار گئىن چال باش، بىر-بىرلر يىنە يئتىشجە يىن بى آيلىب يىندن اوپور، چالقيچى لار هاوانى دىيشىب، تويدا كى لارىن يئىن-يئىن ال چاليب فيش چالديق لارىنا بنزر هاوايلا ساز لارىنى سسلنديريرلر، بى ايله اورتا بوى چال باش كيشى قوجا قلاشيب اوپوشورلر. عىبا «آلاه بو ددە-بالانى بىر-بىرىنە بىننان دا محبتدى ائله سين!» دئىير، هامى ال چالير، شاداي يئر يىندن دوروب يىندە توتدوغو خوروزو اوينادا-اوينادا بى ايله آتاسىنا سارى گئدير. عىبا گىل بىين آتاسىنى، اويناماق باشارماسا دا ال-قولونو دبرتمكلە اويناماغا چالیشان آتاسىنى، آرالارىنا آليب گولە-گولە ال چاليرلار، اوروف دا ال چالا-چالا بىين آتاسى نىن دؤورەسىنى آلان لارا سارى گلير، شادايىن يانيندا دورجاغىن خوروز اوجادان بانلايير، تويدا كى لار گولوشورلر، اوروف دا آجىقلا خوروزا سارى باخىب «باشىما دؤنە سن، ايندى باشو كسرم گؤرسن!» دئىيب اوجادان بانلا يارق خوروزو يانسىلايير، جاماعات قىريلير گولمكدن. رىضانين اوجادان «بىنى ايچىرم اوريف عمى نىن سالىغىنا!» دئمەسى ائشىدىلندە، جاماعات گولە-گولە دؤنوب رىضايا سارى باخىرلار، اوروف دا باخىب ال قاوزايير، رىضا آرازىن يىندن بونا سارى توتدوغو

خيارى آليب «ساغول!» دئييب ديشله يير. آراز «قوى گوريم دوز هاردادى؟» دئيه رك اورا- بورا باخير، ريزا «آده دوزى نئينيرمى!» دئييب خيارا بير ديش ده وورور. قيز ممي نين نوهسى الينده دوز قابينى اوزاديب «گالا دوزدا!» دئيير، ريزا تئز ايكي- اوچ ديش ده ووروب خارتاخارتلا يئيه رك، خيارين گوئونو قيز ممي نين نوهسینه سارى آپارير، آغزى دولو اولدوغونا گوره «دوزى بينا سپ!» كيمي بير سؤزو لوغالا يير. قيز ممي نين نوهسى «گتى اؤز گوئووه دوز ويريمى بالا» دئيير، آراز گولور، ريزا «بالا شيت گوت اوره يو قالخيزيز؟» دئييب چوخ اوجادان دا گولور. نادير گيلين يانيندا اوتوران لارلا، نادير گيلين قاباق لارينداكى سيرادا اوتوران لارين ايكيسى- اوچو، ريزانين قيز ممي نين نوهسینه دئديينه، هم ده اوجادان گولمه سینه دؤنوب دالييا باخيرلار، بير سئيرك توكلو اوزون خط باشيليسى دا دئيير: «ريزا ديه سن گئنه ده اونى- ميني اينجيدمه يى باشدادونى!»

«دوغيردان؟»

«قارداش جانى!»

ريزا الينى آرازا اوزاديب «دوغيردان ساغول آراز، اؤلوهه ايرحمت، آراغ كى دوز اولدى بئله اولور داي!» دئيير، آراز دا اليله قولاغى نين اوستونو آلميش ساچينى تومارلا ياراق گولومسه يه- گولومسه يه دئيير: «آده صاديغى ساغولسينى، منى يوخ!» ريزا «گور آراغ نه

آراغىمىشسا، ميرتېزىن بۇۋە باباسىن ائله گۆت-باش ائىلب داي...»
 دئىب گولور، گولمەسىنى كسندن سونرا دا دئىر: «دوغىردان
 ھىش بىلمىدېم ميرتېزىن بۇۋە باباسى قالير!» آراز «اۋز دە بتر
 ايستەمەلى قوجادى، دوز فىلىم لردەكى قوجالار كىمى...» دئىندە،
 قىز مەنىن نۆسەسى آياغا قالخىر، آراز اونا باخا-باخا سۆزونون
 دالىنى توتوب «...آغ ساققال، آغ عاراغچىن، آغ كۆينى، قارا
 جىلىققا» دا دئىندە، قىز مەنىن نۆسەسى قباغىندان كىچمك
 ايستەيىر، آراز دئىر: «بە ھارا مەندىس؟»
 «گئدىر ياتام.»

آرازلا رىضا اوجدان گولوب قاباق لارىندا اوتوران لار دۇنوب باخىرلار،
 آراز دئىر: «بە ايشمىس؟» قىز مەنىن نۆسەسى سوووشا-سوووشا،
 رىضايا باخا-باخا دئىر: «مزاھىم اولمىرامى!» رىضا آياغا قالخىر،
 قىز مەنىن نۆسەسى قوجا قلايىب «آدام دا بىۋە تويدان گئدر؟
 ادە قىت گئد اوتى يىروندهيى» دئىر ك الينى قىز مەنىن
 نۆسەسىن كورەيىنە قويوب اوتوردوغو يىرە سارى قايتارىر. رىضا
 گىلىن قاباق لارىنداكى سىرادا، حىطين اورتاسىنا سارىكى لارىن
 ايكىسى-اوجو آياغا قالخىر، بىين آتاسىنا شاباش وئرن لرىن دالىجا
 اوينانيلان يىرە سارى گئدىرلر، آراز ايندى يىرىندە اوتوران قىز
 مەنىن نۆسەسىن سورشور:
 «استكانون وار؟»

قىز مىمى نىن نوھسى «يوخىمدى، يوخ» دئىيب سونرا الييله آغاچىن دىيىندە كى استكانى گۆرسەدەرك دئىير: «ئىنىيە جى ائله اۋزونكىندە وئر.» آراز آغاچىن دىيىنە باخىب گولومسەيرك دئىير: «يوخى!» ايليپ استكانىن گۆتوروب قىز مىمى نىن نوھسىنە سارى توتوب دئىير: «اوندا بى زحمت آپار ياخالا گتى!» قىز مىمى نىن نوھسى «آدە تۆكى» دئىيرك استكانى آلماق ايستەيندە، آراز گولە-گولە تئز استكانىنى دالى چكىر. گۆزۈ بو چكىش-بركىشە قالىب گولومسەين رىضا، الينى قىز مىمى نىن نوھسىنە اۋلچە-اۋلچە «قارداش بە دو گئد اۋزووہ استكان تاپ گتى دايىنا!» دئىيب، ياواشجاسىنا دا لوغلايىب دئىير: «پوخ يىين ايتىن قاشىغى بئلىندە اولارا!» نادىر دۇنوب باخىب گولور، سونرا دا چۆپ بويونا «گئدەيون!» دئىيب آياغا قالخىر، قىز مىمى نىن نوھسى رىضايا سارى باشىنى اوزايدىب كرزله نەرك^۱ دئىير:

«نە دئدون؟»

رىضا «دئدىم آراغ ايچە نىن استكانى بئلىندە اولار» دئجە يىن، نادىر گولمەسىنى ساخالاي بىلمەيىب اوجادان گولور، چۆپ بويون دۇنوب قىز مىمى نىن نوھسىنە دئىير: «آدە سلىمان نىيە اوتىرىيسان؟ دو باس قولاغى نىن دىيىنەيى!» نادىر قاشقاباق تۆكوب «آدە آز دانيشى!» دئىيرك ياواشجاسىنا چۆپ بويونا دومسوك وورور، رىضا

^۱ كرزلىمك: غورولا دانيشماق.

گیله ده دئییر: «به بالا گلمیسوز؟» چالقچی لارین سوموکلره دوشن یئنی هاوالاری سسلنیر، ریضا چییین لرینی اوینادا-اوینادا آیاغا دورور، قیز ممی نین نوه سینین بوینونو اوزادیب «هوی! ساری ندیرین نوه سی، سنننه می!» دئمه سینه قولاق آسمادان ائله چییین لرینی اوینادا-اوینادا، دیلی نین آلتیندا دا «راد دیری دارای... را را رای» دئییب میز یلدا یا- میز یلدا یا الینی شالوار چییینه سالیب پول لارینی چیخاردیر، بونا گولومسه ییب، بوغونون اوجونو بارماق لاریلا اوووشدور اراق بونا گۆز قویان نادیره پول لارینی سایا- سایا باخیب شینه ییر، پول لارینی چییینه قویاندان سونرا، آغزینی نادیرین قولاغینا یاخینلاشدیریب بیر سۆز دئیهرک گولمکدن سیلکه لنیر. قیز ممی نین نوه سی الینی ریضایا اوزادیب «آده بی بیرا باخی؟» دئییب، ریضا دا دؤنوب باخاندا دئییر: «دوریب او پوخلی قاشیغی آغ گۆتووه سوخارام ها» دؤوره ده کی لر گولوشور، نادیر «ریضا هامی بیلیرا گۆتون نه ایریده!» دئییب اوجادان قاقاناقلا ییر، آراز دا ایچینی چکیر، چۆپ بو یون دئییر: «یاخجی دای گلون.» آراز سندلی نین سؤیکه نه جه ییندن آسلا دیغی کوتو گۆتوروب گئیمک ایسته ینده ریضا دئییر:

«آده کوتی نئینیسن؟» دئییر: «قوی قالسینی!» سونرا دا الینی آراز ساری توتوب دئییر: «تئز اول گه!»

آراز کوتونو قايتاريب گؤتوردويو يئردن آسلاماق ايسته ينده، قيز ممي نين نوه سي «وئر من آسدئيم سن گئت» دئييب کوتو آرازدان آلير، ريزايلا آراز دوروب ايكي سيرانين آراسيلا گنديب دار كئچه جيه كئچيرلر.

قيز ممي نين نوه سي آرازين کوتونو ياواش-ياواش، سلقئيله سؤيکه نه جكدن آسلايير، سونرا اورا-بورا باخيب صندلينده اوتورور، اوتوردوغو يئردن بيين آتاسيني گؤرمه دن اويون ميداني نين دؤوره سينه توپلاشيب ال لرينده پول توتان جاوان لارا، اورتا ياشلى لارا باخير، سونرا آرازين کوتونون چيييننده بير يارپاق گؤرور، يارپاغى گؤتورور، کوتون چييينيني چيرتما ايلا تميزله يير، سونرا يارپاغا باخير، باشيني قاوازييب آلما آغاجينا باخير، باخيب-باخيب يئرinden قالخير، آغاجين اوچ-دؤرد اولوشگه ميش، بوزوشموش يارپاغيني قوپارديب گئنه يئرینده اوتوروب اينده كي يارپاق لارا دقتله باخير. قارمانچي يلا قاوالچي ائله باياقدان چالديق لاري ياواش ريتملى بير هاوانى چاليرلار، گاهدان عيبانين «اؤز تويزدا!»، «سوباي لاروزون تويندا!» دئمه سي، گاهدان دا گولوب قاققيلداماسي اوجالير. آرازلا ريزا، يان لاريندا كي ايكي-اوچ آداملا دانيشا-دانيشا، گوله-گوله يئرلرينه ساري قايديرلار.

آراز دبه دن استكانا آراغ توكوب وئرير قيز ممي نين نوه سينه، قيز ممي نين نوه سي آراز باخيب «سنون ساليغووا!» دئييب ايچير، آراز

آيىلىب مزە موشامباسىندان بىر خىار گۆتۈروب اونا سارى توتاندا او،
 خىارى المادان آراز باخىر، سونرا اورا-بورا باخىب رىضانىن باشى
 نادىرلە دانىشىب گولمە يە قال اولماسىنا، بونو گۆرمە دىيىنە امىن
 اولاراق تئز باشىنى آپارىب «يامان قشئسن دايىنا!» دئىەرک آرازىن
 ياناغىندان اوپور، يىندن خىارى آلىب دووارىن دىيىنە قويدوغو دوز
 قابىيلا دوز سىپب يئىندە نادىرلە رىضا اوجادان گولورلر، سونرا رىضا
 اليله آرازى گۆرسەدەرک دئىير: «نە بىلىم، بى دئىر باخ!» آراز
 گولومسەيرک دئىير: «نە يى؟» رىضا «مىرتىضىن باباسىنا آراغ
 وئرمە يوزى دئىرم ايناممىر!» دئىيب سونرا توت ماوى كراواتىنى
 بويوندا يئربە يئر ائلە يەرک دئىير: «اۋزون دئدون داي؟»
 «ادە داي هاممىيا دئمە كى!»

رىضا الينى نادىرىن قولونا وورا-وورا دئىير: «ادە نادىر
 اۋزىمىزىنكىدىيى!»

آراز دئىير: «بىز ايسدەمىردوى كى وئرى!»
 رىضا آراز باخىر، گولە-گولە «اوندا زورنان آلدى ايشدى؟» دئىير،
 سونرا آيىلىب آغاجىن دىيىندن استكانىن گۆتۈروب آراز سارى
 توتوب، گئنه دە دئىير:

«هە؟ زوررادى سىزى؟»

آراز «دئدى بالا او ندى؟ دىبەنى گۆرستدى!» دئىيب آيىلىب دىبەنى
 يئردن گۆتۈروب، دىزىنىن اوستوندا قاپاغىنى آچىر. رىضا دىبەنى

نادیره گۆرسه ده رک گوله-گوله «بی دبه نی باخ!» دئییر، آراز استکانینا آراغ تۆکنده ده «به سن دبه نی بی شئییه قویمامیشدون؟» دئییه سوروشور، باشینی توولایا-توولایا قولونو سندلی نین سؤیکه نه جیینه قویوب گولومسهرک بونلارا باخان نادیره آرازی گۆرسه دیب دئییر: «آده بی لاپ گیژ ممودیئی!»

قیز ممی نین نوه سی «ساغول آراز!» دئییب استکانی آراز وئریر، آراز «سنی ده ساغول!» دئیهرک استکانی آلیر، باشینی ریضایا دؤنده ریب دئییر: «آخی میرتیض دئدی قوی گۆریم صادیغین آراغی گئنه ده قاباغکی لار کیمیدی؟» ریضا الینده کی استکانی بورنونو ساری آپاریر، گۆزلرینی یومور، درین نفس چکیب باشینی یاواشجاسینا توولاییب «به به! به به! ساغول آراز، دوغیردان ساغول!» دئییر، آراز گولور، سس سیز گولوب ایچینی چکندن سونرا، باشینی نادیره ساری اوزادیب یاواشجاسینا دئییر:

«دئدیم معده درمانیدی. دئدیم بؤوه ننه مین معده سی آغریر اونا آپاررام!»

ریضا استکانی بالاجا قاووزاییب نادیرله آراز «سالیغوز!» دئییر، آرازلا نادیر ده «ساغول! ساغول!» دئینده، استکانی باشینا چکیب آغزینی بوزور، الینی یئرده کی موشامبایا آپاریب بیر خیار گۆتوروب دیشله ییر. آراز ایچینی چکه-چکه گولوب «بئناوا کیشی دئدی ائله منیم ده معده م آغرییر، بیياز دا وئر من ایچیم...» دئییب گولمکدن

سۆزونون دالىنى توتا بىلمەيىب، باشىنى آپارىب آغاچا ياپىشدىرير،
 اليىلە گۆزلىرىنىن ياشىنى سىلىر، نادير دئير: «باغىشدا، باغىشدا،
 سن دئدون معدە درمانيدى؟» آراز گولە-گولە باشىنى آشاغى
 دبرديب دئير: «هه! دئدويم معدە درمانيدى. دئدويم بۇۋە ننه مه
 آپارىرام» دئيب گئنه ده گولوب اۇزوندن چىخير، چۇپ بويون
 دۇنوب دئير: «بالا هله بى دئن، سورا گول دايىنا!» آراز گولە-گولە
 دئير: «هله ائشيتمه ليسى دالدادى!» نادير سوروشور: «كئفلندى؟»
 آراز باشىنى توولايىب گئنه گولور، سونرا دئير: «بىلىسن نه
 قيردى؟» نادير دئير: «نه قيردى؟»

آراز گولوب گولوب باشىن ناديره ياخىنلاشدىرىب «دئدى بالا منيم
 نامازيم قالير، دوردى نامازا...» دئيب گولوب، رىضا دا گولنده
 عىبانين بلندگودان «آقاي آراز عليزاده تشرىف گسسىن اويناسين»
 دئمه سى اوجالير، نادير قالخير آياغا، اوجادان «عيبا ايجازه وئرسون،
 بى دىقىيا گلسين» دئيب اوتورور.

«ياخجى داي! آرازى بى دىقا گۆزده مه يه نه وارا!»

هامى ساكيت اولور، بعضى لرى ده دۇنوب دالىيا باخىرلار، اسرايىل
 آياغا قالخير، دۇنوب اونلارا باخاراق دئير: «آيه سيزده آلايه الهى
 يوخدى ها، خبرىمىز اولماز اوردا بى پوخ زاد چىخاردارسوز!» رىضا
 گولومسه يرك الينى اسرايىلا قاوازيير، نادير ده آراز دئير: «سورا؟
 سورا نولدى؟»

«دوردی نامازا. سورا نامازی پارا قویدی. گلدی اوتدی بیزیم
 یانیمیزدا، سورا آغلادی...»
 نادیر دئییر: «آغلادی؟»
 «بئناوا نئجه ظلوم-ظلوم آغلتردی... آغلادی. سورا منه دئدی
 سنون زلیخا ننؤؤ یامان چوخ ایستئردیم!»
 نادیر الینی آراز اوزاداراق دئییر:
 «دوغیردان؟»

آراز «هه! هه!» دئییب باشینی نئچه یول ساغ-سولا آپاریر، نادیر
 اوجادان قاققیلدا ییب ال لرینی بیر-بیرینه وورور، عیبانین بلندگودان
 «آراز بی دیقانی کئچدی ها!» دئمه سی قاوزانیر، نادیر اوجادان
 «عیبا گلدی، گلدی!» دئییب دؤنوب آراز دا دئییر: «یاخجی دای
 دو آیغا.» آراز آیغا قالخیر، اسراییل دؤنوب «آیه آراز تئز اول گه
 داینا»، عیبا دا «باشووا دؤنوم سنون آقای علیزاده گه! تئز گه!»
 دئییر. آراز کوتونو گئییب یاواش-یاواش چاغیریلدیغی یئره ساری
 گئدیر، ماشی آیاق اوسته قالخیب آراز ساری الینی قاوزاییب «هاوو
 دئی، هاوو!» دئییر، تویداکی لار گولوشور. سجادلا یشم رنگلی
 کوت شالوارلی ال لرینی قالخیزیب اوجادان «لزگی! لزگی!» دئییرلر،
 یئنی یئتمه لر دئییرلر: «یوخ! لزگی یوخ!» دئییرلر: «واغزالی!
 واغزالی!» اسراییل یئنی یئتمه لری «واغزالی واغزالی» دئمکله

يانسىلايىر، سونرا آرازى اوجادان «آيه آراز! ھى آراز!» دئيه
 سىلەيىر، آراز دا دۇنوب باخاندا گولە-گولە دئىير:
 «نردووان ھشىمىن نولرى دئىيلر لىزگى اويناھا!»
 سجاد ىشم رنگلى كوتشالوارلىيا «دلى شىطان دئىر دو باس
 قولاغى نىن دىيىنە!» دئىيب سونرا قاباغىنداكى لىتر يارىملىق سو
 قابىندان الىندەكى استكانا آراغ تۇكندە، گون باش تىز الىنى
 چىيىنە قويوب دئىير: «آدە سجاد داي بسدى!» سجاد گون باشا
 باخمادان «جلالا وئىرەمى!» دئىيب الىنى جلالىن چىيىنە قويوب
 استكانى جلالا وئىر، جلال «آى سون توى پىلوو يىم!» دئىرەك
 استكانى آلير، سجاد قولاما دا دئىير: «قولى سنە دە وئىرە جىم ھا!»
 سارماشىقلى دووارا سارىكى قوناق لارىن ياسمن رنگلى كۇبىنكىلىسى
 يىرىندىن قالخىر، آشا-آشا اوينايلان يىرە سارى گىدىر، ساغدیزىن
 ال قاوزاماسىنى، «ياللا صابىر» دئمەسىنى گۇرمەيىب ائشىتمەدن
 چالقىچى لارا سارى گىدە-گىدە الىنى جىيىنە سالىب چوخلو پول
 چىخاردىر، پول لارى اونلارىن قابق لارىنداكى ميزىن اوستونە
 سپەرك ياواشجاسىنا قارا آرىق قاولچىيا «آشىغ مىمى باخ! چوخى
 سىندى ھا...» دئىيب قوجانىن اوزوندن اۇپور، سونرا آرازى اونلارا
 گۇرسەدەرك دىلى توتار-توتماز اوجادان دئىير: «من بىلىرم او نە
 اوينىياجاغ، ياخجى چالون، ياخجى چالسوز گىنە دە پىل
 وئىرە جىم.» شاداي خوروزو الىندە قاوزايىب-يىندىررەكن اوجادان

«صابیر عمی بی پیل دا وئر...» دئجه یین، صابیر اوتوران لارا ساری دؤنوب «آده عمی من دَره می...» دئییب سونرا الیلله ایمانی گؤرسه ده رک دئییر: «...بی داها باخ عمی ایمانندی!» جاماعات گولور، رحیم لاپ اوغونوب گئدیر، ایمان آجیقلا رحیمه باخیب باشین بوللاییر، جاماعاتین گولمه سی کسیندن سونرا، صابیر آراز دئییر:

«نیه دوریبسان؟ به اوینا دای!»

اسراییل اوجادان دئییر:

«حیوان اوشاغ سننن قورخیر آخی!»

صابیر «سنون جدی آبادون منیم مئییدیمنن قورخاندا...» نی دئییب، دؤنوب الیلله آرازی گؤرسه ده رک «... بو گؤزلییده اوشاغ گل سین مننن قوخماسینی» دئجه یین هامی گولور، مَحی «ائح ائح ائح ایی...» ائده رک آیاغا قالخیب صابیره ساری الینی دَبَر دیر، میثم اوجادان «های صابیر! های صابیر!» دئییب صابیری چاغیریر، صابیر میثمه ساری باخیر، میثم مَحی نی گؤرسه ده رک دئییر:

«بیلیسن مَحی نه دئییر؟»

«آده او پوخ بئین نه دییه جی آخی؟»

جاماعات گولوشور، بعضی لری ده ال چالیرلار، عیبا گوله رک مَحی گیله ساری باخیب، صابیره یاخینلاشیب، الینی صابیرین قولونا قویوب دئییر: «آقا صابیر، ایجازه وار آراز باشداسین!» صابیر دؤنوب

دئییر، هامی هایلا ال چالیر، صابیر گولومسه یرک باشینی ترپه دیر، گئنه مَحی نین گولمه سی هاوالانیر، عیبا ایره لیله ییب مَحی یه ساری باخیر، صابیر دئییر: «یاخجی دای عیبا، یئری جرمنی آل!» مَحی گولمه سینی کسیر، عیبا صابیره دئییر: «آغا صابیر ایجازه وئرسون بی سئرینی باغیشدیباغ!» صابیر قول لارینی آچیر، باشینی ترپه دهرک اوینانیلان یئری بیر دؤور وورور، سونرا اوزونو حیطه ساری توتوب «رحمت تنز اول منه بی یئکه ایستیکان دولدیر گتی» دئییر، سونرا گئنه آراز ساری دؤنوب اوخوماسینین دالینی توتور، «صبحا» نی چکنده اؤسکورور. عیبا تنز چالقچی لارین میزی نین اوستونده کی اوخویانین داغ سو اولاجاق استکانین گؤتوروب صابیره ساری قاچیردیر، صابیر یکی-اوج قورتوم ایچندن سونرا، عیبا استکانی قایتاریب آپاریب میزین اوستونه قویور. حجت آشیق ممی یه باخراق داغ سویون قالانینی آجیقلا قاباق لاریندا کی کردییه توللاییر، آشیق ممی باشینی اوسته ترپه دهرک یاواشدان «نئینه یی!» دئییر. صابیر صبحانین دالیسینی توتور، قارمانچی هاوانی جیددی توتماییب باشدان ائله دی چالیر، صابیر اوخوماقدان دورور، اونا آیری-آیری، آجیقلا باخراق «به نییه بئله چالیسان؟ به پیل وئرمه دیم؟ بلکه گئنه پیل ایستئیسن؟» دئییب اونلارا ساری گئدیر، ال لرینی جیب لرینه سالیب پول آختاراندا، جابیر یئریندن قالخیب اوجادان دئییر: «صابیر به پیلو نییه کوررئسان؟ باخ صاباح

پىشمان اولاجاسانا!» صابىر جابىرىن سۇزۇنە قولاق وئرمەدن بانك كارتىنى چىخاردىب اليندە توتور، دۇنوب بىر آراز، بىر دە عىبايا باخىب دئىير: «عىبا كارت خوانون وار؟» جاماعات اوجادان گولور، صابىر آغزىنى ميكروفونا توتوب چىغىيرىر: «ھى عادىل؟ ھى عادىل؟ يورقان-دۇشى كومودىنا پىل قويمىشام، نەم ايرىمىدىين دۇشەيىن آراسىنا. تىز اول دو اولارىن ھامىسىن گۆتى گتى بىرا.» سونرا دئىير: «رحمت! بە آراغ نىچ اولدى؟» ساغدىز يىرىندىن قالخىب يىيىن-يىيىن قاباغا گلير، صابىرىن دالىندان ايكى اليله حىطدە اوتوران لارىن نە ھانسىنا، بلكە دە صابىر چاغىردىغى رحمتە، «گتىرمە»نى، سسىنى چىخارتىمادان ھىمەلە بىلىندىرمەك اىستەيىر. صابىرىن دىل-دوداغى توتار-توتماز صبوحانى اوخوبور، ھالى اولمادان «انصافسىز، وجدانسىز»ى نىچە يول اۇيوروب-چئويرىر^۱، سسى ياواشلاشىر، جاماعات گىنە ھايلا گولوب بعضىسى دە «صبوحا»نى چكىر. صابىر ساكىت اولوب باشىنى آشاغى سالير، قول لارى يانىنا دوشور. عىبا تىز آروادلار اولان اوتاغىن قاباغىنداكى كىردىنىن يانىنا قوبولان، باياق اۇزو اوتوردوغو سىندىلى گۆتوروب گتىرىر، صابىرىن قىچ لارىنا سۆيىكەيىر، الينى چىيىنە قىيوب ياواشدان دئىير: «صابىر باشووا دۇنىم اوتى.» صابىر اوتورور. اوتورجاغىن دا خورولتوسو ميكروفونا دوشور، ھامى گولور، عىبا دا

^۱ اۇيوروب-چئويرمەك: اوبان-بويان ائلمەك.

گولمه سینین قاباغینی آلیب گیزلتسه ده، چیین لرینین اویناماسینی گیزله ده بیلمه دن یاواش-یاواش، گۆزله یه-گۆزله یه میکروفونو الیندن آلیب اوخویانا ساری قاچیردیر. جاماعات گولور، مَحی نین گولمه سی لاپ اوجالاندا، صابیر گۆزونو آچیب الینی بالاجا قالخیزیب یاواشجاسینا دئییر: «عیبا، یئری جَرمو آل، او پوخ بئیین گئنه گولدی باخ!» عیبا تویداکی لارین چوخو کیمی صابیرین دئدییینی ائشیتمه دن تئز آراز ساری گلیر، یاواش دان «هاوو دئ بالا» دئییر، آراز «لزگی» دئجه یین چالقچی لارا ساری قاچیب «لزگی چالون» دئییر. حجت میکروفونو باغلایب آحیقلا صابیره باخیب، آغیز-بورونو قیریشدیراراق میزین اوستونه قویور. چالقچی لار چالماغا باشلاجاغین سجادین دا اوجادان «هه! هه!» دئمه سی قاوازانجاغین، آراز قول لارینی آچیب موزیکین هاواسیلا چالقچی لارین قاباغینا ساری، اوردان دا دؤور ووروب بی ایله ساغدیز-سولدوزا ساری گئدیر. اونلارا باخا-باخا، گولومسه یه-گولومسه یه عیبایا ساری، سونرا دا جاماعاتا ساری گلیر، ایاق لارینی موزیک هاواسیلا دبرده رک بیردن دؤنور، چیراق لاری سؤندورولموش اوتاغین پنجره سیندن باخان لارا، قارانلیقدا کیم اولدوق لاری بیلینمه یین اوجادان گولوب دانیشان لارا، بلکه ده اوغلان لاری، کیشی لری نشانلایب بیر-بیرلرینه گؤرسه دن قیزلارا، آروادلارا اؤپوش آتیب بارماق لاریبلا دا بوزقورد علامتینی توتور.

قىزلار، اروادلار قىيىھا چكىرلر، ال چاليرلار، آراز دا گولومسەيرك
الينى بىر-ايكى يول اوزون ساچلارينا چكىر. ايرج تئز اليندەكى
استكانى يانينداكى آچىق ياشىل كۆينكىلە يە وئرهرك آياغا قالخىر،
ال چالا-چالا «ساغول آراز! ساغول!» دئىير. ماشى يئرئىندن قالخىب
اوينانيلان يئره سارى گئدە-گئدە جيبيىندن دە پول چىخاردىر،
سجادلا يشم رنگلى كوتشالوارلى دورورلار، يئىين-يئىين اونون
داليجا گئدىرلر، اليندە توتدوغو پولو آراز سارى اوزادىب اونون آياق
اويناتما رىتمىيلە دە اوجادان «هه! هه!» دئىن ماشى يا يئتىشىرلر.
گۆن باش باياق «يانىق كرم» هاواسيىلا اويناماق ايستەين، ايندى
دە يانيندا اوتوران ائلە همان على آدى قىرمىزى كۆينك گئىنەنە
«ايندى نەيى وار جيبيىندە اورا داغىدىب گلەجى باخ!» دئىير، او دا
«هەلە بى توتون خىردا ايشدەرىدى» دئىيب اوجادان گولور.
ماشى نىن يانيندا اوتوران لارين ايكىسى-اوچو، هم دە حىطين اورا-
بوراسىندان بىر نەچسەسى دوروب آراز سارى گئدىرلر. نادىر آياغا
قالخىر، دۇنوب رىضانين دىبەدن استكانا آراغ تۆكمەسىنى
گۆرجهيىن، الينى اؤلچوب، باشىنى توولايىب دئىير: «آدە هەلە او
قاشمىر كى!»

رىضا «قوى گۆرىم بى گئجە هاراجان گئدە بىللم!» دئىيب باشىنا
چكىمك ايستەيندە، چۆپ بويون الينى رىضايا سارى آپارارق دئىير:
«رىضا! رىضا! رىضا!»

ریضا ال ساخلایب دئییر: «هه؟»

«نولار بی سالیغ وئر، ایچ!»

نادیر چؤپ بویونا دئییر: «آده اوبا دوریر کؤشمه‌یه، گلین گئدیر سیشمه‌یه، سن ده واخ تاپدونئ دییه‌سن!» ریضا الینده استکانی قالدیریب توی ائوینه ساری اوزاداراق «ایچیرم او گیردکان آغاجیندا سحر-سحر، جوه‌جوه ویران سئرچه‌لرین سالیغینا» دئییب استکانی باشینا چکیر، نادیر چالقچی‌لارین قاباغینداکی کریدده اولان آغاجی ریضایا گؤرسه‌ده‌رک دئییر: «آده او گیرده‌کاندی؟ آرییه دئییر گیرده‌کان!» ریضا گوله-گوله نادیر دئدییه آرییه گؤرسه‌ده‌رک دئییر: «آده بینی دئمیرمئ! دال حیط‌دَرینده‌کین دئیرم.» دئییر: «گؤرمئسن؟» نادیر «یوخ!» دئییب سیرانین آغزینا ساری یثرییه‌رک دئییر: «آده دای گلون داینا، ایندی آراز یوریلیب اویناماغدان دوشر.» ریضا بویونو اوزادیب دووارین دیبینده اوتوران قیز ممی‌نین نوه‌سینه «سن گلمیسن؟» دئییب آیاغا قالخیر، قیز ممی‌نین نوه‌سی باشینی اوسته آتیب یاواش‌جاسینا دئییر:

«یوخ!»

ریضا اونا ساری آییلیب یاواش‌جاسینا دئییر: «بیردن یانوندا پیلون

زادون اولمازها!»

«ساغولی، واریمدی.»

ريضا الينى جىبىنە سالير، بىرى گۆرمەسىن دئىيە اورا-بورا باخىر، سونرا جىيىنىدىن چىخارتىدىغى اسكناس لارىن ايكىسىنى اونا وئريب «گە گئدى، گە!» دئىير. رىضايلا قىز مىنى نۆسە سىندل لرىن آراسىندان سوووشوب، پىللەلرىن حىطە چاتاچاغىندان حىطىن اورتاسىنا، اوينايانا-اوينايانا شاباش وئرن لره سارى گئىندە، بىرىنىن اوجا سسلە «او صابىر بىردا؟» دئمەسى حىط قاپىسىندان قالخىر. تويداكى لار تئز سسە سارى دۇنجه يىن، سارى-قىرمىزى آغ تىشرت گئىنە، الين اؤلچە-اؤلچە «هانى؟ هاردادى او؟» دئىنە، پىللەلردن حىطە ائىنەنى گۆرۈرلر. قىز مىنى نۆسە سى الينى اونون كورەيىنە قويوب «نە اولوب عادىل؟» دئسە دە، عادىل اونا قولاق آسمايىب، اوينانيلان يئره سارى گئدە-گئدە چىغىرىر: «بىردادى او؟» چالقيچى لار چالماقدان دايانىر، آراز اويناماسىنى كسىر، شاباش وئرمەيە گئىن لره دە دۇنوب بونا باخاندا، عىبا ساققال توتوب سرعتلە بونا سارى گلە-گلە دئىير:

«من اؤلىم عادىل!»

«بلندگونان منى چاغىرىدى!»

عىبا «آدە ظارافات ائىلردىيى» دئىيب گولور، عادىل بىردن «آدە اوداهايى!» دئىيب يئىن-يئىن صابىرە سارى گئدىر، «ياللا عادىل» دئىيب يانينى بالاجا قالخىزان ماشى يا الينى اؤلچە-اؤلچە «بە ماشى نىيە قويوردون؟»، گۆزلىرى ات ايچىندە اىتمىشە دە

«گۆزدئیسوز اؤله، گلیب دوراسوز مچیدین قاباغیندا؟» دئییر، تئز اونلاری سوووشوب گئدیر، صندلین اوستونده چنهسی سینهسینه یاپیشان صابیره یئتیشیر، الینی صابیرین چینینه قویوب تریدیر، صابیر گۆزونو آچیب باخاندا دئییر:

«أده به بیردا نیه یاتیسان؟»

هامی سس سیزجه سینه، بیر جینقیلتی دا چیخارتمادان اونلارا باخیرلار، عادیل صابیرین قولتوغوندان یاپیشیب «دو آیغا، دو!» دئییر، صابیر اسنه ییب گۆزونو اوغا-اوغا قالخیر، عادیل جاماعاتا ساری باخیب «گئنه کیم بینا آراغ وئردی؟» دئییر، سونرا دا اوجادان «رحمت!» دئییه رحمتی چاغیریر. بیر بسته بوی جاوان سارماشیقلی دووارین یاخینیندان دورور، ایکی سیرانین آراسیندان سوووشوب دار کئچه جیه چیخیر، سارییا چالان تغلی، آت رنگده کؤینه یی گۆزلره دینده «عادیل سن اؤل، ننه م روحی دایجا من قویمیردیم ایچه، ایناممیشان اوداها باخ رامین نن سوریش!» دئییر، دئییه-دئییه ده الیله بی گیلی گۆرسه دیر. ساغدیز دوروب تله سیک عاديله ساری گلیر، الینی صابیرین چینینه قویوب دئییر: «بی شی اولماز اینشاللا!» عادیل دؤنوب بی گیل اوتوردوق لاری یئر ساری باخیب دئییر: «مهدی به منی نییه چاغیرمامیشدون؟» بی یئریندن دورور، بوینونو آیه-آیه رحمت گیلین، عادیل گیلین یانینا گلیر، عاديله یئتیشیب الینی الینه سورتیه-سورتیه دئییر: «دئدیم زحمته

دوشرسن بىردن!» عادىل اونا آچىقلا باخىب گولومسەيىر، سونرا صابىرىن قولوندان ياپىشىب قاپىيا سارى يولا دوشور، اىكى-اۈچ آددىم گئىدندىن سونرا صابىر بودرەيىر، بالا جا قىچ لارى قاتلانير، عادىل تىز او بىرى اىنى بئلىنە سالير. رحمت سىچرايىب اۈزونو اونلارا يىتتيرىب، اىكى اللى صابىردن ياپىشىر، عىبا اوجادان «قوخمىن! قوخمىن! ھىس زاد اولماز اينشاللا!» دئىيە گلير، يىتتىشجەيىن دە صابىرىن چىيىن لىرىندىن توتوب «اوزادون! اوزادون!.. كورەيى اوستە يوخ! بۇيرو اوستە! بۇيرو اوستە... ھە بئلە! بئلە!» دئىير. اوروف لا شاداي دا بونلارا سارى گليرلر، اوروف صابىر گىلە سارى آيلىندە بۇرکو دوشور، شاداي قاناد چاليب سىلكەلەنن خوروزو بىر اىلىندە توتاراق، آيىلىب او بىرى اىيىلە بۇرکو گۇتوروب اوروفا وئيرىر. تويداكى لارىن چوخو يىرلىرىندىن دوروب ھاي ھاراي سالا-سالا قاباغا ايرەلىلەيندە، عىبا اوجادان دئىير: «باشوزا دۇنىم گلمىن! قادالاروزى آلېم يىغىشمىن بىرا! اوتورون يىروزدە قويون ھاوا گلسين!»

ماشى دئىير:

«عىبا لازىمدىسە زى ويراغ آمىيلانس گلسين؟»

عىبا صابىرىن چىيىنىنى اوغا-اوغا دئىير: «ھە، نىوۋە اىرحمت ماشى! زى وىر، زى وىر گلسين!»

ریضا جاماعاتین ایچیندن «به قویون آراز زَی ویرسین دای» دئییه قاباغا گلیر، آراز تئز ریضایا یاخینلاشیر، یاواشجاسینا دئییر: «من باباما زَی ویرسام به دئمز سن اوردان نه گزیسن؟ سن زَی ویر!» ریضا «به ائوه دئمئب گلیسن؟» دئییب جیبیندن موبایلینی چیخاردیر، آراز دئییر: «ماماما دئمیشم.»

«یاخجی، شماره سین دئن.»

ماشى الینی اونلارا ساری اوزادیب دئییر: «آده ویریسوز یا اؤزیم ویریم؟»

آراز موبایلیندا باباسی نین شماره سینی آختاریر، ریضا «به بابون شماره سین حیفظدن بیلیمسن؟» دئییب یانیندا دوران اوروفا باخیب باشینی توولاییر، اوروف گولومسه ییر، آراز باباسینین شماره سینی دئییر.

«الوو... سلام! آخشامون خئیر آقای قادیری. آقای قادیری بی اورژانسی مریضیمیز وار آمیلانس لازیمدی... آپاراغ درمانگاها... من؟ ریضا...»

قیز ممی نین نوه سییله آراز اوردان یاواش-یاواش دال سیرایا ساری گئدنده، بیری چاغیریر: «موهندیس! آغایی موهندیس!» قیز ممی نین نوه سی سسه ساری دؤنجه یین، بارماغی نین بیرینی قالخیزاراق «بی دِیقا موهندیس!» دئییب سیرانین او باشیندان، سارماشیقلی دووارین یانیندان، اونلارا ساری گلن ایمانی گؤرورلر.

باياق آراز تويا گلنده، ماشينين ايجيندن يئكه باشيلا اوزون قولونو چيخارديب «آراز! ايندى گلسين گؤت وئرن؟» دئين آچيق ماوى كتان كؤينكلي، اؤزونو ايمانى گؤزله ين لره يئتيريب ياواشجاسينا دالدان آرازين قولاغينا «بى شئين وار؟» دئيير، آراز دؤنوب كتان كؤينكلينى گؤرجه يين «بىي! ياللا عمى اوغلى!» دئيه رك آل وئير. عمى اوغلى آرازلا آل وئرندن سونرا الينى اوزايدىب قيز ممي نين نوه سييله گؤروشوب، اونون ائوه سارى باخماسينى، بير-ايكى آدديم دا اويانا گئتمه سيني صابيره گؤره نيگرانلىق سانيب اوجادان دئيير: «آده نيگران اولمايئ! اونا هئس زاد گلمز، اونى من تانيرام.» ايمان يئتيشيب قيز ممي نين نوه سييله گؤروشنده، عمى اوغلو گوله-گوله آراز دئيير: «آده منه باخئ! من ده هله دئيرم به...» دئيير: «ياخجى يئرى گئدى!»

آراز قيز ممي نين نوه سييله ايمانين كئف-احوال ائتمه لرينه باخاراق اوجادان دئيير: «موهنديس بيز گئددوى اورا.» ايمان گئنه ده الينى قالخيزيب بارماغى نين بيرينى گؤرسه ده رك «بى ديقا!» دئييب، آراز عمى اوغلو يلا آخىر سيرايا سارى گئندده، قيز ممي نين نوه سيينه «موهنديس! سننن بى سؤز سوريشاجييام» دئيه رك اورا-بورا باخىر، سونرا اليله حيطين آخىرينى، چارتلاق دووارين يانينى گؤرسه ديب دئيير: «گئدى اودئى باخ اورا، اورا بى آز سايخيندى...» ايمان الينى قيز ممي نين نوه سى نين كوره يينه قويوب گيره جك

پیللہ لہ ساری دار کئچہ جکدن گئدیب اسراییل اوتوردوغو سیرانین
 آغزیندان کئچندہ، اسراییل اوجادان «آدہ سلیمان! گؤزدہ ہا!»
 دئییب ہاہاہای گولور۔ ایمان دؤنوب اسراییل باخیر، «حئیف دای
 موہندیس بیردا!..» دئیہرک قیز ممی نین نوه سینین دالیجا گئدیر۔
 آراز یئریندہ اوتورور، عمی اوغلو دا آرازلا دووارین آراسینداکی
 سندلہ ساری کئچندہ، آراز دئییر: «عمی اوغلی! اورا مہندیسین
 یئردی ہا.» عمی اوغلو اوتورارکن آغاجدان اوپاناکی نئچہ بوش
 سندلی گؤرسہ دیب «نہ چوخ یئر! ہامیسی بوشدی باخ!» دئییر،
 سونرا بوینونو اوزادیب قیز ممی نین نوه سیلہ ایمانین حیطین
 دیبیندہ کی دووارلا سون سیرانین آراسینداکی بوش قالمیش یئرہ
 کئچیب گئتمہ لرینہ باخراق یاواشجاسینا آراز «اؤزی دہ ہلہ
 سلیمانین کی قالدی آلاہا!» دئییب، سلیمانین اورا ساری
 باخماسینی سئزجہ یین گولہرک سلیمانال قاوڑاییر۔ ایمان دؤنوب
 سلیمان باخدیغی یئرہ، ال قاوڑادیغی یئرہ باخیب، سونرا گئنہ تئز
 قیز ممی نین نوه سینہ ساری دؤنوب دئییر:

«موہندیس! بیزیم او یاماژداکی یئرمیزی تانیسان دای!»

«یوخ! باغیشدا تانیمیرام!»

ایمان گولوب سونرا دئییر: «نئینہ یئی بابام! ایستیردیم گؤرم او
 یئردن ائو تیکہ بیلولوی؟ اوستوننن آرخ گئدیر، یاغیش یاغاندا دا
 ہئی آرخ داشیر، یاماژدی دئین آخیر گلیر آشاغا.»

قىز مەن نۆھسى «چوخ باغیشدا ایمان عمى! من عمران مەندىسى دىیرم، کشاورزی مەندىسى یم!» دئیر، تلفونو زنگ چالیر، جیبیندن چىخاردىب «بلى؟ ... ساغول؟... تویدا... سن دە اورداسان؟... كوچه نین آغزیندا؟ به نه گلدون؟...»، ایمانا دا «ایمان عمى چوخ باغیشدا!» دئیر، یئین-یئین گئدیپ پیلله لردن قالخیب چىخیر كوچه یه.

ایمان دار كئچه جیه كئچیب، اوردان دا حیطین یوخارى باشینا، اوتوردوغو سیرایا سارى قایداندا، حیط قاپیسینا سارى گئدن اسراییل لا قاباق-قاباغا گلیر، اسراییل دایانیب یاواشدان «ایمان! به مەندىسنن نه شون واریدی؟» دئیب گولور. ایمان آغیز-بورنونو قیریشدیریب تورشالداراق، دال بادال، آچىقلا ایكى یول «مەندىس! مەندىس!» دئیر، سونرا دا دؤنوب اونون گئدیى یئره سارى الینى اؤلچەرک «آده نه سىكىمین مەندىسىدی؟ قالقان اؤزى^۱ مەندىسىدی، قوی سیه دیرسین!» دئجه یین اسراییل ال لرینى بیر-بیرینه ووروب قاققىلدا ییب گولور، دؤوره ده کی لر گولومسه یه-گولومسه یه دؤنوب اسراییل لا ایمانا باخیرلار. ایمان اؤز یئرینه گئتسین دئیه گئنه ده سامان لا ایرجین، هم ده آچىق یاشیل كۆینکلى نین قاباق لاریندان كئچیر، سولدوز اوجادان «های سامان!

^۱ اؤزى: هسته، مرکز. قالقان اؤزى: قالقان کولو ایله اؤزه یی.

های سامان!« دئیہ چاگیریر، قارا دستہ لی گۆزلوکلو آیاغا قالخیر،
الینی اونا ساری ترپه ده رک اوجادان دئییر:
«نه دئسن؟»

سولدوز الینی آغزینا آپاریب سیگار ایسته دیینی اونا بیلیندیرنده،
سامان الیله دال سیرالاری گۆرسه ده رک «حمیده واری،
حمیده» دئییب دؤنوب نئچه سیرا دالدا اوتوران حمیدی «های
حمید! های حمید!» دئیہ سسله ییر، حمید دئییر: «هه؟» الینده کی
سیگاری آغزینا آپاریب بیر نفس سومورانان سونرا دئییر: «نه
دئسن؟» سامان یئریندن دوروب دار کئچه جیه کئچیر، ایرج
استکانی قالخیزیب اوجادان سسله ییر:
«های پرویز!»

سولدوز بونا ساری باخیب الیله باشینی ترپه دیر، ایرج «آده ظالم
اوغلی آراغ ایچی، آراغ!» دئییب استکانی باشینا چکیر. سامان اورا
یغیلان لارا، صابیرین باشینا توپلاشان لارا سورتوشه-سورتوشه بیر-
ایکی سیرانی سوووشور، آیاق اوسته دوروب بیریندن یاواشجاسینا
«به قومارو قالمییا جاحسان؟» سوروشان ماپانانین یانیندان کئچنده
بیر دایانیر، ماپانین یئکه، اتلی باشینین بؤیرونون بایاق بابکین
دالیجا زئرزمیدن چیخان لارین بنفش کراواتلی، باشی قیرخیغین
گۆرور، ماپان گئنه ده قیرخیق باشا «نه دئسن؟ وارسان؟» دئینده،
بنفش کراواتلی، قاش-گۆز ایله سیرانین آغزیندا اوتوران بابکی

گۆرسە دىب، آغزىنى ماپانين قولاغىنا ياخىنلاش دىر اراق چوخ ياواش دان «بئناوا، قويمىر كى، دئر خىدمتى قوتارانان سورا» دئىب گولندە سامان ماپانا بارماق ائله يىر، ماپان تئز دؤنوب اليندە كى تسبئحله اونو وورماق ايستە يندە، گولە-گولە حميدە سارى قاقچىر. يىكى-اوج سىرانين يانيندان كئچىر، حميدە يئتىشىب ياواش جاسينا سوروشور: «بى شئين وار؟» سونرا دا باشيىلا قاباغى گۆرسە دەر ك دئىير: «پرويز ايستئرى.» حميد گۆز آلتى يان-يؤره سينه، بيرىر لىله خيسين-خيسين دانىشان مَحى يله ميئمه باخا-باخا آيلىر، جوراينا قويدوغو سيگار پاكاتىنى چىخاردىر، ايچىندن بير گيله گۆتوروب سامانا وئرىر. سامان يئىين-يئىين آدام لارين آراسىندان قاباغا گلير، چارتلاق دووارا سارىكى سىرالارين يىكى-اوجونون برى باشىندا اوتوران لارى هاهاهاى گولور، ماشى دا صابىرين دؤوره سيندە كى لرىنين آراسىندان دؤنوب اونلارا باخىب، اونلارا ياخىنلاش اراق «بالا چوخ گولمئنى، گولدانوز آتار!» دئىندە سيگارى سولدوزا وئرىر، سولدوز داماغىنا قويوب دئىير:

«ياندىر!»

سامان فَنده يى جىيىندن چىخاردىب ياندىرير، بىين چىيىنىنى سيخىب قايىدىر. سولدوز يىكى-اوج يول دال بادالا اوركدن سيگارى سومورور، بى اورا-بورا بويلانىر، اؤزو-اؤزوويله دانىشار كىمى سولدوزلا ساغدىزا «باخون گؤرون بابامى گؤرمىسوز؟» دئىير.

سولدوز، باشینی اورکدن سوردوغو سیگارلا قال ائله دیینه گۆره،
 بیین دئیینی ائشیتمه سه ده، ساغدیز اورا-بورا باخاندان سونرا بیر
 یئری الیلله گۆرسه دیب دئییر: «اوداها باخ! اوداها» بی «هه! اویانا
 باخیر!»، سولدوزا دا «اونو منه! من ده بی-ایکی نفس ویریم» دئییب
 سیگاری سولدوزدان آلیب داماغینا قویوب سومورور، ائله نفسین
 ایچری وئرجه یین، تئز آغزیندان چکیب یئره آتیر، سولدوزا باخا-
 باخا یاواشجاسینا «آده به دئیردون ترگیدمیشم آخی!» دئییر، دئییه-
 دئییه ده دابانینی یئره آتدیغی سیگارین اوستونه باسیر. ایرج گئنه
 ده الینده کی استکانی قالدیر اراق اوجادان «های پرویز! های پرویز!»
 دئییب چاغیریر، سولدوز ایرجه ساری باخیب یاواشجاسینا باشینی
 سیلکه لیبیر، ایرج «آده آراغ ایچی! آراغ قشیدی!» دئییب استکانی
 باشینا چکیب، عیبا اوجادان دئییر:

«به بالا ریضا! او آمبیلانس هاردا قالدی؟»

ریضا دؤنوب عیبایا ساری، «عیبا عمی ایندی بی ده زی ویریم!»
 دئییب موبایلینی جیبیندن گۆتورور، ماشی یانیندا کی لارا «هله
 ماحمید دورا، توالئته کئچه، سورا گله بیرنین سیله، آینان قاباغیندا
 باشین دارییا، هئچ اولماسا بی یاریم ساهات چکر» دئییر، اونلار
 گولورلر، سونرا اوجادان «ریضا؟» دئییب ریضانی چاغیریر. ریضا
 موبایل قولاغیندا آرازین آتاسینین جاوابینی گۆزله یه رک ماشی یا
 باخیر، ماشی دئییر: «به دئنن آراز زی ویرسین دای!»

آراز اۋز سىندىلى نىن آلتىنا، رىضانىن سىندىلى نىن آلتىنا، او بۇير بو بۇيرونه، سونرا دا شالوارىنىن جىبىندىن چىخارتدىغى آغوش دستمالا فىنخىران عمى اوغلونون سىندىلىنىن دستەسىنە الينى قويوب آزا قالخىب آرخالارىنداكى دووارىن دىيىنە زادا باخىب اوتورا-اوتورا دئىير: «دئىيە سن بىجىدىب لارا!» عمى اوغلو بىراز يانينى قالخىزىب دستمالينى جىبىنە قويور، باشينى ترپە دەرك «آدە! بىجىدىب لار يانى نه؟» دئىيب سونرا اليله يان-يۇرنى گۇرسەدىب «آدە دو دۇورە-برە عمللى باخى!» دئىندە، زىرزمىدە ساقى نىن يانيندا اوتوران فرزاد، گولە-گولە «عمى اوغلى نه يامان ال-ايغو اۋلچىسنى؟» دئىيە آراز گىلە سارى گلير، آرازىن بۇيرونە كى آغاجىن بو تايىندا، اوچ-دۇرد بوش سىندىلن آغا جا ياپىشانىندا، باياق رىضا اوتوردوغو يىردە اوتورماق ايستەيىر، اوتورمامىشدىن دا سۇيكەنە جەيىندىن آسلانان كوتا الينى چكەرك آرازدان «رىضانىن يىرىدىيى، هە؟» دئىيە سوروشور، آرازىن «هە!» دئىمەسىنى گۇزلە مەدن اوتورور، اوتورجاغىن دا باشينى آراز سارى گىتيرىب گولە-گولە دئىير:

«يامان اوردادى ها!»

آراز گولە-گولە دئىير: «هە! گۇردىم.»

«افشىن اوينىياندا دا هئى افشىنە باخىردى. ايرحىم نىن دە آتدان-آتدان دانىشىردى.»

آراز سوروشور: «نه ایرحیم؟»

«آده! ایرحیم داینا! او یئکه آلا گۆز کیشی، همایونون باباسی...»
 آراز «هه! هه!» دئییر، فرزاد الینی آرازین اوزونه ساری توتاراق «باخ
 بی عینی سنه یاراشیر آراز! قاباغکی چوخ گوبیدیدی، هئله عینی
 اوداها باخ...» دئییب دار کئچه جیه الینی اوزاداراق «... ممد کیمی
 کلم-کوئیر آداملارا یاراشار!» دئییر، سونرا نئچه فیش چالیر،
 قاباقداکی سیراداکی لارین بعضیسی، دار کئچه جکده اولان
 آداملارین دا ایکی-اوچو دؤنوب دالییا باخیرلار، فرزاد اوجادان
 سسله ییب دئییر:

«های ممد!»

باشینی اوزادیب دئییه سن جلال لا دانیشان بیر کرم رنگینه بنزر
 کؤینکلی دؤنوب بونلارا ساری باخیب ال قاوزایاراق «گلیم!» دئییر،
 گئنه یئکه باشینی جلال لا قولام اوتوران یئره ساری اوزادیر. فرزاد
 آراز ساری دؤنوب «هلبت جلال گیلدن سوریشیر زئرمیده نولدی؟
 کیم ویردی؟ گونه کیمدئیدی؟» دئییب، سونرا دؤنوب ممد ساری
 ال قاوزایاراق اوجادان دئییر: «ممد! آده گه بیرایی!» ممد جلال
 گیلدن آیریلیب گولومسه یرک بونلارا ساری گلنده، گئنه فرزاد
 دئییر: «آده! نئینیسن آخی؟ سنه هئی دئرم بی پوخ پلیسی
 کیتابلاردان آز اوخی!» ممد گوله-گوله گلیب بونلارین سیراسینا

کئچنده، قیسا توکلو گوده ده فرزادین سۆزونه گولومسه یرک سوروشور: «ممد! نه جور اولدی؟»
 ممد الینی اونون چینینه قویوب دئییر: «صاییری دئیسن؟»
 «هه داینا!»

ممد دئییر: «بئناوا، بدن نئینه سین!» سونرا الینی دیزلری هاوادا ائندیره رک «من بئله اوشاغیدیم، ائله بی اورد-بیردا ایچیب کئفله نردی» دئییب فرزاد گیله ساری گلیر، فرزاد «آده ائله سن ایندی ده خیردا اوشاغسان داینا. فقط کؤکه لیب، یئکه لیبسن» دئییب گوله رک الینی ال وئرمه یه ممد ساری اوزادیر، ممد گوله-گوله فرزادلا، آرازلا ال وئرهرک «هله های هایدا دا اوریف عاديله دئیر اونی ائولندیرونئی، ائولندیرسۆز جوررانارا!» دئییب گوله-گوله فرزادین یانیندا اوتورور، فرزاد دئییر:

«آده عادیل دونه نین اوشاغی گلیب اونی ائولندیره جی؟»
 نادیر دؤنوب دئییر:

«اوشاغلیغین نئینیسن! بیرداکی آدام لارین هامیسین چایا سوسیز آپاریب سوسیز گتیرر.»

عمی اوغلو «ممد!» دئییب ممدی چاغیریر، ممد دؤنوب باخجاغین دا دئییر: «دای بیزی سایمیسان!» ممد «وای باغیشدا گۆرمه دیم!» دئیهرک قالخیر، الینی اوزادیب عمی اوغلو ایله ال وئرهرک «عمی اوغلی، او گون ده سنن بتر شرمنده اولدیم ها! آغام جانی

ایشیم واریدی دئیین^۱ ساخلییا بیلمه دیم» دئییر، قایدیب یئرینده اوتورور. عمی اوغلو «نئیننی بالا! عیبی زادی یوخدی...» دئییه اوزاتدیغی الینی آرازدان، آغاجدان سوووشدورب، فرزادین صندلی نین دسته سینه قویوب، یاواشجاسینا «...منیم ده بی ایریده دمه ییم اولسئیدی ساخلاردون!» دئییر، یانینداکی لار هاهاهای گولورلر. فرزاد هیریلدایا-هیریلدایا باشینی اوزادیب «به سنون بیرنوا کئچیردیم سنی نئینیر؟» دئییب گئنه گولور، یانینداکی لار، هم ده قاباق لارینداکی سیرادا اوتوران لار ائشیدیرلر، چؤپ بویون «آی سنی فرزادا!» دئییر، نادیر ده هاهاهای ائدیب الینی الینه وورور، دؤنوب بونلارا باخا-باخا دا گؤزونون یاشینی سیلیر، ممد دؤنوب دالینا باخان آرازی سسله ییب دئییر:

«آراز!»

آراز دؤنوب دالینا باخاراق یاواشجاسینا دا «گوره سن ریضا بی ییره قویمئب؟» دئییه میزیلداییر، ممدین سسله مه سینی ائشیتمه دییینه گوره، ممد بیر ده، بیراز دا اوجادان چاغیریر:

«آراز!»

آراز تئز دؤنوب آغاجین او تایننا ساری باخیب دئییر: «بلی!» ممد «ریضیا دئنن گه اوتی دایننا!» دئییب، الینی ده ریضا گیل توپالاشدیغی ییره ساری اوزاداراق دئییر: «بئناوا هاچاندی ائله

^۱ دئیین: دئییه.

دوريب اوردا. «فرزاد «گۆزدئيبير صابير اؤله، باشين كسهي!» دئيبير،
دؤوره ده كي لر گولور، بيري اوجادان دئيبير:
«آمبيلانس گلدى!»

گولوب قاققىلدايان لار، حيطده آرالىقدا اولان لار كيمي قاپييا
باخيرلار، برانكاردا الينده، پىلله لردن حيطه ائنيب تئز-تئز صابير
گيله سارى يئرييه نين قولاق لارينين اوستويله بوينونون داليني
قىرخدير ماسينا فيكىر وئرمه ييب گؤرمه سه لر ده، اونون گؤزلره
چارپان آغ-آپ آغ ايشيلدايان تيشرتيني حتمن گؤررلر. صابيري
برانكاردين اوستونه قويوب قالخيزيرلار، عيبا «باشوزا دؤنيم گؤزدئىن!
... ريبضا گؤزو يئيم بى آز آلو آشاغى يئنديرا!» دئيب گؤزلريني
قييب، ال-اياغيني اورا-بورا اؤلچنده، ريبضا قاباكي، رحمت ده
دالداكي دسته لريندن ياپيشديق لارى برانكاردى صندل لرينده
اوتوران لارين، صابيره باخان لارين، حالى اولمادان گؤزلريني يومان
صابيره، آغيز-بورنونو بوزوشدورن صابيره باخان لارين آراسيندان،
دار كئچه جكدن كئچيرديب آپايرلار. فرزاد گوله رك ممدين
قولاغينا بير سؤز پيچيلداييب ممدى گولدورندن سونرا باشيني
آغاجين بو تايينا اوزا ديب، آرازين دا قولاغينا پيچيلداييب آرازلا
گولوشنده، عمى اوغلو بونلارا باخيب گولومسه يرك اليني
سيلكه له ييب سوروشور: «نه يه گوليسوز؟»

آمبولانس اووولدایا-اووولدایا حیط قاپیسیندان اوزاقلاشیر، یئنی یئتمه لرله اسراییل، جابیرله عیبا، اونلاردان سونرا دا ریضایلا رحمت، هم ده برانکاردین یانیندا کوچه یه چیخان او ایکی-اوچ آدام، حیطه قایدیرلار. عیبا پیلله لردن ائنه-ائنه جابیرین «قوساننان سورا بیلر جیبی نین باشینا نه اوین گلدی بی گئجه!» دئمه سینه، «جابیر، سن ده بتر پیلاکیسانها!» دئیهرک جاواب وئریب الینی ده جابیرین کوره یینه وورور، آییلیب یئنی یئتمه لرین قیرمیزی تیشرتلی سینه ده یاواشجاسینا دئییر: «سعید! بابووا دئیب گلیسن؟»

ریضا پیلله لردن حیطه ائیر، دؤنوب یئرینه ساری گله-گله ده نئچه آداملا دانیشیب شوخلو قلاشیر، بیرینه «اصلن قورخیب ائله مون، اونا هئش زاد گلمز!»، بیرینین ده چینینه الینی قویوب «سنه ده قیسمت!» دئییر، اونا ساری دؤنوب شیتله نه رک باخان ممدله فرزادا ال قاوزاییب آغیز-بورنونو قیریشدیریر، ممد یانینی قاوزاییب آیاغا قالخماق ایسته ینده «اوتی آده! اوتی یئرونده!» دئییب، تئز یئتیریب الینی ممدین چینینه قویوب اوتورداریق الینی فرزادا ساری دا اوزادیب «یاللا!» دئییب گؤروشور، الیله باشی نین توک لرینی بؤیره هامارلاییب تومارلایاریق ممدین یانیندا کی بوش صندلده اوتورور. حجت گئنه ده «گؤیده بیر اولدوز وار...» ی باشلاییب اوخویور، بیر «یاددان چیخیب قالانی» شاباش وئرمه یه چاغیراندا، فرزاد آغزینی

یایب، یاناق لارینی شیشیردیب، گۆزلرینی قییارکن، الینی اوخویانا ساری توتارکن «یالانسا طالیبین سیکی او گۆتی یوغین آروادووا!» دئییر، یانینداکی لار گولوشورلر، ممد گوله-گوله دئییر: «آده هله حجت ائولنمئب کی!»

فرزاد دئییر: «به اوؤن بیرین یانیندا گزديريردی آخی!»
«اولی کی باجیسیمیش!»

عمی اوغلو یاواشجاسینا آراز «بلکه ریضا بی یئرہ قویب!»، آراز دا او جادان «ریضا! آراغی بی یئرہ قویبسان؟» دئییب سوروشور. ریضا آراز باخیب، گۆزلرینی یوموب باشینی بوللایارق دئییر: «آده باخی!»

«نه ققده گزديم تاپماديم!»

ریضا ممدله فرزادین، سونرا آرازلا عمی اوغلونون قاباق لاریندان چتینلیکله سوووشور، کردی نین او تایننا، حیطین سونونداکی ایکی دووارین بوجاغینا ساری گئدیر، بایاق آراز توپا گلنده آراغ ایچن لرین، خیارلا پامادور دیشله یین لرین ایندی بوش قالمیش یئرلریندن، گول کولونون دیبیندن دبهنی چیخاردیب گوله-گوله گتیرنده، بلندگودان بیرنین «آلچا گۆزوننن گلسین!» دئمہ سی او جالیر.

ریضا دبہ الینده دوروب گولومسہ یرک ائوین قاباغینا ساری باخیر، عیبا زئرزمیدن چیخیر، «آده سنہ کیم دئدی اونی گۆتیره سن

آخی؟» دئیهرک تلهسیک جابیره ساری گلیر. جابیر عیبانی گۆرجه بین میکروفونو یئره قویوب گۆتونه دؤیه-دؤیه، نارینج بویالی کراواتی بویوندا بوللانا-بوللانا قاجیب دار کئچه جیه کئچیر، ریضا گوله-گوله دئییر: «آراز!»

«بلی؟»

«جابیره سن دئدون؟»

آراز گوله-گوله دئییر: «یوخی!»

ریضا گتیریب دبهنی آراز وئریر، سونرا کئچیب یئرینده اوتورور، بیردن عیبانین «جفر بوییر ایچری!» دئمه سی بلندگودان ائشیدیلنده ریضا اولده دیکسینیب گۆزلری حیرانلیقدان آغاریر، سونرا الینی الینه چیرپیپ گوله-گوله آراز باخیر، آراز دا گولمکدن ایچینی چکه رک جعفری گۆرمه یه یئریندن قالخیر، ریضایلا بیرلیکده حیط قاپیسینا ساری باخیر، عیبا «جفر به گه ایچری داینا! گه بیرا! شیرنی پایوو ساخلامیشام» دئییر، بونلار دا لاپ اوجادان گولورلر. جعفر اون-اون بئش گون قیرخیلمامیش، دن دوشموش ساققالینی قاشییاراق اورا-بورا باخیب پیلله لردن ائنیب اوینانیلان یئره ساری گلیر، عیبا گوله-گوله ال چالیر، عیبا ال چالاندا، تویداکی لار دا ال چالیب، بعضی لری ده فیش چالیرلار. ریضا «اورا باخ! اورا باخ!» دئییب آیاغا قالخیر، عیبانین قاجیب چالقچی لارین یانینداکی بوش صندلی گۆتورمه سینه، تلهسیک چیراغی

سۇندورولموش اوتاغىن قاباغىنداكى كىرىدىن حىطە سارىكى قىراغىنا، اۋزۇ اوتوردوغۇ سىندلىن يانىنا قويۇپ جىغىرى اوتورتىمىسىنا باخىب، باشىنى آراز سارى اوزادىب دىيىر:

«كۆپۈيۈن قورخىسى!»

آراز گولۇب گىنە دە ايچىنى چكىر، فرزاد بوينونو اوزادىب رىضادان سوروشور: «نولىيى؟» رىضا باشىنى اوستە آتاراق «يۇخى! دىمەلى دىير» دىيىب گىنە دە يانىنداكى لارا عىبانىن جىغىرە شىرىن-شىرىن دانىشماسىنى، جىغىرىن دە شىرىنىنى آغزىنا تىمەسىنى گۆرسەدىر، «باخ! باخ! جىغىرە باخ!» دىيىب اىنى دىزىنە وورۇپ دۇورە دە كىلرە بىرلىك دە گولۇر، گولە-گولە دە آراز سارى باخىب دىيىر:

«كۆپۈيۈن قورخىسى!»

فرزاد گىنە دە رىضايى «آدە نولار؟ دىنن دىنا!» دىيىر، ممد دە فرزادا دىيىر: «آدە ھلبت دىمەلى دىير دىنا!» فرزاد ممدە باخىب يوموروغونو آپارىب قولاغىنىن دىبىنە ياپىشدىرىب دىيىر: «آدە! قوبارام آلاھلىغىووا ھا! آز دانىش.» ممد ھاھاھى گولۇر، رىضا دا گولە-گولە اىللە آرازى گۆرسەدىب دىيىر: «آرازدان سورىش دىسىن باخ!» قىز مىنىن نەسى گىنە دە باياق گلىدىكى كىمى، كىرىدى اىلە سىندللىرىن آراسىلا گلىر، آراز بىر-اىكى يول اىنى ساچىنا چكىب، بونلارا باخىب دىيىر: «عايىدىيى!» فرزاد اىنى آراز اۋلچە-اۋلچە «آدە سۇزو دىننى!» دىيىب «عايىدى! عايىدى!» دىيە

ده آرازی یانسلیاییر. قیز ممی نین نوهسی بیر الینی آغاچا، بیرینی ده آرازین چیینینه قویور، آراز دؤنوب قیز ممی نین نوهسینی گۆرجهیین، ال-آیاغینی ایتیریب «...چوخ دئدیم بیرا موهندیسین یئریدیئی...» دئییب سونرا عمی اوغونو گۆرسه ده رک دئییر: «...آنجاغ عمی اوغلی قولاغ آسمادی.» فرزاد الینی آرازا ساری اوزادیب «آده آراز!» دئییب چاگیریر، آراز دؤنرکن باشینی دا آغاجین دالیندان قاباغا گتیریب فرزادا باخجین فرزاد دئییر: «آده! قیز ممی نین نوهسین زادین اؤتیرئ! بیرا باخ بی!» قیز ممی نین نوهسی فرزادا ساری جوموب یوموروغونو اونون باشینین اوستونده ساخلااییر، فرزاد «آده گوپین کیمی یومیرغو چیرپارسان تپه مه، گۆزدریم دوشر اوجیمایی! الوو چک اینه!» دئییر، سونرا اوجادان گولور، گوله-گوله ده یئریندن قالخیب دالیندا دوران قیز ممی نین نوهسینین بوینونو قوجاقلاییب اوچ یول اوزوندن اؤپور، اوتورانندان سونرا آرازا دئییر: «هه! نه جور اولدی؟»

آراز دئییر: «دئییم؟» دئییر: «عیبادان عایبیدیئی!» قیز ممی نین نوهسی پیلله لردن قالخیب کوچه یه چیخیر، فرزاد «آده! اؤتیرئ اولاری! عیبانین بابالین قوی ممدین بی قارا هیسدی بوینینا...» دئییب الینی ممدین بوینونا شاپالاق سالماغا قاوزایاراق «دئن!» دئینده، ممد تئز بوینونو قیساراق فرزادین الینی توتوب بورور، فرزاد «آده! بوشدا! بوشدا!» دئییر. ممد قولاق آسماییب ال-

قول بورماسىنى داواملادير، فرزاد زىققىلدايا-زىققىلدايا دئىير: «سنى مامون جانى، ممد!» آراز «ممد بوشدا دئىيم! بوشدا!» دئىير، ممد بوشلايىر، گولە-گولە دە الينى فرزادا اۋلچەرك «آدە! من ماما زاد دئىيرم ها!» سونرا دا فرزادى يانسىلاياراق دئىير: «سنى مامون جانى! سنى مامون جانى!» فرزاد دئىير: «هەي، بىلىرم. سىز قارداشديغا هاموز آنا دئىسوز.» رىضا دئىير: «ياخجى داي! ساكيت اولون گۆرون آراز سىزه نە دىيەجى!»

آراز دئىير: «دئىيم؟»

فرزاد الينى آراز سارى اوزادىب دئىير:

«آدە داي دئىن دايىنا، سىهدون-چۆيوردون بىزى!»

آراز الينى آغزىنا توتوب بالا جا اۋسكورور، ساچىنى تومارلايىر، بارماقىيلا گۆزلويونو بورنونون اوستوندن قاش لارىنا سارى قاوزايىب، دۆنوب بىر عمى اوغلويا باخاراق الينى اونون دىزىنە قويور، سونرا فرزاد گىلە سارى باخىب «بى گون جفر عىبا گىلىن باغىنىن يانىنداكى يئرلرىندە مال اوتارىرمىش...» دئىيب سۆزونون دالينى توتماق ايستەيندە، رىضا اوشاق لار ناغىل دئىندە ال لرىنى اورا-بورا آپاردىق لارى كىمى الينى اورا-بورا آپارىب «بىرى وارىمىش، بىرى يوخىمىش ...» دئىير، دۆورە دەكى لر گولور، آراز دئىير: «بە نجور

دئىيم؟»

«منە نجور دئىون؟»

آراز بیر ده باشلایب «هه، جفر مال اوتاریرمیش...» دئییر، ریضا آرازین سؤزونو کسیب «آده قشّی دئنن داینا، هاردا مال اوتاریرمیش؟» دئجه یین، فرزاد دؤنوب ریضایا ساری الینی اؤلچوب «آده دی لال اول، قوی دئسین داینا!» سونرا اوزونو آرازا توتوب «آراز باخ! نجور کئفون ایستئر، اوجور دئنن!» سونرا دا الیله ریضانی گؤرسه ده رک «بئلنچی گؤر-گؤت وئرهنین ده سؤزینه زادینا باخما!» دئییب گوله-گوله ریضانین اوزونو چیمدیکله ییر. آراز بیر ده باشلایب «هه! عیبا گیلین باغینین یانیندا مال اوتاریرمیش...»، سونرا اوزونو فرزادا ساری توتوب «تانیشان او یئرلرین؟»، دؤنوب عمی اوغلو یا دا «هین! تانیشان؟» دئییب سوروشور، فرزاد دئییر: «آده تانیرامی دئنن، قارا داشدی دادی...» آراز سؤزونون دالینی توتوب «... هه! اوردا مال اوتاریرمیش، بی هوشدانیب، سورا آییلیب گؤروب بوز ائششهی یوخدی! اورا بوز ائششهی، بیرا بوز ائششهی، گل ها گل ...» دئجه یین فرزاد ممدہ ساری دؤنوب «وای دده وای... گه گؤر عیبا گیلین باغیندا اولاجاغ آ!» دئییب سونرا آرازا باخراق سوروشور:

«هه؟»

«هه!»

فرزاد هاهاهای گوله رک الینی دیزینه چیرپیر، گاهدان دا «وای دده وای...» دئییر، چؤپ بویون دؤنوب الیله فرزادی گؤرسه ده رک

دئییر: «مین دغه دئمیشم بئلنچی اوشاغ-موشاغا آراغ وئرمئن!» نادیر «آده سفئی اولمایئ! آراغ آدمی بئله گولدیرمز، اولی کی آیری شئیدی!» دئییب گولور. ریضا بیردن آیاغا قالخیب «آده جفره باخون! جفره!» دئییب اییله ده جعفری گوژسه دیر، جعفر شیرنی نین بیر آیریسینی دا آغزینا تییب، اوستوندن قارا نوشابه نی باشینا چکیر، آرازین تلفونو زنگ چالیر.

آراز «...گلیم! گلیم!» دئییب آیاغا قالخیر، آغاجی، فرزادی، ممدی سوووشوب ریضایا یئتیشنده، ریضا گوژ وورراق سوروشور: «هارادی؟» آراز «گلیرم» دئییب گئدیب دار کئچه جیه کئچیر، اوردان دا پیلله لردن قالخیب چیخیر کوچه یه. حجتین «سونا بولبول لر» اوخوماسی کوچه یه یاییلاندا، قاپی لارین بیریندن بیر آغ چادرالی قوجا آرواد باشینی چیخاردیب توی ائوینه ساری باخاندا، آراز کوچه نین آغزیندا دوروب بونو گوژله ینه، گوژجه یین ده بونا ساری گلن قیز ممی نین نوه سینه دوغرو گئدیر، بیر-بیرینه یئتیشیرلر، آراز گولومسه یرک دئییر: «خیدمتیندیم مهندیس!» قیز ممی نین نوه سی دینمیر، یئره باخیر.

«نولیب؟ بی شئی اولیب؟»

قیز ممی نین نوه سی دئییر: «احمد گلیب اوتیریپ اوردان؟»

«هانسی احمد؟ سیزون احمد؟»

قیز ممی نین نوه سی «هه!» دئییب آرازین بونونو قوجاقلاییر،
دولوخسانیب بورنونو چکه-چکه دئییر: «دالیمجا گلیب بیرا، پیل
ایستئییر.» آغلیا-آغلیا دئییر: «منیم ده یوخیمدی!»

آراز جیبیندن پول چیخاردیر، اسکناس لارین ایکسینی قیز
ممی نین نوه سینه وئریر، بیرین ده اونا گؤرسه دیب گولومسه یرک
«بی دا منیم» دئییب جیبینه قویور، دؤنوب توی ائوینه ساری گلیر،
گله-گله ده دئییر: «وئر، گه تويا! هله آراغین چوخی قالیر.» بیری
اینجه بیر سسله «دئدیم بیر بوسه وئر! بیر بوسه وئر! خانیم
آماندی!» نی اوخویوب دالیجا دا «دئدی وئرمه رم! دئدی وئرمه رم!
سیش دده مین آغزینا وئرمه رم...» دئییر، توداکی لارین گولمک
های قاوزانیر، آراز دا گوله-گوله، یئیین-یئیین قاپیا ساری
یئرئیر، بیرینین «آروادینا ایتله دیم...» سؤیوشله مه سینی
ائشیدنده، باشینی قاوزاییب یانیندان کئچدی بی ائوین ایکینجی
قاتینا باخیر، «...منیم اوستیراغیمی عاییب بیلیر، اؤزی گئجه نین
بی وده سی آغزینان سیچیر!» دئمه سینه گولومسه یرک الینی
قاوزاییب «کریم عمی سلام!» دئییر، کریم قولونو قالخیزیب
ساعاتینا باخا-باخا دئییر: «گؤریسن دای بیزیم شبئه مییزی؟»
آراز دئییر: «بلی، دوز بو یروسوز! گری بیلندگوا بئئله خود
وئرمیه لر. منیم بابام دا ائله سیزون کیمی بی سس گلدی یاتا
بیلیمیر، دئیر یوخیم دوشدی باشیما!»

«بابون كىمدى سنون؟»

«ماحمىدىن اوغلىيام، ماحمىد قادىرى.»

«او اينە ويران ماحمىد؟»

آراز گولومسە يرك دئىير: «بلى، اينە دە ويرير.» كريم «گالا سنە بى
 آلما وئريم!» دئەرك آراز بىر قىرمىزى آلما آتير، آراز آلمانى توتوب
 «بەبە! چوخ ساغولاسان كريم عمى. ايجازونن من گئديم تويا»
 دئىيب توى ائوينە سارى گئدير، قاپيدان ايجرى كئچندە عىبا
 «دونن بىزىم بى جفرە...» دئەرك اليبە جعفرى گۇرسە دىب
 «...يامان بى ايش راس گلىبى!» دئىير، سونرا جعفرە سارى بىر-
 ايكى آدديم آتير، جاماعاتا سارى باخىب الينى اونلارا سارى
 اوزادارق دئىير: «بى ال چالون گلسين اۋزى دئسين!» جاماعات ال
 چالير، بعضى لرى دە ھاى ھاى سالىب فيش چاليرلار. جعفر يئره
 قويماق ايستە دىيى نوسابە بطرى سىنين دىيىندە بىرازجا
 قالماسىنى گۇرجه يىن، بطرىنى بىر دە قالخىزىب باشىنا چكىر،
 گئنە دە جاماعات گولور، بوشالتدىغى بطرىنى يئره قويوب آياغا
 قالخىر، اوستونو چىرپاراق عىبايا سارى گلير. جعفر يئتيشجە يىن
 عىبا الينى جعفرىن كورە يىنە قويوب، ميكروفونو دا جعفرىن آغزىنا
 سارى توتوب دئىير: «جفر ددم قوربان دئ!» جعفرىن عىبايا باخاراق
 «بئش-اون گون بيننان قاباق...» دئمەسى بلندگودان اوجالجاغىن
 جاماعاتىن ايجىندن بىرى چىغىرير:

«جفر آدین دئمه ها!»

«آدین دئمه سم اولماز آخی!»

جاماعات گولوب ال چالیب، بعضی لری ده فیش چالیرلار. جعفر سؤزونون دالینی توتوب «هه، حاجی سونا منی چاغیردی...» دئییب هامی گولوب قاققیلداياندا، چؤپ بویون گیلین قاباق لارینداکی اوزون خطباشیلی «آده! به سنه دئمه دیم آدین دئمه؟» دئیه رک یئریندن دورور، ایکی سیرانین آراسیندان دار کئچه جیه چیخیر، اوردان دا یئیین-یئیین ماشی گیلین سیراسینین یانیندان کئچیب جعفره ساری گئندنه، ماشی تئز یئریندن قالخیب الینی کرم رنگه کؤینکلی نین چیینینه قویوب دئیر:

«زینی نئینه یی!»

جعفرین بلندگودان «آده ماشی بوشدایئ...» دئمه سی قاوزانجاغین، عیبا تئز الینی اوزادیر، «...قوی گل سین گؤریم...» دئینده میکروفونو الیندن آلیر، جاماعاتین دا ال چالماسی، فیشدیراقلاییب های هارای سالماسی اوجالیر دئیه، «... نه پوخ یییه جی، قوی یئسین!» ی هئچ یاخجی ائشیدیلیمیر. بیردن بیری اوجادان «آده زینی، دینده نولار؟..» دئیر، تویداکی لار سس چیخان یئره، گیلان آغاجینا ساری باخیرلار، «قحبه لییننن دئمییه جی، جیندالیغیننن دئمییه جی» ده دئینده جاماعات گولور، بعضی لری فیش چالیر، فرزاد دا دال سیرادان آیاغا قالخیر، «ساغول جابیر!» دئییب

قاقاناقلايىب كئچير. جابير زىنى يە سارى گلير، يئتيشجە يىن اوچ
 اۋپوش زىنى نىن او اوز بو اوزوندىن گۆتورور، آشيق مى نىن
 قوالى نىن دا خوشاگلىم دىنغادا-دىنغى گۆزلىنى يومان قارا
 ساققالىن سىنەسىنە باسدىغى قارمانى نىن سسىنە قوشولاندا،
 جاماعات ال چالىر. عىبا تئز اۋزونو اونلارا يئتيرير، الينى زىنى نىن
 بئلىنە قويوب ياواشجاسىنا بير سۆز دئير، ماشى يا دا دئير: «ماشى
 بوير داينا!» ماشى «باشووا دۇنىم من ميتىلىمە ايشمىشم!» دئيب
 يئرئىندە اوتورور. عىبا زىنى لە حىطين يوخارى باشىنا سارى يولا
 دوشور، ايكى-اوچ سىرانى سوووشاندا، بير اوزو اتلى كئچل، «تئز
 اول سىماورە دوز تۆك!» دئيب اوجادان گولور، عىبا ھاهەھاه
 ائلە يەرك دئير:

«منوچەر! بىي سەنە اورە يىمىن باشى قوربان! بە سەن بىغدان
 بىردئىمىشسان؟»

اوزو اتلى كئچل «يوخى، ائلە ايندى لردە گلدىم» دئيرەك يئرئىندىن
 قالخىر، ال وئرب اۋپوشور، يئكە قارنىنى عىبا يا ياپىشدىرارق
 قوجاقلشىر، سونرا دا عىبانىن باشىنا باخىب دئير: «ئە سەن دە
 منىم كىمى باشى زادى تۆكىسەن آ!» عىبا الينى منوچەرىن باشىنا
 چكىب «سەن اۋزو مەنە قاتما بالا! ھەلە اون ايل زاد چكر گلىب مەن
 اولاسان» دئيرەك ھاهەھاه گولور. جابير اوجادان «آغا منوش،

دوستووا دئىن منى ده آپارا! دئىنده هامى اوجادان گولور، اسراييل دا چيغيريب دئيبير:

«آيه دئىن منى ده يى! منى ده!»

عيبا دؤنوب «نئىنى داي گلوز، ايكوز ده گلوز!» دئيب گوله-گوله الينى جابيره سارى قاوزاييب اوستده ساخلا ياراق منوچهره دئيبير: «ئشيتديم نوبار هليليله قيزو آره وئريسن، هه؟» منوچهر «هه، آلاه سنونكى لره ده قيسمت ائله سين!» دئيبير. جابير تله سه-تله سه عيبايا سارى گلير، اسراييل دا جابيرين داليجا قاچا-قاچا اؤزونو عيبا گيله يئتيرنده، بعضى لرى «ايييوووه» چكير، محى نين ده گولمه سى حيطده ياييلاندا منوچهر سوروشور: «آده محى قالير؟ به تصاديف ائله مه ميشدى؟» عيبا «قارداشى بئناوا ايدييى!» دئيبير، منوچهرله آل وئره رك «دوغيردان سنى گورديم چوخ سؤيونديم» دئيب اؤزو قاباقدا، زىنى گيل ده داليندا اوينانيلان يئره سارى گئديرلر. عيبا جعفرين يانيندان كئچنده «جفر سن دئىن من ايندى گليرم!» دئيب سونرا بيه ده الينى قاوزا ياراق دئيبير: «مهدى باشووا دؤنيم! گليرم ها!» بى گولومسه يرك عيبايا باخيب، بالا جا دا الينى قاوزايير، عيبا زئرميه سارى گئدير. اسراييل عيبايا زىنى نين داليجا گئده رك جعفرين يانيندان كئچنده، ياواش جاسينا «آيه يالان زاد دئمه ها! يوخسا گليب او ميكروفونى آليب دوز سوخارام گؤتووه!» دئيب سوووشور، جعفر «حيف داي! من اوستا نجف كيمي پوخلى

گۆته باز دَيرَم!»ى لاپ ياواشجاسينا دئسه ده، ايندهكى ميكروفونون سسىنى آپايرىب آمپلى فايردا گوجلندىرىب، باندلارلا او جالدىب، هامىنين قولاغىنا يئتيرىب، گولمك هايبى گۆيه قالخاندا عىبا چىغىرىب «آده جفر!» دئيب زئرمى نىن قاپسىندان قايىدىب قاجىب گلىب «آده جفر به عايىبدى آخى!» دئيه ميكروفونو ايندىن آلير. جعفر قاپ قارا جوجه گۆزلرينىن اوستوندهكى بارماق يوغونلوقتا اولان گوده قاش لارىنى دويونلهيرك عىبانين يانيندان حيطه سارى گئتمك ايستهينده، عىبا چىينىندن ياپيشىب دئير: «جفر به هارا؟» جعفر دؤنوب عىبايا چىمخىر اراق الينى چىينىندن ووروب سالاندا، جاماعاتىن تعجبىدن «اوووا!» ائلهمهسى او جالير. عىبا گئنه اوونمايىب گئتمك ايستهين جعفرىن او اوز بو اوزوندىن اؤبور، آرازلا رىضا، هم ده يان لارىندا اوتوران لار، اوجادان گولوب هاى هاراي سالىرلار، قارا ساققال فارمانچى يلا قاوالچى ممى گولومسهيرك «قاچما مننن آ سئوگىلىم! سئوگى بو دنيايندى!» هاواسىنى چالىرلار، جاماعات آه آه هاهاى گولور، خوروز شاداين اينده بانلايىر، اوروف اوجادان «جفر گه تنز اول دئ قوتار، دورىم بينىن باشىن كسىم! ديه سن چوخ داريخىر!» دئيب الينى خوروزا سارى اوزاداندا، شاداي گوله-گوله خوروزو چكىب اوروفدان اوزاقلادير. جابىر زئرمى نىن گيره جه يينده «عىبا!» دئيهرك ماهنى نىن هاواسىيلا دا چىين لرىنى اوينادىب جاماعاتى گولدورور،

ایرج گوله-گوله آیاغا قالخیر، الینده کی استکانی جابیره ساری
 قالدیریب «جابیر سنون سالیغووا!» دئییب باشینا چکمک
 ایسته‌ینده، ماشی دئییر:
 «آده ایرج!»

ایرج ماشی یا ساری دؤنوب باخیب، الینی، باشینی ترپه‌دیر، ماشی
 دئییر: «بسدی داینا...» الینی حیط قاپیسینا ساری توتاراق دا دئییر:
 «به صابیری گؤرمه‌دون؟» ایرج «ماشی عمی من کئفلی دیرم
 کی!»، الیلله صابیر آپاریلان یئری گؤرسه‌ده‌رک ده «کئفلی، صابیر
 کیمی اولار!» دئییب قاقاناق چکیب گولور، استکانی باشینا چکیب،
 جابیر گئنه ده دئییر:
 «عیبا به گه داینا!»

عیبا زئرزمی نین گیره‌جه‌یینده دوروب بونو گؤزله‌ین لره ال قاوزاییر
 «گلدیم! گلدیم!» دئمه‌سی ده میکروفونا دوشوب بلند‌گودا اوجالیب
 هامی گولنده، «جفر! گوزو یئیم، سن باشدا من ده گلیرم!» دئییه‌رک
 میکروفونو جعفره وئریر، یئیین-یئیین، تله‌سه-تله‌سه، زئرزمی نین
 قاپیسینداکی لارا ساری گئدیر، «باغیشدئیز! باغیشدئیز!» دئییه
 اونلارا یئتیشیر، «بویروز! بویروز!» دئییب زئرزمی نین قاپیسیندان
 کئچیر، اونلار دا دالیجا پیلله‌لردن ائنیب گلنده زئرزمی نین سالونونا
 ایاق قویور، اوجادان «سلام علیکیم!» دئییب میزین دؤوره‌سینده آز
 ایشیقلی لامپین آلتیندا اوتوروب، سیگار توستوسونون دالیندان

اوزلرى اوزاقدان ياخجى گۆرسنمەين او بئش-آلتى آداما سارى گئدير. ميزين دۋورەسىندەكى لرين بىرى «بەبەبە! عىبا عمى!» دئيب دورور، عىبا الينى اونا سارى اوزادارق دئير: «باشووا دۇنيم عليرضا! ايلش! ائله اياغ اوستە بىرىن ايچىب گئدە جييم.» قيرمىزى تىشرتلى يئنى يئتمە قاباغىنداكى استكانى تئز گۇتوروب يانينداكى صندلين آلتينا قويور، اوتوردوغو يئردن، زئرمى نين كفيندە ساغ دوووا دايانديغى يئردن آياغا قالخىر. آرخالارى قاپىيا سارى اولان ايكى اوتوران لار دا دورورلار، بىرى «عىبا عمى هله گە آيلشئ! بى دنە باشو آغريدار» دئيرك بوشالتديق لارى ايكى صندلين بىرىنى عىبايا گۆرسەدير. عىبا «باشوزا دۇنيم آيلەشوز! قادالاروزى آليم اوتوروز!» دئير، اولار دا «ئله دوروردوغى»، «چوخدان بىردىيوغى بىز» دئيب قاپىيا سارى گئديرلر. اولارين بىراز اوزونو، بالاجا دا اوبىرىسىندن آريغى جابىرىن يانيندان كئچندە «اۋيون گۇردىم آ!» دئيب هاهاهاى گولور، عىبا اولارا دالدان باخا-باخا «دوغىردان شرمندە ائلەدوز!»، زىنى دە «چوخ ساغولاسوز اوشاغلار!» دئير، اسرايىل دا اوجادان «آيه شىرىيار! اۋيون من دە گۇردىمى!» دئيب گولور. عىبا اولار بوشالتديقى صندل لرين دوووا سارىكىسىندا اوتورا-اوتورا، باياق چلىكلە شاباش وئرمەيە گلنن، ايندى دە دووارين يانينداكى صندلدە اوتورانين «عىبا باغىشداها، من دورا بىلمىرم» دئمەسىنە «بابا خوايش ائلئره مى!» دئمكلە جاواب وئرىر،

چلیکلی «یوخ آخی! وظیفه‌مدی دورام، نئم همه‌شه دئیر کالبای
عیبادوللا اولاندا، سن قارنیمدئدون» دئییب گولور، عیبا «نئووه
منن سلام یئتیر» دئییب اونون یانیندا آیاق اوسته دورانا، عیبایا
ساری گولومسه‌ین یئنی یئتمه‌یه ده دئییر:

«سعید! آده سن ده بیردئمیشسان!»

زینی عیبانین یانینداکی صندلده اوتورور، عیبانین «یاللا!»
دئمه‌سینه ده الینی سینه‌سینه قویاراق، «باشووا دؤنیم عیبا عمی!»
دئییب جاواب وئریر. اسراییل ساقی‌نین یانینداکی، ایندی عیبانین
آیاغینا دوران علیرضانین، یاشیندان تئز آغاریب آلا-بولانمیش
ساق‌لاری قولاق‌لارینین اوستونو آلان علیرضانین یئرینده اوتورور،
جابیره ده «آیه جابیر! گتی او پیلا گنده‌نوو باس بیرا باخ!» دئییب
گوله-گوله صندلده اؤزونو بیغیشدیریب یئر آچیر، جابیر ده گلیب
اوتورور. عیبا سعیددن «سعید، آراغ دا ایچیسن؟» دئییه سوروشور،
سعید بیردن دیکسینه‌رک یانینداکی صندلین آلتینا قویدوغو
استکانا باخیب توتولوب قالیر، سونرا باشینی قاوازییر، ساقی‌نین
قاش-گؤز ائله‌مه‌سیندن، باشینی آتماسیندان اورکله‌نیب «عیبا
عمی یوخئی!» دئییر، هامی گولور. عیبا قاباغینا قویولان استکانی
گؤتوروب سعیده باخاراق «آی ساغول! اصلن ایچیب ائله‌مه! یوخسا
او ددون گلیب بیرانی دوز باشیمیزا اوچیردار!» دئییر، سونرا
دؤوره‌یه باخیب ساغلیق وئرکم ایسته‌ینده، گؤزو دووارین دیبینده

اوزانىب ياتان اوزون مجيده دوشور، باشىنى بوللاياراق «گۆرهسن بى ھاچان جورراناچاغ؟ ھله اۇيون ننهسى بئناوا منە دئىردى اونى ائولنديرىئ!» دئىير، سونرا دۆورهدهكى لره باخىب «بوتون آنالارين سالىغنا!» دئىيب ايچير، ايچندن سورا استكانى يئره قويوب بير تىكه خيار گۆتوروب قالخماق ايستهينده، ساقى «عيبا به ھارا؟» دئىيرك ايليب يئردن دىبەنى گۆتوروب عىبانين بوشالتديغى استكانينا «ايكى ائله، سورا!» دئىه آراغ توكور.

جابر استكانىنى گۆتوروب يانيندا قىسىليب چتىنلىكله اوتوران اسرايىلا «سالىغوو!» دئىيب ايچمك ايستهينده، دالينداكى آياق اوسته دوران عليرضا الينى چىينينه ووروب «جابر وير او بى نفرين سالىغىنايئ!» دئىير، ھامى گولور. جابر عليرضايا دۆنوب باخمادان «بىنى ويرام سنون كىمى موھتەخوررارين سالىغىنا!» دئىيب ايچير، ايچىب استكانى ميزين اوستونه قوياندان سونرا ايندهكى خياري ديشلەمك ايستهينده، عليرضا بوينوندان ياپيشىب سيخير. جابر بوينونون سيخيلماسيندان آجىيب، اينجىيب اينده خيار «آده! آده! اده بوشدا! بوشدا! آراغ خىرتدئىمى يانديردى!» دئىيب زىققاير، عىبا دئىير: «عليرضا باشووا دؤنيم بوشدا.» عليرضا بوشلاچاغين جابر تئز خيارا بير ديش ووروب خارتا-خارتلا يئىهرك بوينونو اوغور، اوغا-اوغا دا دؤنوب عليرضايا دئىير: «به دوز دئىيرم داي! موھده آراغ وار دئىن بياغداندى يئروو سالىيسان بىرا،

چیخمیسان!« عیبا «آده کۆپئی اوغلی دویء!» دئییب یئریندن دورماق هاواسینا اؤزونو دبردنده، جابیر دوروب قاپییا ساری قاچیر، اسراییل صندلده یئرینی راحتلا یاراق «آیه بی آز اونی آرید داینا! او یئکه لیبده ده گوٚت اولار آخی؟» دئییر، هامی گولور. جابیر قاپییا بیراز قالان دایانیر، دؤنوب بونلارا ساری باخیب «علیرضا دوز دئرمی، بی آراغ شاباش وئرنه ریندی! دای سنون کیمی موهده خوررارین یوخ!» دئجه یین عیبا دورور آیاغا «کۆپئن گنده سی دای بو دؤنه توسسام دوز درووه سامان تپه جییم» دئیهرک خیارین گوٚتونو دالیجا آتیر، یانینداکی لار گولوشور.

جابیر یئیین-یئیین پیلله لردن قالخیب حیطه کئچیر، حجتین «سجادنان مهرانین سالیغلارینا محکم بی ال چالون، گل سینر اویناسیننار» دئمه سی بلندگودان ائشیدیلیر، جاماعات ال چالیب، بعضی لری ده فیش چالیرلار. جابیر دار کئچه جیه کئچیب اوینانیلان یئره ساری گلن سجادلا یشم رنگلی کوت شالوار گئین مهرانین یانیندان کئچنده، بیردن مَحی نین «ائح ائح ایی» ائتمه سی اوجالیر، بعضی لری دؤنوب مَحی یه ساری باخیرلار، اوردان-بوردان «حجت گه جرمنی آل!»، «گه! گه!» سسی قاوزانیر، اوخویانین دا «مَحی تئز اول دو پیلی گتی!» دئمه سی بلندگودان قالخیر، مَحی «ائح ائح ایی» ائده رک آیاغا قالخیر، ال لرینی جیب لرینین اوستونه وورماقلا پولو اولماماسینی اوخویانا بیلیندیریر.

استکانی باشینا چکیر. تویداکی لار گولورلر، بعضی لری دؤنوب دالییا باخاراق «ساغول! ساغول جابیر!» دئییرلر، مَحی نین ده «أئح أئح أئح أئح ایی» او جالیر.

گۆن باش یئریندن قالخیر، ایکی سیرا قاباقدا اوتوران جلالی «جلال!» دئییه چاغیریر، جلال باخاندا دئییر: «شاباشا گلیسن؟» جلال گۆن باشا «هه! هه!» دئییر، قولاما دا «گلیسن؟» دئیهرک آیاغا قالخیر، قولام یاواشجاسینا دئییر: «أده بیلاردان خوشیم گلمیری!» جلال قولاما ساری باشینی آییب یاواشجاسینا «أده وئرمه سوی ناراحت اولالارئی، باخ! بئناوالارا شاباش وئرن یوخدی» دئییر، دار کئچه جیه کئچیر، اوردان دا گۆن باشین دالیجا اوینانیلان یئره دوغرو گئدیر. مَحی نین گولمک های یی یاتماییب، سوسماییب، گئتدیگجه هاوالانیب او جالماسینا گۆره، چالقچی لار اویون هاواسینی یاواشیدیب سسینی کسیرلر، سجادلا مهران اویناماقدان دوروب حیطه ساری باخیرلار. گۆن باش دایانیب مَحی یه ساری باخیب الینی اؤلچهرک «آی...» دئیندن سونرا، سسینی چیخارتمادان دوداق لارینی دبردیر، سونرا «...بسدی داینا!» نی ائشیدیلمک ایسته مه دییی سؤزونون دالینا قوشور، جابیرین دئدییی ریضا وئردییی خیاری گمیردیینه گۆره «... آخانغ دؤتون آواسینا» کیمی بیر آنلاشیلماز سؤزه دؤنور، عیبا دا الینده میکروفون «مَحی ددم روحی دای بی دؤنه پیلی آلاجیام!» دئییب مَحی یه ساری گلیر،

مَحي عیبانین اونا ساری گلمه سینی گۆرجه یین گوله-گوله تئز یئریندن دورور، حمیدین قاباغیندان کئچیب حیط قاپیسینا ساری قاچیر، جاماعات هاهاهای گولور، بعضی لری ده فیش چالیر، مَحي قاچا-قاچا پیلله لری قالخیب کوچه یه چیخیر، عیبا دئییر: «مَحي دای بو دؤنه پیلی آماغا ماشی گله جی ها!»

جاماعاتین گولمک سسی آزالیب کسیرکن قارمانچی آشیق ممی یه «نوش اولسون!» دئییب قارمانینی سسلندیریر، قاوالچی ممی استکانی بیر نفسه باشینا چکیر، مزه دن زاددان آغزینا قویمادان، قاوالی ایکی الینده قالخیزیب قارا ساققاللی قارمانچیا قوشولارکن، بایاق سوسدوردوق لاری اویون هاواسینی گئنه ده جانلاندیریب هاوالاندیریرلار، سجادلا مهران بیر ده باشلایب اوینا بیرلار. اوزون لار اوینا بیرلار، اوینا-اوینا یا دا گلیب بی دن، ساغدیز-سولدوزدان شاباش آلندا، آزاراق گولمک سسی قوپور، اوردان-بوردان «جابیر! ساغول جابیر!» زاد دئمه سی ائشیدیلیر. عیبا الینی حیطه ساری توتور، اوینا یان لار جابیره باخسین دئییه اونلاری اوتوران لارا ساری دؤنده ریب باخدییر، سجادلا مهران حیطه ساری دؤنورلر، شاباش وئرمه یه گلیب گۆن باشلا جلالین یانیندا دوران، ائله اونلار کیمی ده الینده توتدوغو پولو اوینا یان لارا ساری اوزادان جابیری گۆرورلر، اوینا-اوینا یا، گوله-گوله اونلارا ساری گئدیرلر. سجادلا مهران اونلارا یاخینلاشیب ایکسی ده گۆن باشلا جلال دان

شبابشی آلیرلار، مهران جابیرین ده الیندن پولو آلماق ایسته‌ینده، سجاد تئز کئچیر قاباغا، جابیرین پولونو آلمادان بوینونو قوجاقلاییر، جاماعات های‌هارایلا ال چالیر. سجادلا مهران اویناماگی بیتیریرلر، ال‌لرینی ال‌چالان‌لارا قاوزاییب اونلارا اؤپوش آتیرلار، موسیقی سسی کسلییر، اوینایان‌لار صندل‌لره ساری قاییدیرلار. سجاد دار کئچه‌جه‌یین آغزینا بیراز قالمیش گون باش گیلله دوروب بونلاری گؤزله‌ین جابیرین چینینه الینی قویوب بئشی ده گوله-گوله اوتوردوق‌لاری یئره ساری گئندنه، بیری اوجادان دئییر: «جابیر باید برقصدا!» جابیر سس گلن یئره ساری باخیر، لاپ دالداکی سیرادا آیاق اوسته دوروب گئنه ده ایکی اوچ یول «جابیر باید برقصدا!» دئین فرزادی گؤرور. بعضی‌لری فرزادلا سس-سس وئریب «جابیر باید برقصدا!.. جابیر باید برقصدا!» دئییرلر، شادای دا آیاغا دوروب قیچ‌لاریندان یاپیشدیغی خوروزو «جابیر باید برقصدا!» دئییه-دئییه قالخیزیب ائندیریر. بیردن بلندگودان عیبانین دا «جابیر باید برقصدا!» دئمه‌سی اوجالیر، جاماعات گولور، جابیر دؤنوب اوینانیلان یئره ساری باخیر، عیبا گئنه ده «جابیر باید برقصدا! جابیر باید برقصدا» دئییه الیله جابیری اویناماغا چاگیریر. جاماعات ال چالیر، بعضی‌لری فیشلاییرلار، اوردان-بوردان دا «جابیر! جابیر!.. های جابیر!» دئییه سس‌لر قالخیر. جابیر تئز قول‌لارینی آچیب بدنینی اوینادیر، چالقیچی‌لار دا جابیرین ال‌دبرتمه‌سینه، بدن اویناتماسینا

«گۆرىشىدیم يارىملا بىلاغ باشىندا...» نى اويغون گۆروب چاليرلار. جابير اوينايير، چالقىچى لار دا چالير. چارتلاق دووارين يانيندا اوتوران لارين آخيرا ياخين سىرالارينداكى لارينين اوچ-دۆردو «گۆرىشىدیم يارىملا بىلاغ باشىندا» نى اوخوپورلار، بىرى ده يئریندن قالخیر اوينایا-اوينایا دار كئچه جیه چىخیر. ماشى چىغىرىب «ددووه ايرحمت آراغ چكن!» دئىير، گولوب قاققىلداما سسى گۆيه قالخىب هاى هاراي چوخالير، سس ياتاندان سونرا بىرى چىغىرىب دئىير:

«ماشى عمى هله دده سى اؤلمئب ها!»

گئنه ده هامى اوجادان گولور، ماشى يلا بؤيرونده كى لر اوتايكى صندل لرده اوتوران لارا سارى باخىرلار، سارماشىقلى دووارا سارىكى سىرالارين اورتالاريندا بىرى الينى قاوزايىب ماشى گيله سارى ترپىد ب دئىير: «بىداها باخ! ماشى عمى بىداها! باخ گۆر هئچ دده سى اؤله نه اوخشىير؟» ماشى قالخىب اورا سارى باخىب دئىير:

«آده قابىن نئچىيه وئرىسن؟»

دووار دىينين آلا قارانلىغىندا بىرىنن «ماشى عمى سنه موهده!» دئمه سى قوپجاغىن جاماعات گولور، گولمك هاىي ياتاندان سونرا، جابير اوجادان «بىلسىدیم ماشى دا تويدا پوخ يىيردیم ددمنن تويا گلردیم» دئىير، گئنه گولمك هاىي قاوزاناندا، آجىقلا گئدىب چالقىچى لارين يانينداكى بوش صندلده اوتورور. عىبا تئز قاقچىب

گئدير، الينى جابيرين چينينه قويوب اوزوندىن اۇپور، اليندىن ياپيشيب قاوزاماق ايستهيير، جابير الينى چكيب عيبانين اليندىن چيخارديب گئنه يئرینده اوتورور، عيبا دؤنوب اوروفا ساری باخيب، الينى سينه سينه قوياراق دئير:

«باشووا دؤنيم آقاي شيرى! سن جابيره دئنن گلسين اويناسين!»
 اوروف آياغا قالخيب جابيره «آده به دو داينا!» دئير، جابير دورماييب يئرینده برکييير، اوروف يئين-يئين جابيره ساری يئريرهرك الينى قاوزاييب دئير: «آده دوي!» جابير تئز آياغا قالخيب «اوريف عمى دورديم! دورديم!» دئير، جاماعات گولور، بعضى لرى ده ال چالير. عيبا جابيرين اليندىن ياپيشيب گوله-گوله اوينانيلان يئر ساری گتيرير، بى آل چاليب «ساغول جابير!» دئير، عيبا دؤنوب بيه باخيب گؤز ووراراق جابيره دئير:

«ائله بياغكى هاوئنان اوينئسان؟»

جابير دئير: «يوخ!» اوجادان دئير: «لبِ كارون.»
 جاماعاتين گولمه سسى قاوزانير، چالقيجى لار باشلاييب لبِ كارون هاواسينى چاليرلار، جابير ال-قولونو، باشينى، چييينينى اوينادير، اسراييل اوجادان دئير:

«آيه جابير به اؤؤن دئدون دای فارسى اوينامياجيام آخى!»
 جاماعات گوله گوله ال چالير، جابير اسراييل جاواب وئرمه دن قارا ساقلال قارمانچى نين باشينى ترپه ده ترپه ده قارماندان چيخاردیغى

"دا لالاي" ايلا يىنى بدننى اوينادير، داليندان اينجه بير سس
چىخىر:

«جابىرا!»

جابىر ھاي ھاراي اولدوغونا گۆره ائشيتمە يىب اويناماسين
داواملاندىرىر، خانىمىن بير ايكي يول دا "جابىر" دئمەسى قاوزاناندا
عيبا ميكروفونو گۆتۈرۈپ اوجادان سسلە يىر: «جابىر!»

جابىر اوينايا-اوينايا دۇنوب باخىر، عىبا اليىلە پنجرەنى
گۆرسەدەرك دئىير: «أده به بياغداندى خانىم سنندى آخى!»
جابىر چىراق لارى سۇنموش اوتاغىن پنجرەسىنە سارى باخىر،
پنجرەدن ائشىيە چىخىمىش بونا سارى پول توتان الى گۆرۈپ
ياواش-ياواش اويناماقدان دورور، دىنىب دانىشمادان، يئرىندىن
دېرمەدن، برلمىش گۆزلىلە او آغ الە، آغ قولاً باخىر فقط. خانىمىن
ال-قولو سىلكەلەنرك گئنه نئچە يول جابىر سسلەمەسى رۇلانمىش
دوداق لارىننن آراسىندان چىخىب كىشى لرىن قولاق لارىنا چاتىب
جان لارىنا ھوپور، بىرىننن اوجادان «جابىر يئرى داينا!»، ايرجىن
دە آياغا قالخىب جابىرە سارى يىنى اوزاداراق «جابىر بە نىيە
دوروبسان أده؟» دئمەسى قالخىر، ماشى ياواشجاسىنا «مچىدىن
قاپىسى آچىغ اولاندا، كۆپە يىن گۆزى باغلانار!» دئىير، يانىنداكى لار
گولور. عىبا جابىرە سارى گلىب اليىلە پنجرەنى گۆرسەدەرك «أده
خانىم نرىمانى سنندى آخى!» دئىيب چالقيچى لارا سارى قاقچىر،

اونلارا نه دئییرسه، چالقچی لار بیر هاوانی باشلایب چالیب اوخوماق یئرینه چاتاندا، پنجره دن «فیکریندن گئجه لر یاتا بیلیمیرم» ماهنیسی سسلرینی خپ کسمیش کیشی لرین قولاق لارینا دولوب جان لارینا یئرییر. جابیر یاواش-یاواش پنجره یه ساری گئدیر، پنجره یه یاخینلاشاندا، عیبا قاجیب گلیب جابیری سوووشور، میکروفونو خانیمین پنجره دن چیخیب «آیریلیق» هاواسی اوستونده دبرن الینه وئیر، دؤنوب گلیب خانیمین الیندن آلدیغی پولو دا جابیره ساری توتوب وئرمک ایسته ینده، بلندگودان دا «نتینه ییم کی سنه چاتا بیلیمیرم...» قولاق لارا دینده، عیبا اؤزونو هلک ائتسه ده، یاواشجاسینا «جابیر آلماسون خانیم ناراحت اولار!» دئسه ده، جابیر پولو آلماییب قایدیب گئدیر، قولاق لاریلا گؤزلی ماهنییا زیلله نلرین آراسیندان سوووشور، ریضا «جابیر به هارا؟» سونرا دا اوجادان «آده به ایشمیسن؟» دئییر، چؤپ بویون باشینی دؤندرمه دن الینی قاوازیب ریضانین سسینی کسمه سینه گوره آجیقلا دبردیر، جابیر پیلله لردن قالخیب کوچه یه چیخیر.

جابیر کوچه نین قیراغینداکی ساخلانیلان ماشین لارین یانیلا گئدیب توی ائویندن اوزاقلاشیب، بلندگودان دا «آیریلیغ! آیریلیغ! آمان آیریلیغ! هر بیر درددن اولور یامان آیریلیغ!» سسی کوچه یه یاییلندا، کوچه نین اورتالاریندا ساخلانیلان ماشین لارین ایکسی نین آراسیندا دوواری دایانیب اوتوران لار، آرالارینا دا

يارىم لىترلىك سوقايلا بىكى خىردا استكان قويان لارىن اوزون ساچلىسى، قارايلا چالان مېملە بنزر كوتلوسو جابىرى گۇرچك دئىير:

«ياللاھ جابىر!»

فىرئىمى گۇرسىمەين گۇزلوك تاخان اينجە بوغلو، قارانلىقدا رنگى ياخى بىلىنمەين كوتونو قارنىيلا دىزلرىننن آراسىنا قويان توى ائوئىنە سارىكىسى دا دئىير: «جابىر بويور!» جابىر قولاق آسمادان بىكى-اوچ آددىم اوزاقلاندا دا دئىير: «بە نە تئز گئدىسن؟» بىراز سونرا دا استكانى قاوازيىب «جابىر سونون سالىغووا» دئىيب باشىنا چكىر.

جابىر خياوانا سارى گئدىر، حىطدن ال چالما سسى، فىشلاما سسى كوچەنى باشىنا گۇتورنە، خانىمىن دا نازلانا-نازلانا «چوخ مەننن!» مرسى! «دئمەسى كوچەيە يايىلاندا، ماشى اوجادان «آدە جابىر!» دئىيب چاغىرىر، جابىر دۇنوب باخاندا دا «آدە باجون گۇتئىنە قويىم ھارا؟» دئىندە، پىنجرەدن كرېمىن گولە-گولە «ماشى اوندا مەن دە وارام!» دئمەسى ائشىدىلىر. جابىر دوروب آجىقلا كرېمە سارى باخىر، ماشى نىن يانىنداكى دۇرد-بئش آدامىن بىر بىكىسى فىش چالىب، سونرا دا ھامىسى آغىز-آغىزا وئرىب «جابىر! جابىر! ھى جابىر!» دئىە-دئىە اونا سارى گلېرلر، ماشى الئىنى قاوازيىب چىغىرىب «آدە بە گە دايننا!» دئىيب، كرېم «آدە ھئلە نئىە

باخيسان؟» دئيه رك جابيره سارى بير شئى آتماق ايسته ينده، جابير ماشى گيله سارى قاچير. جابيرين داليجا گلن لر ال چاليرلار، ماشى دا «آده قوريمساغ آدام دا كوسر؟» دئييب، جابير يئتيشجه يين بوينونو قوجا قلايب اوزوندن اوپور. بلندگودان عيبانين «به جابير هارا گئدى؟» دئمه سى ائشيديلنده، جابيرين داليجا گلن لر چيغيريب «بيردادى! بيردادى! بيردادى!» دئيه جابيرله بيرليكه توى ائوينه سارى قاچيرلار. ائله باياقكى آغ چادرالى قوجا آرواد دمير قاپيدان باشيني كوچه يه چيخارديب توى ائوينه سارى باخاندا، كوچه نين باشيندان بير موتورسيكلت سسى قوپور. قوجا سسه سارى دؤنور، بير ديمديكلى بؤرك موتورسيكلتچى گليب قاباغيندان سوووشاندا، گولومسه يرك دئيير: «عظيم!»

ماتورچو، قوجانين سسিনি ائشيمه ييب، يا دا اؤزونو ائشيمزلييه ووروب كئچيب گئدير توى ائوينين قاپيسيندا ساخلاير. تويداكي لار هاى هاراي ساليب فيش چاليرلار، بعضيسى «جابير! جابير! هاى جابير!» دئييب چيغيريرلار، سس ياتاندا سونرا چالقيجى لار «لب كارون» هاواسيني باشلايب چاليرلار، جابير اويناماغا باشلاياندا ماتورچو قاپيدان ايچرى كئچير، پيلله لرين باشيندا دوروب اوجادان چيغيريب دئيير: «سعيد؟»

حېتىدەكى لىر قاپىيا سارى دۇنورلىر، جابىر دە تىزە سومويونە دوشن موسىقى، قول-قىچىنى تىترتمە يە سالان موسىقى ياواشلاشيب لاپ سوساندا، اويناماقدان دايانىر، آجىقلا، بۇركونو باشىندان گۇتورن كىشى يە، قورباغا گۇلۈنە داش آتان كىشى يە باخىر. عىبا يئىين- يئىين دار كئچە جكدن پىللەلرە سارى گلير، موتورچو دا پىللەلردن ائىب عىبا يا ياخىنلاشيب گئنه چىغىرير:

«عىبا او اوشاغ هاردادى؟»

«هاردا اولاجاغ خال اوغلى، باشووا دۇنىم؟»

آغ سارى كۇينكىلى يئنى يئتمە «عظيم عمى قوى چاغىريرم گلسين!» دئىب تله سىك زىرزمىيە سارى قاجير، العظيم چىغىريرب «هारा گئدىب به؟»، يانىنى يئره قويوب «آلاها! بئله ده طولوم اولار آخى؟» دئىب، آلنىنى اوسته قالخىزمىش دىزلىرىنه قويوب سىزىلدايىر.

بىين آتاسى گلىب الينى چىينىنه قويوب يانىندا چۇمبەلىب «به اوستا العظيم اۇزو نىيە ناراحت ائلسن؟ نولوب قارداش؟»، عىبا دا گلىب دىزلىرىنى قاتلايىب يانىندا اوتوروب دئير: «به نولىب خال اوغلى؟»

عظيم باشىنى قالخىزير، «قورخىرام گلىب بىردا دا پوخلانا» دئير، گئنه ده باشىنى دىزلىرىنىن اوستونه قويور. قارمانىن سسى ياواش- ياواش قالخاندا، آشيق مىنىن قوالىنىن دىنغ دادا دىنغى دا

قارمانا قوشولاندا، آغ ساری کۆینکلی یئنی یئتمه زئرزמידن چیخیب گلیر، دالیجا دا سعید گلیر؛ رنگی آغاریب بوزارارکن، الینی دووارا وئررکن. جابیر اونلارا ساری یوروویور، آجیقلا رنگی بوزارمیش سعیده «به قودیغ اوردا نه پوخ یئردون؟» دئییر، سعیدین الیندن توتوب چکیب گتیریر، بی گیلین یانیندان سوووشاندا، ساغدیز تئز دوروب ایکی-اوچ آددیم جابیره ساری گلیب یاواشجاسینا دئییر:

«جابیر! او عظیم دلیدی ها، اوشاغدان گۆزده!»

جابیر دؤنوب ساغدیزا باخیر، جاواب وئرمه دن سعیدی عظیم اوتوردوغو یئره ساری گتیریر، جاماعات های سالیر، بعضیسی «ساغول جابیر!» زاد دئییر، آروادلارین ایچیندن ده بیرى ناریندن چیغیریب دئییر: «جابیر اماندی ها!» عظیم یئریندن قالخیب «آده به سنون آبرون حایون یوخدی؟» دئییه اوشاغا یومولور، عیبایلا بیین آتاسی «خال اوغلی! باشووا دؤنیم ایشون اولماسین!»، «اوستا عظیم باغیشدا!» دئییب عظیمی توتماق ایسته ییرلر، جابیر ده «آقاسی بی دهنی منه گۆره باغیشدا! پوخ یئب منن!» دئییر، گئنه جاماعات گولنده، محی نین ده قاپنینن آغزیندان، پیلله لرین باشیندان «ائح ائح ائی» ائتمه سی قالخاندا، سعید الینی چکیب جابیرین الیندن چیخاردیر، دیزلرینی یئره قویوب اوؤو ائله ییب قوسور. عظیم اوغلونا جومور، باشی آشاغیدا آتاسینی گۆرمه یین اوشاغین تپه سینه قاپاز سالیر، عیبایلا بیین آتاسی تئز سیچیراییب عظیمی توتوب

اوغلوندان اوزاقلادىرلار، ماشى دا گۆز قىرپىمىندا قالخىر، «أده به سنون رحمون يوخدى كىشى؟» دئيه اؤزونو تئز اونلارا يئتيرير، عظيمين بوينوندان ياپيشيب دئير:

«أده به اوشاغى نيبه اولديريسن؟»

عيبا قاش-گۆز ائله مه سيله ماشى نين قييناغىنى عظيمين بوينوندان قوپار تديرير، ياواش جاسينا «به هئله نيبه ائلسن؟ بى پوخی هاميميز ايچىروى دايانا» دئيب عظيمين قولوندان ياپيشاراق صندل لريندن دوران لارين، ديل آلتى ميرتلا نيب «كۆپئى اوغلى اوتامميرى!»، «هيكلووه اوستيريم!» دان زاددان دئين لرين آراسيندان سوووشدورور، ماشى يلا، بير ده بئين آتاسيلا بيرليكده پيلله لردن چىخاردير، عظيم موتورونا ميننده ده دئير: «خال اوغلى! بى آزدان اؤزيم گتيررم، سن گند آرخئن يات!»

عظيم موتورونا هنديل ووروب يانديرير، قىژىلتىيلا توى قايسىندان اوزاقلاشير.

سولدوز دستماللا سعيدىن آغزىنى تمىزله يير، سونرا دا بارماغىيلا اونون بوينونو اوغور، بى ده «ساغول پرويز!» دئير. باياق آراز تويا گلنده حيط قايسىندا آرازا ائشيمه لى سؤز دئمك ايسته ين، باياقكى آچىق قهوه رنگده كوتو ايندى اينينده اولمايان، آيىليب سعيدىن قوساغىنى تمىزله سين دئيه هئى تئى يئره چكىب سونرا دا ائوين قاباغىنا، سارماشيقلى دووارىن دىبىنه سارى قاجيرديب

شیرین آلتیندا یویاندا، بیر اوزون قارا ساچ لاری پارپار پاریلدایان، قیرمیزی گول یاپیشقان دونلو یئیین-یئیین ائوین پیلله لریندن ائنیر، دیک دابان باشماغی تاق تاق تاققیلدا یارق سعیدین دؤوره سینی آن لارا ساری گلنده، جامعات سعیدی، باشینا ییغیلان لاری، کرم رنگده کؤینه یی نین قولتوق لاری تردن ایسلانان آغ دسته لی تئی چکه نی بوشلاییب اینجه سسله «نولوب؟ سعیده نولوب؟» دئیهنه، الینی سعیدین چینینه قویان قارا قاش-گؤز، اوجا بوی قیزا باخیرلار. ماشی دا عیبا گیلله پیلله لردن ائنده دایانیر، گؤیه باخیر، بالا جا دا آجدیغی ال لرینی گؤیه قالدیزاراق «کرمووه چوخ شوکورا! خاخ لارین دا خالاسی وار بیزیم ده» دئییر، عیبا هیرهاهیر هیریلداییب الینی آغزینا باسیر، بیین آتاسی دا گولومسه ییر.

جاوان لار باشلاییب «منی آتدین آی قیز، آی قیز، آتشه...» نی اوخویورلار، چالقچی لار دا اؤزلرینی اونلارا قوشورلار، فرزادلا ممد، هم ده اونلار کیمی نچه جاوان حیطین اورا-بوراسیندان اؤز یئرلریندن قالخیب اوجادان «...بسله مکدیر عشقیوی داییم پئشم...» دئیهرک ماهنی نین دالینی توتورلار. ماشی دالییا دؤنوب اوجادان «فرزادا!» دئییب شاققیلداییب کئچیر، فرزاد اوخوماسینین آراسیندا اوجادان دئییر:

«ماشی عمی ایشمیسن؟»

ماشى يىنى فرزاد گىلە سارى قاوازيب ترپەدەرك جاواب وئريب «يوخ!» دئىندە، جاماعات دا ماھنى نىن دالىنى توتوب «...آتاچاغدىن مې سئودىن سۇيلە بس نئچىن...» دئىندە فرزاد چىغىرىب دئىير: «آرازىندى ھا!»

چۇپ بويونلا نادىر دۇنوب دالى باخىب ال لرىلە «آدە نە ھاى ھاى سالىبسان؟» كىمى بىر سۇزو فرزادا قاندىريرلار. سولدوز قىرمىزى دون گئىن قىزا باخىب گولومسەيرك «اصلن نىگران زاد اولمئىن! من اۇزىم ھئچ اولماسا اللى دفة بئلە اولمىشام» دئىير، يانينداكى لار گولوشور. ساغدىز «ئلە اۇزووہ گورا دا بى دوختىر قىرىغى اولىبسان!» دئىير، گئنه اورداكى لار گولوشور. سولدوز يىنى سعىدىن كورەيىنە قويور، او بىرى يىلە دە يىندن ياپىشىب قالخىزىر، خالاسى، سعىدى قوجاقلایىب اوزوندىن اۇپور. جاماعاتىن بعضىسى نىن «باخدەور باشووا!»، «ھئلە خالانىن من جانىن يىيەرم!» پىچىلتى لارى قوپور. اىرج دە يئریندىن قالخماق، بىر سۇز دئمك اىستەيىر، آما قالخا بىلمەيىب گئنه اتورور. قىرمىزى دون خالا، سعىدىن يىندن توتوب «چوخ ساغولاسوز... مرسى!» دئىير، گلدىيى يئرە سارى يولا دوشوب پىللەلردن قالخىب ائوہ گىريرلر، كىشى لرىن «يالوارىرام گل، مې آتما، ترك ائتمە...» دئمەلرى يئرە-گۇيو باشىنا گۇتورور.



دوز خیاوانین اورتاسیندا ساخلادیغی ماشینین شوشه‌لرینی، قاپی‌لارینی زادینی گیزیلده‌دیب تیره‌دن موسیقی‌نین گومب‌گومبوندن نمّنه دئدییی ائشیدیلسین دئیّه، باشینی ریضایا یاخینلاشدیریر، چوخ اوجادان «آیه گئده‌ین او خلیل قوریمساغین قاپیسینا ایشیه‌یونئ!» دئیر، باشینی دالییا دؤنده‌ریر، الینی بونا باخیب گولومسه‌ین آرازین، نم‌هارانین دا یانیب-سؤن چیراغی قاپییا ساریکی قولاغینی قیزاردیب بوزاردان آرازین دیزینه قویور، اوندان دا «هه؟» دئیّه سوروشور، آراز گوله‌رک «ایشیه‌یون؟» دئینده هایلا بونلارا «گلوز! گلوز!» دئییب ماشیندان ائیر، ماشینین

قاپسىنى باغلامادان خىۋانين او تايىنداكى پيادا يولونا قاقچير،
 اوردان دا بير دار كوچه يه گيرير. رىضايلا آراز دا موسيقى نين
 خودونو آلمادان، دوشندن سونرا دا هئچ آجدىق لارى قاپى لارى
 باغلامادان، گوله-گوله قاقچىب اسرايىل كئچن كوچه يه كئچيرلر،
 كوچه نين دؤنوموندن، بير برق آغاجى نين يانىندان دؤنورلر، باياق
 حىطده سارى كؤينه يى ايندى برق آغاجى نداكى چيراغىن
 چتىنلىكله گلىب كوچه نين دىبىنه يئتىشن آزاراق ايشىغىندا كرم
 رنگىنه چالان اسرايىلا سارى قاقچىب گوله-گوله اؤزلىرىنى اونا
 يئتيرىرلر. بونلار يئتىشجه يىن، اسرايىل شالوارى نين زىپىنى چكىب
 نمه نەسىنى چىخاردىر، گولوب-گولوب، سونرا بونلارا دا باشىيلا هم
 ائله يەرك ياۋاشجاسىنا «چىخاردون! چىخاردون!» دئير. آراز گوله-
 گوله رىضايلا باخىب باشىنى يوخارى آتاراق «آده عايىب دىيى!»
 دئيب، بير-يىكى آددىم دالىيا گئدىر. رىضا گوله-گوله زىپىنى
 آشاغى چكىر، بير اليله آشاغى دوشوب سودويه ديمه سىن دئيه
 كراواتىنى اوسته يىغىب ساخلايىر، او بىرى اليله ده شئىندن
 ياپىشىب چىخاردىر، گوله-گوله اسرايىلا باخىر، اسرايىل چوخ
 ياستى، چوخ دا ياۋاش «اوچ... يىكى» سايىب «بىر» ي ده دئجه يىن
 ايكىسى نين ده شومبول لارى نين باشىندان سودوك چىخىب قاپىيا
 دئير. آراز گوله-گوله بىراز دا دالىيا چكىلىر، رىضايلا اسرايىلدا
 چىخان سودوك قاپى نين كىلىد يئرئنه، دسته سىنه زادىنا دئيب

اوردان دا آخیب قاپینین آیاغینا گلیب یئرده سوزور، اسراییل یاواشجاسینا دئییر: «کؤپئی اوغلی! دده سینین گورینا قابلا دیغیم قیزی منه وئرمه دی!» دئییر: «...تو!» دئییر: «تو ننؤن او قجه آغزینا قابلیم!» ریضا ایشه یه-ایشه یه دؤنوب آرازا باخیر، ایکسی ده سس سیزجه سینه گولورلر، ماشیندان قاوزانیب، خیوانی سوووشوب کوچه نین بونلار ایشه دییی یئرینه گلینجه اورا-بورا داغیلیب، آزیب آزالان گوپ گوپو ده بلکه ائشیتمیرلر.

خیوانین قیراغیندا، اسراییل گیلین ماشینینا بیراز قالمیش، بیر ماشین ایریسینه دایانجاغین، خیوانا ساریکی دال قاپیسی آچیلیر، شادای دوشوب ماشینا ساری قاچیر، ائله همن تویداکی ساغدیز دا فرمانین دالیندان ائیر «آده اسراییلین ماشینیدی» دئیهرک بایاکی سورمه رنگلی کوتو اینینده اولمادان، بوینونداکی ساریا چالان کراواتی بوللانراق شادایین دالیجا او یئددی-سککیز آددیمی قاچیب ماشینا یئتیشیر، تعجبله ماشینین ایچینه باخارکن «گؤره سن نولیب؟» دئیهر کئچیب گئدیر ماشینین قاباغینا. ساغدیزین ماشینین قاباق قاپیسیلا، پیدایولونداکی دال قاپیسی آچیلیر، بابک قاباق قاپیدان دوشور، آنجاق ایره لی له مدن ائله اوردان باخیرسا دا، بابکین یانینداکی یکی جوان لار دالداکی قاپیدان دوشوب یئین یئریب گئدیرلر، یئتیشجه یین ده ماشینین اوتای-بوتایینا، دال-قاباغینا باخیرلار. ساغدیز ماشیندان قوپان

گۈپ گۈپدەن، يىرى-گۈيو باشىنا گۈتورن گۈپ گۈپدەن يىنى دېرتمە سىلە، گۈزۈنو قىيىب آغىز-بورنۈنو قىرىشىدېر ماسىلا اينجىمە سىنى گۈرسە دەرك دئىير:

«گۈرەسن باشىنا بى ايش-مىش گلمئب؟»

ايكى جاوان ماشىنىن بۇيرۈنە، دالىنا زادا باخىرلار، توك لرى قهۋە رنگىنە چالان قارا پاپيونلو، شاداين يانىنا گلەرك دئىير: «ماشىنا بى شى دىب ائلە مئب.» باشى قىرخىق دا آيلىب دال سىپرە ياخىندان باخارق «يوخ! ھىش زادا! ھىش زادا اولمئب!» دئىندە، دوز دالىندا دا يانان بىر ماشىنىن جىغىلتىيلا ترمز توتما سىندان دىكسىنەرك دۇنوب دالىنا باخىر، يىنى سىنە سىنە قىوب تۇۋشە يە-تۇۋشە يە دئىير: «نە خبرۈندى؟» ساغدىز تىز دېرىب او ماشىنا سارى يورويور، قهۋە رنگلى توكلە، شاداي دا گلمك ايستە يىندە، گولوشمك ھايى قاوزانىر، ماشىن بىراز خىاوانىن اورتاسىنا سارى آلىنىب قاباغا گلير، شاگرد طرفىندن بىر كىچى ساققاللى گۈي گۈز باشىنى ائشىيە چىخاردىب گولە-گولە دئىير:

«آدە بە ياخى قوما را قالمئبسان؟»

قىرخىق باش دئىير: «آدە اولدىم داينا! بئلە دە شوخلوغ اولار آخى؟» كىچى ساققال موسىقى سسى نىن اوجا اولماسىندان ائشىتمە يىب دئە گۈزۈنو قىيىب يىنى دېردەرك دئىير: «نە دئدون؟» بنفش

کراواتلی قیرخیق باش، بیر-ایکی آددیم ماشینا ساری گئدیب
 اوجادان دئییر: «دئیرم بئله ده شوخلیق اولار آخی؟»
 کئچی ساققال گوله-گوله اوجادان دئییر: «قوخدون؟» سونرا
 سوروجویه ساری باخیب دئییر: «آده مملکتین سربازین نییه
 قورخیزدون آخی؟» سونرا ماشینین خیوانا یاییلان گوپ-گوپوندن
 دئیدی ائشیدیلسین دئییه، چوخ اوجا سسله باشی قیرخیقدان
 سوروشور: «قومار واریدی؟»
 «هه!»

«ناصر کی اوردا دیریدی؟» دئییب شادایا دا الینی قاوزاییب دئییر:
 «یاللا شادای!» شادای گولومسه ییب ال قاوزاییب، بنفش کراواتلی
 قیرخیق باش، اسراییلین ماشینین آچیق قاپیسیندان باشینی
 اوزادیب موسیقی نین سسینی کسیر، قاپینی اؤرتور، هر یئره
 سس سیزلیک چؤکور، اؤز-اؤزونه «قولاغیمیز گئدیدی!» دئییب
 سونرا کئچی ساققالدان سوروشور: «نه دئدون؟»
 «دئدیم ناصر یوخیدی؟»
 «نییه یوخیدی؟ اوردئدی!»

کئچی ساققال اوزونو یانینداکی سوروجویه توتوب دئییر:
 «گورینسن؟» سونرا بونلارا ساری باخیب دئییر: «به ناهاردا دئیردی
 مهدی نین تویندا یوخام آخی! دئیردی اؤیون گئجه نه ییم واریدی

اوتىزدىم، دئىردى ايندى دوز بى قىرانا گوللە آتيرام!» سونرا دۇنوب سوروجويه سارى دئىير:

«هله دئدى آجىمننان اۋلىرم، گئتدوى پىتى يئدوى!»

شاداي بىر-يىكى آددىم قاباغا گليب دئىير: «پىلى يوخىدى پىتى يىيه؟»

«دئىرم داي، پىتىنى دە منە آلدىردى!»

شاداي «آده يئرى قاش گئدى! ائله ايندى هاميدان چوخ او آنام وئردى...» دئىيب داليجا دا «...خورىزى آلدى منن!» دئىنده، خىاوانىن او اليندن اوجادان «آيه شاداي!» دئيه قىيها چكن اسرايىل، داليجا دا «آيه شاداي! ..آيه شاداي!» دئيه اونو يانسىلايان رىضايلا آراز قاققىلدا يارق ماشين لار دوران يئره گليرلر. اسرايىل لهله يه-لهله يه، گوله-گوله بونلارا «آيه كئفوز؟»، سونرا الينى ساغديزا اۋلچهر ك «آيه او مھدويه قشى اۋره دون آ! حيوان اوشاغ باشارماز بىردن، قىرمىزى صمد باباسى كىمى پوخلى يئره زادا سوخار» دئىير، هامى شاشاشاق گولور، كئچى ساققالا «آيه ساققالووا ايشئىم! تويدا يوخىدون؟»، الينى كئچى ساققالين يانيندا اوتوران سوروجويه سارى توتاراق دا «آيه او كىمدى؟»، سونرا دا بىراز ماشينىن قاباغىنا سارى گئدىب گولهرك «آيه امين ايمىش كى!» دئىير. ساغديزىن ماشينىنا باخير، باياق ماشينىن آچىلمىش قاباق قاپسىنىن داليندان دوروب باخان، ايندى دە كئچىب يئرىنده

اوتوران بابکه الینی قاوزاییب، «آیه بابک سن نجه سن؟» دئییر، ماشینین قاپیسینی آچیب اوتورور. کئچی ساققال ال قاوزاییر، امین ایکی دؤنه سیگنال چالیب یولا دوشور. اسراییل باشینی پیادا یولوناک ی پنجره یه اوزاداراق اوجادان دئییر:

«آیه ریضا! آراز! اوتوروزی، اوتوروز!»

آراز دال صندلده، ریضا دا اسراییلین یانیندا اوتورور، اسراییل آینادان دالییا باخیر، بابکین قارا پاپیونلوپلا، بنفش کراواتلی باشی قیرخیق یانچی لارینین دال لاریجا گئدن شادایا گؤزو دوشجه یین، تئز دال بادالا ایکی-اوج سیگنال چالاراق ریضایا دئییر:

«آیه او شادایی چاغیری!»

ریضا باشینی پنجره دن چیخاردیب چاغیریر: «های شادای!»

شادای دؤنوب دئییر: «هه؟» دئییر: «نه دئنس؟»

ریضانین اوجادان «گه گور اسراییل نه دئیر؟» دئمه سینه ماشینین قاپیسینی آچماق ایسته یین ساغدیز دا دؤنوب دالییا باخیر، شادای ریضا گیله ساری گلیر، ماشینا یئتیشجه یین، اسراییل الینی شادایا ساری اوزاداراق سوروشور: «آیه خوریزی نئچییه وئردون؟»

«وئردیم دای!»

«نئچییه وئردون داینا؟»

شادای گولور.

«به گؤتووه ایمان قابلا سین دی داینا!»

شادای گئنه گولور.

اسراییل دئییر: «آنامی دا ناصیر وئردی دای؟»

«هه!»

اسراییل «موهده پیلدی دئین، نه خژدئر؟» دئییب دبرمک ایسته‌ینده، ریضا باشینی پنجره‌دن ائشییه چیخاردیب شادایا دئییر: «سن ده چوخ برکییسنی شادای، گری هر نه وئرسه لر آلیب قویاسان گۆزون اوستونه، دییه سن آلاه موبارک ائله‌سین!» اسراییل الینی ریضایا اولچه-اولچه «آیه دای مؤعظه ائله‌مه‌یی» دئییر، ایکی یول دال‌بادالا سیگنال چالیب یولا دوشور، اوجادان دا ریضایا دئییر: «آمدیغیمین اوغلی!» آراز گوله-گوله ایچینی چکیر، ریضا الینی آپاریر اسراییلین قیچی‌نین آراسیندان یاپیشیب سیخیر، اسراییل چیغیریب «آیه گۆت وئرن بوشدا! بوشدا!» دئییر، ریضا بوشلاییب دئییر: «آمدیغون دا وار؟»

اسراییل موسیقی‌نین خودونو وئیر، یاواش-یاواش بوم‌بوش خیواندا گئدیر، خیوانی آخیرا یئتیریب فلکه‌یه چاتاندا، آرازین موبایلی زنگ چالیر. آراز موبایلینا باخیب «دده وای مامامدی!» دئییب الیله ریضانین چینینه ووروب دئییر: «اونین بی آز خودین آل!» ریضا خودونو آلیر. اسراییل آینادان آرازا باخیب میرتلانیر، الینی ده آرازا ساری اوینادیب یاواشدان «مامامدی! مامامدی!» دئییر.

آراز «بلی!.. گلیرم... هه! یولدیام... بابام بیلدی؟! یاخجی! یاخجی! ایندی تئز گلیم» دئییب دانیشانندان سونرا اسرایلا دئییر: «اسراییل تئز منی قوی قاپیمیزدا!» ریضا باشینی دؤنده ریب دئییر:
«آده به نه تئز؟»

آراز دئییر: «به ائشیتمه دون؟ مامام دئدی تئز گه داینا!» اسراییل آینادان باخیب الینی آراز اولچه-اولچه دئییر:
«آیه ماما کمر باریکه دییری!»

ریضا اوجادان هاهاهای ائدیر، اسراییل گوله-گوله «مامام دئدی، مامام دئدی» دئینده، آراز دئییر: «واللا اؤزینه دییه جییم.»
اسراییل آینادان باخیب دئییر: «کیمه؟ مامووا؟» دئییر: «ها دئن!»
بارماغینی آرازین آیناداکی شکیلینه یاخینلاشدیراراق دئییر:
«ایندی ائله سنون مامون گلیب منی هوپ ائلر!»

ریضا گولور، گوله-گوله ده الیله آرازی گؤرسه دیب دئییر: «آده به بینین ماماسیننان قوخمیسان؟ واللا من بینین ماماسین گؤرنده وئررم شالوارا!»

اسراییل دئییر: «آده دای آز دئن داینا!» سونرا دا لاغ لاغایلا دئییر:
«ماماسی! ماماسی!»

ریضا «چوخ دا قشیدی! چوخ! فقط بی آز کؤهدی!» دئییب دؤنوب آراز باخیب دئییر: «شوخلیغ ائله میرم آ! دوز دئیرم.» سونرا اسرایلا

«كاش ائله سن اۋزون حميده خالا كىمى بى ارواد تاپاسان» دئيب
 دۋنوب اسرايىلى آراز گۋسترەرك دئيب: «بىنا باخى؟»
 اسرايىل فلکە يە يئتیشيب دۋنوب گلدیى خیاوانا سارى قايیداندا،
 آراز دئيب: «اسرايىل بە بى دە نە قیتدون؟ بە من آخى گئدیرم
 ائیمیزه!»

«... بى ديقا! فقط بى ديقا صبر ائله!» دئيب سرعتلە گلیر، رىضا
 دۋنوب آراز باخیب «دیه سن بى تئزدیه ائوه گئتدی یوخدى!»
 دئيب گولور، اسرايىل گلیب خلیلین ائوى اولان کوچەنین آغزیندا
 ساخلايىب دئيب: «كئفلى لیمیز اوشماسئیدی گئدیپ او
 كۋپئى اوغلینین قاپیسینا بى دە ایشردوی!» رىضا گولومسەیرک
 اسرايىلا باخیب دئيب: «بە بى دفه ایشه دون اوره یون سویمادى؟»
 دۋنوب آراز باخیر، گۋز وورراق اونا دا دئيب: «هه آراز؟ دوز
 دئیمیرم؟»

اسرايىل ماشینی دۋندەریر، سرعتلە ایندی گلدیى یولو قايیدیر،
 یئتیشیر فلکە يە، سولا دۋنوب گئنه سرعتلە نیب گئندە، آراز
 باشینی قاباغا آپاریب دئيب: «أده بە هارا؟» اسرايىل بونلارا
 باخمايىب ائله او سرعتلە گئده-گئده دئيب: «أیه من سنى بئله
 بیلمزیم، نە قورخاغمیشسان؟» رىضا دۋنور آراز باخیب
 گولومسەیرک «ئئینه یى بى آز دۋز! ایندی گئدە روی!» دئيب، سونرا
 گوله-گوله اسرايىلا «أده بە هارا گئدیسن؟..» دئيب الیلە دە آرازى

گورسه ده رک دئير: «...به گورميسن اوشاغ تله سير؟» اسراييل سرعتي آزالديب بير كوچه نين آغزينا يئتيشيب كوچه يه دؤنده، ريزا گوله-گوله دئير: «آده ايندى عزيز ياتارا!» دئير: «عزيز گيله گنديسن داي؟»

«گؤتى اونا بي زي وير.»

ريضا «من؟ بئواخدييي» دئير. اسراييل ميرتلانا-ميرتلانا ريزايا باخير، سونرا ايندان آراز باخراق دئير: «گؤزو يئم آراز! اوندا سن زي وير!» آراز دئير: «من عزيزنن مشتري ديرم كي!»

اسراييل كوچه نين اورتالاريندان سوووشوب گندير، ريزا ائشيه بويلانيب سونرا دؤنوب دئير: «اسراييل بير دئير؟» گنه دؤنوب ائشيه باخيب «آده بيرادييي!» دئيرسه ده، اسراييل ريزايا باخمدان ائله ماشيني كوچه نين ديينه ساري سورور. ماشين كوچه نين چالا-چوخورونا دوشوب تاققاتوققلا آشاغيا ساري گندير، ريزا سوروشور: «اسراييل به عزيزنن آلمياجاغسان؟» اسراييل ماشيني ساخلايب دئير: «به بير نه يه گلميشوي؟» سونرا دؤنور، ييني كوچه يه ساري توتاراق دئير: «اورا چوخ ايشيغدييي!» ريزا گولور، ييني گتيريب اسراييلين اوزوندن بير قيرتما گؤتورمك ايسته ييب، «آده سن يامان آداميميشسان!» دئنده، اسراييل باشيني قاچيرديب الي نين داليني ريزايا ساري آتير، ريزا دا گوله-گوله باشيني او يانا چكير. اسراييل پخشين آلتينداكي تاققا

كىمى دن موبايلىنى گۇتورور، «عزيزا.. عزيزا!» دئيه رك بارماغىنى صفه سىنه سورتور، موبايلى قولاغىنا توتوب بونلارا دا «ولى گۇزىم سو ايشمير او كۇپئى اوغلى منيم زنگيمه جاواب وئره!» دئير، عزيزين جاواب وئرمه سىنى گۇزله يركن بيراز سوسور، سونرا موبايلى قولاغىندان چكىب دئير:

«دئمه ديم!»

ريضا سوروشور: «به نييه؟ كوسوبسوز؟»

«بياغ آراغ آلاندا ننه سىن زادىن يىغديم بى يئر!»

ريضا گولومسه يرک دئير: «هلبت آيرى بى شئيه گۇرا كوسوب. يوخسا عزيز ننه يامانىنان زاددان كوسن دئير!» اسراييل ريضايا باخيب «آخى ننه سىنين عاييب يئرین يامانناديم!» دئيب هاهاهاى گولور. رىضا «بلکه پيلين زادىن كسيبسن...» دئيب دؤنوب آراز باخيب دئير: «هه آراز؟ هئله دئير؟» آراز گۇزلويونو كؤينه يى نين آتە ييله سيله رك گولومسه يير، رىضا بير ده اسرايىلا باخيب دئير:

«هه؟ پيلينان كسدون؟»

اسراييل «قوريمساغين اوغلى يامان باهالاشديريبي» دئجه يين، رىضا يىنى يينه ووروب هاى هارايلا گولور، آراز دا دؤنوب باخيب، دئير: «دئمه ديم؟» اسراييل «آيه قحبه آرواددار كىمى گولمە يى!» ايندى قاپى-قونشى تۇكىليپ گلر!» دئيب سونرا باشى نين

اوستونده کی آینایا باخاراق دئییر: «آیه بی کیمیدی؟» ریضا دؤنور دالییا، آراز دا گؤزلویونو تاخیب دؤنوب باخیر، بیردن دئییر: «آده سیروس!»

ریضا دئییر: «سیروس؟» اسراییل دئییر: «نه سیروس؟»
«بابامین همکاری داینا!»

ریضا گئنه دؤنور دالییا، برق تیرینین آلتیندان یئین-یئین سوووشوب گلن کیشییه باخاراق دئییر: «بابون همکاریدی؟» دئییر: «ئوی بیردا اولیر؟»
«یوخئ!»

«به بی وده بیردا نه قیریر؟»

اسراییل دئییر: «اولی کی صیقه سی زادی وار بیرالاردا!» ریضا گولور، اسراییل «آراز باشو چک آینه بی!» دئییر، بوز کؤینکلی گؤرونن یوغون کیشی نین آچار سالمادان، زنگی باسمادان بیر قاپیدان ایچری کئچمه سینه آینادان باخا-باخا «یاخجی شغل بینا دئمیشم باخ! ائوده ده دئییل لر بلکه بئناوا...» دئییب، «سحرین اؤزینه جن کئشییدی!» ده دئییه-دئییه، فرماندان یاپیشاراق اؤزونو قاباغا آپاریب دالییا گتیریر. ریضا گولور، گوله-گوله ده دالییا دؤنوب آرازا دئییر: «سنون بابو دئمیر آ!»

آراز دئییر: «آده منه یامان بئواخت اولدییی، نولار منی آپارون قویون ائیمیزه داین!» اسراییل ریضایا ساری باخیب الینی اولچهرک دئییر: «آده تئز اول گوئی او عزیزه بی زئی ویر داین!»
«یاتاری.»

«آده ها یاسسین! تئز اولی!»

ریضا بارماغینی موبایلی نین صفحہ سینہ سورته رک اسراییل دان سوروشور: «شوشه یا آچیغ؟»
«آیه آچیغی، دوز شوشه وار ایندی!»
ریضا سوروشور: «بی قاب؟»

«هه! بی قاب!» دئییب، سونرا ریضادان، باشینی دؤندریب آرازدان دا سوروشور: «دئییرم ائله بی قاب بسدی داین، هه؟» ریضا، موبایل قولاغیندا دئییر: «هیی!» دئییر: «دریادی!»

«عزیز یاتمیشدون هه؟.. باغیشدا! چوخ باغیشدا!.. بی آز اسگییمیز واریدییی... هاهاه... بی قاب گوور... قاپوزدیام... یوخ! دوز قاپوزدا یوخ! بی آز آشاغیدا... آخی اورا چوخ ایشیغدییی... دونن قوشیب لار؟.. سن ویریپ تۆکیسن اولار گلیب قوشیل لار؟.. هاهاه... دوغیردان؟ پیلی نئچئیلئر؟.. خوایش ائلئرم... یاخجی! یاخجی... بی آزیئسون آشاغی منی گوورسن» دئییب دانیشماسینی قورتاریب، گوله-گوله ده موبایلینی قولاغیندان چکه رک دئییر: «لامپی هئی عزیز داشنان ویریپ تۆکیر، اولار گلیب قوشیل لار!»

اسراييل «دئدى نئچه؟» دئيهرك الينى جيبينه سالير، ريزا ماشيندان ائنه-ائنه دئيير:
«من حسابليياجيام.»

اسراييل «آيه يوخا! گه، گالا آپارا!» دئسه ده، ريزا ماشينين قاپيسينى اؤرتمه دن اوزو يوخاريا يئريير. آراز دؤنوب شوشه دن، اسراييل دا آينادان ريزانين گنديب عزيز گيلين قاپيسينا چاتماسينا، بير دقيقه كيمي اوردا دورماسينا، عزيزين قيسا شالوارلا قاپيدان چيخيب الينده كى بير قارا موشامبانى ريزايا وئرمه سينه باخيرلار، ريزا الينى جيبينه ساليب پول چيخارداندا، اسراييل دئيير:

«بيرنينا تاخديغيم، گؤره سن ريزادان نئچه آلاجاغ؟»

ريزا الينده قارا موشامبا تله سيك گليب ماشيندا اوتورور، قاپينى اؤرتجه بين اسراييل سورور. كوچه نى اوزو آشاغيا گنديب خياوانا چيخير. اوچو ده عزيزين آغوش قيسا شالوارينداكى يئكه-يئكه باتيق بله شيبى ريزايا گؤرستمه سينه، اسراييل يوللاديغى يامانا اوجادان قاققيلدايب گولركن اسراييل فلكه دن دؤنور سولا، گئنه ده سرعتله گندير. بيراز گئندن سونرا، بيردن ترمز توتوب ماشينى ساخلايير. ريزا تعجبله اسراييل باخيب آغزىنى بير سؤز دئمه يه آچينجا، اسراييل دؤنوب آراز دئيير: «گؤزو يئم آراز! دوش مسلم دا يون توكانين قاباغيندان بى-ايكى پمه دوردان خياردان گؤتى گه!»

«مىسىلم دايمىم گىلىنن كوسمىشويى!»

اسرايىل «آيه توكان آچىغ دىير كى كوسه سوز يا كوسمىيه سوز!»
 دىيب اوزونو رىضيا توتوب دىير: «گىنه اۋزونى رىضا!» رىضا دىير:
 «ياخجى!» قاپىنى آچىب دۋنوب آرازا دا دىير: «به اوۋن مامو بىردا
 گۇردىم آخى!»
 «ھاردا؟»

باشىيلا الينى توكان لارا سارى توتاراق دىير: «مىسىلم توكانىندا،
 دورمىشىدى دايونان دانىشىردى.»

«مامام اولمازدى، گۇرھسن كىمى گۇرىبسن.»

«دوزدى دالى منە سارىدى، ولى تانىدىم.»

«دئمه دىم مامام اولمازدى، اوزىن گۇرمئىسن كى!»

اسرايىل دۋنوب «آيه سنون ماموننان سورا بى شىردە كىمىن او
 بويدا گۇتى وار آخى؟» دىيب ھاھاھى گولور، رىضا اوجادان
 قاققىلدا ياراق ماشىندان ائىر، قاپىنى باغلامادان يىين-يىين
 يىرىيب آرخدان كىچىب توكانا سارى گىدىر، آراز ھىچ بىر سۇز
 دىمىر، باشىنى بوللايب اسرايىلا باخىر.

رىضا يوخارىيا-آشاغىيا باخىر، مىوھلرىن اوستونە چكىلن چادىرىن
 اوجونو قاوزايرىر، مىوھلردن بىر نىچەسىنى گۇتورور، تىز قايىدىب
 قاقچىب گلير، مىنير ماشىنا، اسرايىل گولە-گولە «ساغول رىضا!
 دوغىردان ساغول!» دىير، رىضا مىوھلرى قوجاغىنا قويوب قاپىنى

چکيب باغلايير، ماشين يولا دوشور. ريزا باشيني دؤندر مه دن
 «آراز، حئييف آلچا اولمادی!» دئييب گولور، اسراييل اينادان آراز
 باخاراق سوروشور: «آراز سن آلچئينان ايچيسن؟» ريزا گوله-گوله
 دئيير: «آيه جفرين آلچاسين دئيرمي.»

«آيه! هانسی جفر؟»

«آده جفر داينا! به بياغ گليب بلندگونان دئمه دی؟»

«پوخ يئدی! ياخجی ائله بيز اوندا دوردوغ گئددوی زئرزميه!»
 ريزا گوله-گوله «آده يامان جاليبيديی! من ده ائله ايندی اوردا
 ائشيدديم!» دئييب گئنه گوله-گوله، باشی نين توک لرینی
 تومار لایا-تومار لایا «حاجی سونا جفری...» دئجه يين اسراييل دئيير:
 «آيه جفری اؤتيری!» اليله داشبوردون جعبه سینی گؤرسه ده رک
 «اوردا استکان وار، گؤتی تۆک!» دئييب اينادان دا آراز باخيب
 دئيير:

«دئيسن آراز، اول تۆهسين سنه وئرسين، هه؟»

آراز دينمير.

ريزا داشبوردون جعبه سینی آختارا-آختارا دئيير: «به نييه خوشون
 گلدير؟ جفر کی شیرين آدامدی!» اسراييل دئيير: «شيريندی؟»
 دئيير: «آيه ايت توريميديی!»

ريزا گوله رک استکانين ياريسينا جان آراغ تۆکور، «ولی
 ائشيدمه سون جيئونن گئدر ها!» دئييب استکانی اسراييل ساری

توتور، اسرايىل «زوردى؟ ايستەمىرم ائشىدىم داينا قارداش!»
 دئيهرك رىضانين بونا سارى استكان توتماسىنى گۇروب دئىير:
 «اۋل وئر آرازايى!»

«گالا هله سن ايچ! آرازادا وئرە جييم.»

اسرايىل فلكه دن ساغا دۇنور، ماشين اوزو يوخارى كيمييه قالخير،
 استكانى رىضادان آلىر، رىضا آرازادا سارى دۇنور، «دئسن سنە آچا
 تاپىم؟» دئىيب گولور. اسرايىل استكانا باخاراق «قىيمادون؟ بينى
 قشى دولديرئيدون داينا!» دئىير، سونرا اينادان آرازادا باخىب «آراز
 سنون سالىغووا!» دئىيب استكانى باشىنا چكىر. رىضا تئز بير آلمان
 اسرايىلا وئرمك ايستەيندە، اسرايىل «خيار يوخىدى؟» دئيه
 سوروشوب استكانى رىضايلا وئرىر، رىضا «آدە! ھاي ھايدا سنە خيار
 تاپاچاغدىم؟» دئىيندە، گولە-گولە آلمانى آلىر. رىضا يارىم لىترلىك
 بطرىدن استكانا آراغ تۇكمك ايستەيندە، ال ساخلايىب سوروشور:
 «آراز پارا وئرىم داي؟»

«ايشمىرم!»

رىضا اسرايىلا باخىب دئىير: «آدە بينى كوسدىردون ھا!»
 اسرايىل دئىير: «كوسدىردىم؟» اينادان دا آرازادا باخىب دئىير: «نە
 دئدىم من باشووا دۇنىم؟» رىضا دئىير: «ھلبت او سۇزە گورا كوسىب
 داينا!»

«نە سۇزە؟»

«ماماسینا گورا دئدون ها!»

اسراییل آینادان آراز باخیب دئییر: «اونا گورا کوسیسن؟» دئییر:
«پوخ یئدیم! آنامادیم! سن ده منه بی سؤز دئی، عوضی چیخسین!»
ریضا گولور.

اسراییل آینادان آراز باخیب دئییر: «باخ هر نه دئسن دئی،
آزاسان.»
ریضا گئنه گولور.

اسراییل دئییر: «آیه نه گولیسن؟ ننه م جانی دوز دئرم.»
ریضا آراز ساری دؤنوب قولاغینا بیر سؤز دئییر، گوله-گوله گئنه
دؤنور قاباغا، اسراییل دئییر: «نه دئدون؟»
ریضا گولومسه یرک دئییر: «هئس زادا!» سونرا پخشین خودونو
وئریب، آراز ساری دؤنوب دئییر: «آراز استکانی دولدیریم؟»
«یوخ!»

«آده قوی بیرین وئریم داینا!»

«یوخ!»

«سنی مامون جانی بیرین ایچ!»

آراز باشینی بیر توولاییب گولومسه یرک دئییر: «نئینه ی بیرین
وئرا!»

ريضا بىراز دا پخشىن خودونو وئىر، چىينىنى اوينا داراق بطرىدن استكانا بوشالدىندا، آراز دئىير: «دېيىندە وئر! اىستەمىرم ائوہ آشا- آشا گئدم.»

ريضا آراغ بوشالتدىغى استكانى، اورا-بورا باخاندان سونرا دۇندە رىب آرازا وئىر، آراز آلىب «ساغولون!» دئىيب باشىنا چكىر، رىضا دۇنور، اليندە بىر هولو آرازا سارى توتور، آراز دئىير: «آلما وئرئ!» رىضا گولەرك «آدە! نە فرق ائلىير آخى؟» دئىيب داشبوردون جعبەسىندىن بىر آلما تاپىب آرازا وئرەرك دئىير: «گالا، بى دا آلما!» آراز آلمايا بىر دىش وورور، چئىنەيە-چئىنەيە دئىير: «قوخدىم هولى آخا، كۇينەيمى بلىيە!»

ماشىن بىر اوچ يولا چاتىر، سول الدە ائىلى بىر كوچەيە دۇنور، بۇيرونده خىردا پارك كىمى اولان كوچەيە، اسرايىل «بىرا يامان ساىخىندى، بىز ھەمەشە گلىروى بىرا» دئىەرك بىراز قاباغا گئدىر، ماشىن باشىنى پاركىن قىراغىنداكى يوغون قلمەلرە سارى وئرىب دايانىر. قلمەلر پاركىن دۇورەسىنى آلىبلار. گاهدان آرالارىندا سوپود دە گۇرسنىر، آما چوخو قلمەدى. يارپاق لارى دا چوخ ياواش بىر يئللە اسىرلر. قارقا يووالارى دا وار آجاج لاردا. قارقا لاردان خبر يوخدور آما. ياتىبلار ھلبت. ھامىسى ياتىبلار. اوياق اولسايدى بىرى، يووادان باخسايدى يئرە، اسرايىلىن ماشىننى گۇرردى. اىستەسەيدى ايچىندەكى لرى دە گۇرردى. گۇرردى

اسرائیل لا ریضانین دال بادل استکان قالدیریب خیرتدکلرینه تۆکمهلرینی، گۆرددی ده ایچندن سونرا هولودن، آلمادان دیش لرینه چکمه لرینی. بلکه ائشیدرددی ده اسراییلین «آیه بیاغ دئدیم ایسته میرم ائشیدم داینا، جفرین بیرینا کئچیردیم سونا قاریشیق!» دئمه سیله، دالیجا اوجادان گولمه سینى. آما قارقالارین هامیسی یاتیبلار. هئچ ماشینین یاندیریلیب دبرمه سیله، نیرهانیرلا دال-قباق اولوب خیوانا چیخماسیلا دا دورمورلار هئچ بیرى.

سرعتله گئدیر اسراییل. ماشینین بلندگولاریندان موسیقی هایى قوپوب خیوانا یایلیر، او خیوانی سرعتله گئدیبلکه یه یئتیشیر، فلکه دن سوووشور، گئنه سرعتله گئدیبل ساخلاییر پایاق ساخلادیغی کوچه نین آغزیندا، خلیل گیلین کوچه سینین، آراز دئییر:

«بى آز قیراغدا ساخلا!»

اسراییل دؤنوب آرازا باخیر، گوله رک باشیلا الینی توولاییر، ریضایا «تئز اول! تئز اول دوش گه!» دئییب ائنیر. ریضا ائنمیر. اسراییل یئیین-یئیین ماشینین قاباغیندان سوووشوب ریضایا ساری گله-گله، اونون هله ده اوتورماسینا، ائنه مه سینه آجیقلا نیب الینی اؤلچهرک دئییر: «به دوش داینا!»

ريضا گولە-گولە باشىنى يوخارى آتير، اسرايىل ماشىنىن قاپسىنى
 آچىب دئىير: «آيه به گلميسن؟»

ريضا گولەرك دئىير: «بى دفة ايشەدوى بسدى داي!» اسرايىل
 «نئىنەى دوش گە! جانىم جەنم...» دئىيب گولە-گولە دە سۆزونون
 دالىنى توتوب دئىير: «...او جفر آغزىنا قابلايدىغىمىن دا جريانين
 دىيرسن!» رىضا الينى اؤلچە-اؤلچە «ايندى كى بئله اولدى، نىم
 جانى هئچ اۆلەسن دە دئمىيە جييم» دئەرك ماشىندان ائىير،
 اسرايىل لا پىادا يولونا گئىدىب اوردان دا كوچە يە گىرىر.

آراز دوشوب گلير قاباغا، كئچىر فرمان دالىنا، پخسى باغلايىر،
 ماشىنى خىاوانين قىراغىنا وئرىر، سۇندورور، دوشوب گلير گئە
 اوتورور يئرىندە. موبايلى زنگ چالىر. تلفونو گۇتورور «ماما... گلدىم!
 گلدىم!.. ائله بى دىقىيا يئتتىشم ايندى!» دئىير، كوتونو گۇتوروب
 ماشىندان ائىير، كوتونو گئە-گئە ايندى ماشىنلا گلدىكلرى
 فلكە يە سارى قاچىر. قاچىب، قاچىب، بىر كوچە نىن آغزىنا
 يئتتىشندە دايانىر، تۇوشە يە-تۇوشە يە دۇنوب دالىيا باخىر. اسرايىل لا
 رىضا كوچە دن چىخىب ماشىنا سارى گليرلر، ماشىنىن اچىندە
 آرازى گۇرمە دىكلرى اوچون اورا-بورا باخىرلار، آراز كوچە نىن
 آغزىندان اونلارا سارى ال قاوازيىب بىر نئچە يول دېردىر، سونرا دا
 «رىضا! ھاي رىضا!» دئىيب سسلەيىر، اونلار ايكىسى دە سس گلن
 يئره سارى باخاندا، آراز گئە ال دېردىب گىرىر كوچە يە. اسرايىل

«آیه به دایاندون ماشینان آپارئیدیم داینا!» دئییب باشینی بوللا بیر، ماشینا مینه‌رک ریضایا دئییر: «گه اوتی گئدی!» ماشین آلیشیر. گئنه ده موسیقی سسی اوجالاراق سرعتله یئریندن دبریب فلک‌یه ساری گئدیر، فلکه‌دن ساغا دؤنور، گئنه سرعتله گئدیر آشاغییا، بیراز گئندن سونرا، بیر سرعت‌آلنین اوستوندن آتیلیب تیتیره‌یه‌رک سوووشور، بیراز قاباقدا، خیوانین قیراغیندا ساخلانیلیر. ریضا قاباغیندا ساخلادیق لاری قاپینی، قارانلیقدا قارامتیل گؤروکن بیر قاپینی گؤرسه‌ده‌رک اوجادان «آده ددم دورارئ ایندی» دئییب الینی پخشه اوزادیب خودونو آلماق ایسته‌ینده، اسراییل ریضانین ال‌نین اوستونه بیر شیلله سالیب اوجادان گوله-گوله «آلو چک آینه!» دئییب پخشین خودونو آلیر. موسیقی‌های کسلییر. ریضا قاپینی آچیب دوشور. دال قاپینی آچیب کوتونو گؤتورور، «سنه ده قیسمت!» دئییب قاپینی اؤرتور، دؤنوب پیدایا یولونا کئچمک ایسته‌ینده، اسراییل دئییر: «آیه به دئمه‌دون آخی!»

ریضا دؤنوب گلیب ماشینین پنجره‌سیندن باخیر، «دئدیم دای دئمییه جییم، ننه‌مین جانینا آند ایشدیم!» دئییر، گئنه قایدیب گئدیر.

اسراییل چیغیریب «ننؤن گؤتینه کئچیردیم!» دئییب تئز ماشینی دبردیب سرعتله یولا دوشور. ریضا تئز قاچیب گلیر خیوانا، چوخ

اوجادان چىغىرراق «شىمانىن گۆتىنە سوخىمى، گۆتىنە!» دئىب
 ئولرىنە سارى قايدىر. اسرايىل سرعتلە گئدن ماشىنى، ترمز
 جىغىلتىسى قاوزاناراق ساخلايىر، دوشوب رىضانىن دالىجا قاقچىر.
 رىضا اسرايىلدىن قاچا-قاچا گلەمەسىنى سئزجەيىن، تئز قاپى لارىنا
 سارى قاقچىر، قاقچارق دا جىيىندىن آچار چىخاردىر، يئتىشجەيىن
 قاپىنى آچىب ئوۋە تىپلىر. اسرايىل گورومپولىلە باغلانان قاپىيا
 يئتىشىر، قاپىيا ايكى-اوچ يوموروق ووراندىن سونرا، زىنگىنى چالىر،
 آيفوندىن بىر كىشى مضطرب سسلە «بلى؟» دئجەيىن، الينى زىنگىن
 چكىر، چوخ اوجادان، چوخ دا آجىقلا دئىير: «گۆت وئره نوۋە دىللن!»
 اسرايىل مېنىر ماشىنا، تىك آف چكەر ك دۆنور. سرعتلە گلىب
 باياقكى فلەكە يە چاتىر. فلەكە دن سولا دۆنور. بىراز قاباقدا، باياق
 كئچدىيى كۈچەنن ايندى آغزىندا دوروب آشاغى-يوخارى باخان
 آرازى گۆرجهيىن تئز ترمز توتور، ماشىنى خىاوانىن اورتاسىندا
 ساخلايىب باشىنى پنجرەدن چىخاردىب دئىير: «آيە بە گئدىردون
 ئوۋە؟»

آراز گولومسەير ك دئىير: «بابام دئدى ئالە هاردئدون قىت گئد
 اورا!»

اسرايىل دئىير: «اوندا گە اوتى! گە اوتى گئدى!»
 آراز ياواش-ياواش گلىب كئچىر اوتورور ماشىندا، اوتوروب قاپىنى
 اۋرتجەيىن دە سوروشور: «رىضا گئدى؟»

اسراييل «آيه ريضانين نكواريना قابلئمي!» دئيه رك يئرinden دبريب سرعتله يولا دوشور، چاتير فلكه يه، اوردان دا ساغا دؤنور، سرعتله اوزو يوخارى قالخير، خياوانى گئدير، سونونا يئتيرمه ميش توى ائوى اولان كوچه يه دؤنور. كوچه نين قيراغينداكى باياقكيندان سايى چوخ آزالان ماشين لارين يانيندان سوووشوب توى ائوينين قاپيسينا سارى گئندده، دووارين قيراغيندان دبريب كوچه نين چيخاغاينا سارى گلن بير ماشينين ايچيندن گلن هاى هارايى ائشيديرلر سه ده، چيراق لارينين ايشيغى گؤز لرينه دوشدويونه گؤره ماشين بؤيورلريندن كئچمه يينجه هاى هاراي ساليب آجيقلا اوجادان دانيشان آدام لارى، نه ده مينديكلرى ماشينى ياخجى گؤرمورلر. ماشين بؤيورلريندن كئچنده ماشينى، گؤز لرى ات ايچينده ايتميشى، بير ده بهنام لا بير آيريسينى گؤرورلر. اسراييل «خئير، ديهه سن بهنام ال چه ميه جى!» دئيه رك ماشينى دووارين قيراغيندا ساخلايير. آراز ائير، كوچه نين او اليه كئچيب توى قاپيسى نين ايكى-اوچ آدديمليغيندا اسراييلين گلمه سيني گؤزله ييب دا يانير. اسراييل قاپينى آچير، ماشينى دووارين چوخ ياخينيندا ساخلا ديغينا، ائنه بيلمه دييينه گؤره، آراز باخيب باشينى بوللا ياراق گئنه ماشينى يانديرير، دال-قاباق ائدير، راحت ائنه بيلمه سى قدر دوواردان آزالى ساخلاييب دوشور.

اسرايىل لا آراز يئىنجه سىنە پىللەردن حىطە ائىب دار كئچە جكدن كئچىب باياق چىراق لارى سۇندورولموش، ايندى ايشىغى قاباغىنداكى ريحان اكيلن كردييه ساچىلمىش اوتاغا سارى گئندندە، سارماشيقلى دووارىن يانيندا دوران كىشى لىن بىرىنىن «آراز!» دئيه چاغىرماسىنا ايكىسى دە دۇنوب اونلارا سارى باخاندا، سۇزونون دالىنى توتوب «...خورىز شورباسىنا گۇرا قىتدون؟» دئىن جابىرلە، يانينداكى گولوشن كىشى لرى گۇرورلر. گولمك هاىى هاوالانىب ياتاندىن سونرا، آراز «جابىر! بە اولاردان يئر پىلى آلمىياخسان؟» دئيه باشىلا دا اوتاغى گۇرسە دىر. جابىر «بە بىردا نىه دورمىشام؟» دئجه يىن گئنه يانينداكى لار گولور، «فئىروز عمىم اوۋى دئدى دو بىردا اوتانناردان يئر پىلى آل» دئىندە دە، آراز گولومسە يەرك اسرايىل لا اوتاغىن قاباغىنا سارى گئدىرلر. جابىر اسرايىلى دالدىن «هاى ايسى؟» دئيه چاغىرير، اسرايىل دۇنوب باخاندا، دئىير: «بىجور مىجورسانا!» اسرايىل جابىرە جاواب وئرمەدن آرازىن دالىجا اوتاغىن قاباغىنا سارى گئدىر، آرازىن يانيندا دورور، آراز كىمى دە پنجرەدن ايچرى باخىر. سىگار توستوسونە بورونموش او اون-اون بئش آدمى، بۇيورلرى اوستە بالىنچ لارا سۇيكەنن لرى، كوتو بۇيرونده دىزلرى اوستە اوتوروب كۇينە يى نىن دە بىر قولونو دىرسكدن اوستە چىرمالايان، دقتلە اليندەكى كارت لارا باخىب باشىنى قاوزامادان «وئىرير!» دئىن ناصىرى، بۇركونو

یانینا قویوب، کوتو چیینینده اوزو اوینا ساری اولان اوروفو گورورلر. اسراییل بیردن الینی آغزینا باسیب، اؤؤو ائلهیه رک کردییه ساری قاچیر، باشینی کردییه آیب قوسور. آراز تئز گلیب الینی اسراییلین کوره یینه قویور، دئمک اولار چیینینی ده اویور. اسراییل قوسوب، قورتاریب، باشینی قاوزاییر. آراز «دای راحتداشارسان!» دئیهرک «ساری گلین» هاواسینی زنگ سسی نین یئرینه دؤوره-بره یایان موبایلینی جیبیندن گؤتورور، صفحه سینه دقت سالیر، قولاغینا قویوب دئییر: «بلی؟» دئییر: «گئنه قیتدیم تو یا داینا... گلیم؟.. یاخجی! یاخجی!»

پادا یولونون قیراغینداکی برق دیرک لرینین چیراق لاریلا، گاهدان قاباقدان گلن ماشین لارین چیراق لارینین ایشیغی اسراییلین شوشه یه سؤیکه نن باشینا، یومولان گؤزلرینه دوشور، آراز یاواش-یاواش او خیوانین سونونداکی فلکه یه یئتیشیر، ساغا دؤنور، بیراز دا قاباغا گئندن سونرا، سولدا بیر ائلی کوچه یه کئچیر، اللی-آتمیش متر ایره لیله ییب، کوچه نین آلا قارانیغیندا زیل ماوی یه چالان قاپینین، بیر ماشین کئچه بیله جه یی قدر ائنی اولان قاپینین قاباغیندا ساخلاییر. ماشین سؤندوروب سوویچی چیخاردیر، دؤنوب اسراییل باخیر. کوچه نین گیره جه یینده کی برق دیره یی نین چیراغی نین گلیب اسراییلین اوزونه چاتینجا، سرب سپه لنن ایشیغیندا باشینین تویدا آش دنی کیمی گؤرسه نن آغ تئل لری

بوردا ھىچ گۆرونمور. اسرايىل گۆزلىرىنى آچىب آرازا باخىر، آراز گولومسە يىرك اسرايىلا دئىير: «دای گئدى ياتاغ!» ماشىندان ائىندن سونرا دا دئىير: «من گئددىم، گئجون خئير!»

آراز خياوان اوزو آشاغى يئىين-يئىين گئدير. يئىين-يئىين، بئله تله سىك يئرئىمكده، بلکه ده ھىچ فىكىر وئرمير يانىندان سوووشدوغو قلمه آغاچ لارىنا، كۆھرە آغاچ لارىنا، گاهدان دا گىله نار آغاچ لارىنا. بلکه ده شارھا-شارلا آرخدان آخان سويون سسىنى ده ھىچ ائشئتمير.

خياو

۹۶ نىن خرداد آيىندان

۹۸ ين آذر آيىنادك